





Henry Constable - Marshall

✓

DVODECIM  
SPECVLA  
DEVM  
ALIQVANDO VIDERE  
DESIDERANTI  
concinnata.

Auctore P. IOANNE DAVID  
Societatis IESV Sacerdote.



ANTVERPIÆ,  
EX OFFICINA PLANTINIANA,  
Apud Ioannem Moretum.  
M. DC. X.

АДУЛІ  
МІСІ  
ДЖЕРІЛІСІ  
ІТКАСЫ

СІЛІКІНДЕРІ

КІРІСІНДЕРІ

# DEI PARÆ VIRGINI.



DOMINA mea sancta MARIA, Regina cæli; quæ singulari prærogatiuâ, vnigeniti tui Deique filij titulo fruens & fulgens, SPECVLVM SINE MACVLA, nuncuparis: quæque tamquā splendidissimum perfectissimumque cūctarum virtutum EXEMPLAR, in templo hodie PRÆSENTATA fuisti: ecce ego (conspectu tuo licet indignus) me tibi demisso in terram vultu, PRÆSENTO; & lubenti animo, SPECVLORVM istorum exilitatem, pudibundumque candorem, benignissimo tuo patrocinio ac fauori dico consecroque. Nam, cùm vniuersum per orbem, tamquam

indubitata bonorum votorum  
cœptorumque fautrix & auxtrix  
prædicēris, & manus tuæ tornati-  
les cælesti benedictione hac pol-  
leant, vt quidquid illis ritè fuerit  
creditum, peculiari quadam effi-  
caciæ gratiâ feliciter imbuatur:  
certa mihi à tam fausto sidere spes  
affulsit, fore, vt & ego in primis  
ex hac SPECVLORVM fabricâ &  
concinnatione, fructum mihi spe-  
ratum, te patrocinante, eliciam;  
animæ, inquam, puritatem, lumen  
gratiæ, & post huius vitæ curricu-  
lum, BEATIFICÆ VISIONIS FRVI-  
TIONEM: tum verò, vt, si quē alium  
ista intueri contigerit, is, eādem  
tuâ ope suffragante, eiusdem me-  
cum fiat beneficij particeps.

Suscipe igitur, obsecro, piissima  
DOMINA, humilis tui seruuli piū  
votum & donum: atque VNIGE-  
NITO tuo, Domino nostro, hunc in  
finem à te commendatum (quan-  
doqui-

doquidem bonorum nostrorum  
non indiget ) gratiæ suæ munere  
auctum redona : vt ad maiorem  
ipsius gloriam , tuum honorem ,  
nostrarumq; animarum salutem ,  
vti valeamus . Audi clementissima  
GRATIÆ MATER , animam meam  
anhelatam , eiusque miserere : audi  
quid cū Sancto quodam , languida  
spiret & speret : *Credo videre bona*  
*Domini in terrâ viuentium.* AUG. IN  
P. 26. o bona  
Domini dulcia , immortalia , incom-  
parabilia , sempiterna , incom-  
mutabilia ! Et quando videbo vos ,  
*bona Domini ? Credo videre ; sed*  
non in terrâ morientium . *Credo*  
*videre bona Domini , in terrâ vi-*  
*uentium.*

Quapropter , si me exaudieris ,  
DOMINA:ego , & nomen & ho-  
norem tuum pro viribus propu-  
gnando & ampliando , me tibi fi-  
deliter , dum vita comes erit , fami-  
laturum promitto .

A D  
S P E C V L O R V M  
I N S P E C T O R E M.



MICE Lector, & INSPECTOR: quemadmodum qui SPECVLVM aliquod suis vſibus comparat, non prohibet, quo minus illud alij quoque, dum occasio datur, inspiciant: non aliter ego, tametsi DVODECIM ISTAEC SPECVLA mihi potissimum concinnarim, ignarus an aliquando in aliorum conspectum prodirent; non impedio tamē, si quando fortasse lucem videre viderique contigerit, quin tu quoque in illis legitimè SPECVLERIS, atque eadem vtilitati tuae plenissimo iure præcipientias inseruire.

Si verò (quod fieri potest) tuum vſum à meo metiri sit animus; ne curiositati alioqui, quantumuis piae, plusculum detur: ego quidem hunc me fructum ex illorum CONTEMPLATIONE collecturum speravi; primū, vt purgato mentis obtutu, clarius diuinam erga me voluntatem intuerer; tum vt iuxta normam illius, quasi spiritualis perspectivæ prototypon,

me

me actusque meos componendo, & VI-  
DENDAE IPSIVS FACIEI in cælis,  
in me DESIDERIVM inflammarem,  
& eiusdem aliquando idoneus fierem S P E-  
C V L A T O R.

Quod cum æternæ beatitudinis summiꝝ  
boni summam complectatur; ad quam omnes,  
tam conditionis primogenio iure, quam re-  
demtionis merito, adspiramus: non possum  
non tibi quoque tantumdem felicitatis, diuinæ  
charitatis lege ac necessitudine compre-  
cari; quod facio. Hoc tantummodò à te, candide  
Lector, & què candidè flagito; ut ubi boni con-  
sulueris & cōmodè habueris, quæ minùs effent  
placitura; hunc in scopum, legendo cetera, &  
SPECVLANDO, collimes, quem ego mihi met  
(vt iam intellexisti) inter scribendum & de-  
pingendum, sincerè præfixi. Idque non nisi  
optimo iure mihi videor postulare. Nam, si,  
quemadmodum mihi certò persuasi, nemini  
S P E C V L A ista nocitura, si candido recto-  
que oculo illa inspexerit; ita non omnino nihil  
profutura speravi, modò lege iam dictâ uti  
voluerit. quis animum in re bonâ tam bonum  
non consulat boni? Vale itaque, & fruere.

# PRÆAMBVLVM.

## DESIDERIVS.

Ps. 17.



3. Reg.  
10.

Ps. 41. quemadmodum desiderat ceruus ad fontes aquarum ; ita desiderat anima mea ad te Deus : sicutque ad te Deum fortē viuum . Quando veniam , & apparebo ante faciem tuam ? Hoc , Domine , desiderium meum ante te atque in conspectu tuo versatur quotidie , si fortē aliquando inueniat gratiam , & sui voti compos

Pro. 13 reddatur : sed quia spes quæ differtur , affligit animam ; hinc ingemisco , suspiro collacrymans : & gemitus meus à te non est absconditus . Cupio namque cum Zacchæo videre I E S V M , quis sit ; & præ turbā tam internorum quam externorum impedimentorum non possim : tum quia staturā pusillus sum tum potissimum , Exo. 33 quia tu respondes mihi : Non videbit me homo , & viuet .

Heu mihi igitur , quòd incolatus meus prologatus est ! & sicut ab oculis ita & ab occultis tuis quasi proiectus tuus , in hac lacrymarum valle peregrinari compellor . Interim , fiunt mihi lacrymæ meæ panes die ac nocte , dum dicitur mihi quotidie : Vbi est Deus tuus ? Hęc recordatus sum , & effudi in me A N I M A M M E A M .

Anima mea , quid agimus ? quòd nos tandem conuertemus , dum à facie dilecti nostri seclusi , cum

cum habitantibus Cedar , ac tenebroſi huius exilij incolis, ſe inuicem affigentibus, & facientibus tibi inuicem angustias, lugentes cogimur conuerſari , ac miſeram in hac carne mortali ſeruire ſeruitutem?

Sed tamen, quid uſque adeò tristis es anima mea, & quare adhuc magis conturbas me? Spe-  
ra in Deo: &, ſi quid tibi forte ſolatij inſtillarit,  
ne quæſo retineas verbum in tempore ſalutis;  
ne que abſcōdas ſapienſiam in decore ſuo. Nam  
& ego tibi, dilecta mea, reuelabo fideliter, ſi for-  
te quem diligis, prior inuenero, & ſalutare elo-  
quium ex mellifluo ipſius ore percepero.

Ecli. 4

## A N I M A.

Quid vis , ô dilecte contubernalis , vt dicam tibi ? Tota moror in amaritudine ; & tabescere me facit zelus meus . Amo, deſidero, concupiſco, quæro : & dum non inuenio , langueo, gemo, & luſpiro . Luſpiro, clamo, & plorans ingemino; Quis es Domine? vbi es Domine? qua-  
lis es Domine ? vbi cubas in meridie? vbi paſceris ? vbi vident te, & te fruuntur dilecta tuæ, ſponsæ & forores tuæ , fideles animæ ? ibo poſt veſtigia earum ; curram in odorem vnguentorum tuorum; & ſequar, quo cumque me traxerit tactus & tractus à te amor meus. Tu namque ſcis Domine , quia amo te . Exquisiuit te facies mea, faciem tuam Domine requiram : quia in toto corde meo exquiui te , & quidem non niſi propter te ; atque hoc totum , quia traxisti me , & miſerans miſertus es mei. Illumina igi-  
tur Domine vultum tuum ſuper nos , & miſerere noſtri. Oſtende nobis faciem tuam , &

P R A E A M B U L V M.

salui erimus. Ostende nobis Patrem , & sufficit nobis.

D E S I D E R I V S.

Quid adhuc audio te lamentantem. ô anima mea ? Non recordaris quid responderit olim duobus dilectis discipulis suis dilectus tuus? Nescitis quid petatis. Sicut enim sedere ad dexteram & sinistram ipsius , vt postulabant, non erat ipsius dare illis : ita nec dare tibi faciei suæ conspectum , quemadmodum illum modò re*Judith* quiris. Sed, quid ô anima mea interim concidit *6.* facies tua? Suspice cœlum, intuere & contempla*Gen. 4.* re æthera, quòd altior te sit : & quid tamen ista *Job 35.* ad incomprehensibilem quam desideras visionem eius? An etiam nescis , quòd frustrà cordis oculum erigit ad videndū Deum, qui nondum idoneus est ad videndum seipsum ? Prius est siquidem , vt cognoscas inuisibilia spiritus tui, quam possis esse idonea ad cognoscenda inuisibilia Dei. Et, si non potes cognoscere te, ne præsuinas ea quæ sunt supra te.

A N I M A.

Prudenter hæc quidem , & rectè mones mi frater : quid tamen hoc esse dicas, quòd inuisibilia illa Dei, quæ vere videre desidero , nec scio quo pacto , quo plus latent plus placent ; & negatis audiùs inhiamus.

D E S I D E R I V S.

Amantis,& quidem ardenter amantis ac desiderantis indicia sunt ista : sed , quid iuuet illis insistere, quando ad concupitæ visionis fruitiō nem

P R A E A M B U L V M.

nem talibus mediis non datur peruenire? Et, quis ex hac amoris prærogatiâ impensum sibi glorietur quod optat, repensumque vicissim à se quipiam dignum Deo præsumat; vel, se liquidò nosse, dum necdum tenet, quod toto corde desiderat; nisi qui præcipuâ mentis puritate, & corporis sanctitate, in semetipso meruerit tale quid, quasi per præambulum, experiri? Res est in affectibus, nec ratione ad eam pertinet, sed conformitate.

A N I M A.

Conformatate, aie? Et quonam illam modo conformitatem obtinebimus, quo tandem ad concupitam illam ac beatificam Dei visionem admittamur?

D E S I D E R I V S.

Audi istud testantem eum, qui expertus loquitur; & imitari contendit, ut tu quoque tali visioni te valeas comparare. Nos autem, inquit, 2. Cor. reuelatâ facie speculantes gloriam Dei, in eam- dem imaginem transformamur, de claritate in claritatem, tamquam à Domini spiritu. Transformari oportet, ô anima mea, & purgare mentis oculum: ut, quod magis Deo in puritate ac sanctitate similes futuri sumus, eò clarius eum aliquando videre possimus.

A N I M A.

Placet quod dicis quām maximè; sed quā dabitur istud complecti, & actu perficere.

D E S I D E R I V S.

Quod sermo non explicat, consideratio quærat,

P R A E A M B U L V M.

rat, oratio expetat, mereatur vita: atque ita puritas affequetur. Tantum esto animo bono, & adnitere: fontem suum, mentem nimirum de quâ oritur, ipsamet consideratio purificabit: dein reget affectus, diriget actus, corriget excessus, componet mores, vitam honestabit, & ordinabit: postremò diuinarum pariter & humana rerum scientiam, scientiam inquam Sanctorum, conferet; & animam ad videndum Deum quam aptissimam reddet: hîc quidem beatitudine naturali, quam intellectus clare Deum cognoscat, & ut bonorum omnium auctorem diligat; & post hanc vitam beatitudine supernaturali, quam Deum cognoscat & videat sicuti est, eoque fruatur in perpetuum. Et hæc est vita æterna, beatifica illa visio ac diuinæ gloriæ participatio, fine caritura, quam pariter quærimus.

A N I M A.

O quam bonum erit nobis illic esse! quo circā nos ei hîc (ut dixisti) conformes efficere studeamus. Sed, vnde quæso nobis tam efficax consideratio, quam instar S P E C V L I nobis iam descripsisti, quo ad puritatem illam optatam æ necessariam veniamus?

D E S I D E R I V S.

Hoc vnum mihi velim credas, ô anima: præcipuum S P E C V L V M ad videndum Deum, esse animum rationalem, intuentem seipsum; & tam diu se illius ope purificantem, donec in semetipso, velut in S P E C V L O, Deum contempletur.

Qua-

P R A E A M B U L V M.

Quapropter , dicam quid cogitem modò .  
Varia in mentem veniunt s p e c v l a , per quæ  
licebit exspatiari , & ex omnibus , quod usui tam  
salutari conueniat , discrete feligere : ut mens  
nostra , diuinæ bonitatis speculum , & idoneum  
beatificæ visionis receptaculum , aliquando esse  
mereatur .

A N I M A .

Rectè : probatur quod consulis , quandoqui-  
dem nos etiam Sanctus quidam sic admonet :  
Oculus , quo Deus videndus est , nunc fide imun-  
detur . Beati enim mundo corde ; quoniam ipsi  
Deum videbunt . Alioqui , non ignoramus ,  
quod viuere quidem omnes beatè volunt ; sed  
ad peruidendum , quid sit , quod beatam vitam  
faciat , caligant .

Eapropter oramus te Domine ; illuminata vul-  
tum tuum super nos : vt , sicut imperfectum  
nostrum vident oculi tui ; ita nos , quid tibi in  
nobis dispiceat , videamus , & quasi ad s p e c v -  
l u m emendemus : quodque acceptum & gra-  
tum est in conspectu tuo , hoc ipsum tuâ gratiâ  
confirmetur , & in opus perfectum deducatur .

I N

I N  
DVODECIM SPECVLA  
DEVM aliquando videre  
DESIDERANTI  
concinnata.

**O**lim me speculo, ne vanus haberer, in uno  
Explorare, metus relligio qz fuit.  
Rebar enim, speculis in leuibus, atque ea fama est,  
Argumenta leuis non leuia esse animi.  
At, postquam SPECVLIS me pluribus intuor; ecce,  
Nec metuo vanus, nec metuo esse leuis.  
Quin magis atque magis quò me iuuat usque tueri;  
Hoc minus & vanus sio, minusqz leuis.  
Quæ ratio hæc, oculi? SPECVLIS qui lusus in istis?  
Dicite, sed nî estis capti oculis, oculi.  
Scilicet hos aliquis cælestior ignis adusit,  
Aethereo Auctoris ductus ab orbe manu.  
Hunc ignem, has flamas, SPECVLIS deprendet  
in istis,  
Qui non ingratâ triuerit illa morâ.  
Hic se deflebit, sese hic mirabitur; & quod  
Antè sicut, spernet; quódque erit, esse volet.

P. H. S. I.

## DVODECIM SPECVLA.

|       |   |        |
|-------|---|--------|
| I.    | <i>Speculum commune.</i>  | fol. 1 |
| II.   | <i>Speculum fallax.</i>   | 13     |
| III.  | <i>Speculum vrens.</i>  | 27     |
| IV.   | <i>Speculum complacentiæ.</i>                                     | 41     |
| V.    | <i>Speculum oculorum alienorum ; quod<br/>est, laudis alienæ.</i> | 55     |
| VI.   | <i>Speculum propriæ vilitatis</i>                                 | 69     |
| VII.  | <i>Speculum purgatiuum.</i>                                       | 83     |
| VIII. | <i>Speculum creaturarum.</i>                                      | 97     |
| IX.   | <i>Speculum sacræ Scripturæ.</i>                                  | 111    |
| X.    | <i>Speculum exemplare.</i>  | 127    |
| XI.   | <i>Speculum ænigmaticum.</i>                                      | 143    |
| XII.  | <i>Speculum visionis beatificæ.</i>                               | 159    |

CONCLVSIO omnium, cum pio ad  
DEVVM, ad B. MARIAM, & ad  
ANGELVM CVSTODEM, allo-  
quio. 178

I. SPECVLVM COMMVNNE.



Naturam iuuat artis opus; SPECVLOQVE magistro,  
Præcipit arcanas emaculare notas.

- |   |   |
|---|---|
| A. Iris, in nubibus solem<br>refert:            | D. Pythagoras iubet suos se ad so-<br>lem in speculo contemplari. |
| B. Sed imperfecta est solis<br>imaginatio.      | E. Quid iuueni discendum ex<br>speculo.                           |
| C. Socrates suorum mores ad<br>speculum format. | F. Quid seni consilio speculi<br>meditandum.                      |

D V O D E C I M  
S P E C V L A  
D E V M  
A L I Q V A N D O V I D E R E  
D E S I D E R A N T I  
c o n c i n n a t a .

I. SPECVLVM COMMVNE.

D E S I D E R I V S .

v a m dilecta tabernacula tua Do- Psal. 83;  
mine virtutum ! concupiscit & de-  
ficit anima mea in atria Domini .  
Sed quid dicit Propheta ? quo-  
modo legis , ô anima mea ? Nón-  
ne te conturbant , quę illic interrogat , & ingredi  
desiderantibus clare prescribit ? Auribus percipe  
verba eius , & in corde tuo fideliter rumina .  
Quis ascendet , inquit , in montem Domini ? Psal. 11;  
aut quis stabit in loco sancto eius ? Innocens  
manibus , & mundo corde : qui non accepit in-  
vano animam suam . Hic accipiet benedictio-  
nem à Domino , & misericordiam à Deo salu-  
tari suo . Hæc est generatio quærentium eum ,  
quærentium faciem Dei Iacob . Quæris qui-  
dem dilecta dilectum , & ego tecum : sed , nec

A

es

es manibus innocens, nec corde mundo; & ego multipliciter in vano accepi & possedi te, in hunc usque diem, annorum vitae, viae inquam peregrinationis meae. Quid igitur agimus, ô soror & comes viae; quid inquam agimus? Sic ut dilectus noster dilectam ac diligentem desiderat: ita pulcher pulchram, formosus formosam, purus puram, & castus non nisi castam querit. Nonne sic audis illum compellantem non semel, sponsam suam, electam ex millibus?

Cat. 1. Ecce, tu pulchra es, amica mea, ecce tu pulchra  
 4. 5. & es. Nam & vice versa respondens ac congratulans illa, quam primum idem elogium ei decantat: Ecce tu pulcher es, dilecte mi, & decorus. Quod nimirum declareret, pulchro non nisi pulchram coniungi animam, & sanctam sancto. Quae enim communicatio pulchri cum fœdo, & sancti cum profano?

## ANIMA.

O speciose formâ præ filiis hominum, in cuius labiis diffusa est gratia! Heu mihi, quâm mea turpitudinis pudet, piget, & pœnitet! Nec speciosi pedes, nec mundæ manus, nec facies decora, nec oculi puri sunt, & cor immunditiis scatet. Ecquâ igitur viâ vel gratiâ gratiam in oculis tuis inueniam? quomodo comparebotam deformis & incomita ante faciem tuam? aut qui fieri poterit, ut aliquando tibi tam fœda consocier; tibi inquam, cuius pulchritudinem, sol, stellæ, & luna, mirantur? Quod me conuentam infelix & desolata, in quâ nec species, nec decor, nec quidquid pulchritudinis reperitur?

## DESIDERIVS.

Viriliter age, & confortetur cor tuum, ô anima

ma mea, & Dominus miserebitur nostri. Consideremus in uicem in prouocatione charitatis, & propriam turpitudinem agnoscamus: nam optima ad perfectionem via, suammet imperfectionem ac defectu fateri. Itaque, SPECVLVM istud, si placet, contemplemur: sed non obiter neque per transennam ut dicitur, & imperfe-  
 & tè: neque etiam illorum more, qui non tam ad corrigendum quod vitiosum est, quàm ad euani-  
 di cordis fouendā stultitiam illud inspiciunt.  
 Neque enim cuiquam relinquitur dubium in  
**A** meteóris vt cumque versato, quin iris, siue arcus ille cælestis, in nubibus cæli ob id malè expressi  
**B** solis imaginem referat: quòd nubes, speculi formam ac vicem obeuntes, non omnem sui officij numerum impleant. Nam cùm partes earum aliæ sint tumidiores, aliæ submissiores; quedam autem crassiores quàm ut solem transmittant, aliæ verò imbecilliores quàm ut excludant; inæqualitas ista, alternis lucem umbramq; commiscens, exprimit illam mirabilem arcus varietatem. Cùm itaque indebita fiat solis obiectio, neque apta sit speculi cum admissis speciebus proportio: hinc color quidem igneus à sole esse cognoscitur, cæruleus autem à nube; ceteri verò, utriusque mixturæ; sed perfecta solis imago non exprimitur. Ita prorsus illis accedit, qui indebito se modo cōtemplantur, resque suas nō ut oportet expendunt. Neque illo quoque modo nos contemplemur, quo illi de quibus Apostolus hanc in sententiam loquitur: Si quis adiutor est verbi, & non factor, hic cōparabitur viro consideranti vultū nativitatis suæ in speculo: considerauit enim se, & abiit; & statim Heb. 10. 146. 3.

oblitus est, qualis fuetit. Sed, qui ita fixis oculis illud intuitus fuerit, & quodam modò perspexit; ille ipsius obsequio ad bonum uti prohibebitur: nam etiam ad spiritum usque penetrabit.

## A N I M A.

Sed, quid mihi S P E C V L V M applicas, quod formis tantum modò facierum vultibusq; corporeis cōtemplandis subseruiat? Longè etenim alia est animæ facies, ac pulchritudo formæ quam quærimus, ac sine qua dilectio nostro placere non possumus, quam forma corporea ac terrena. De visibili siquidem specie, mediisque illius ornatui seruientibus, scimus ita interminatum Prophetam: In die illa, auferet Dominus ornamentum calceamentorum, & S P E C V L A. Immò audi quid amplius: Pulcherrimi quique viri in gladio cadent.

## D E S I D E R I V S.

Scio, & memini optimè: sed, penitus volo te S P E C V L I huius vim atque efficaciam scrutari & experiri; quæ interiores quoque animi recessus rimetur ac penetret: ibique latentia mētis arcana ac vitia deformitatesque ad cutis superficiem adductas palam reuelet, ac detergere doceat. Adeò, ut speculi corporalis ac planè communis obsequio, teipsam in abdita mentis ac spiritus habitudine, ad meliorem formam queas perducere: sitque futurum tibi, æquè ac corpori, iuxta Poëtam,

*Consilium formæ, S P E C V L V M. —*

## A N I M A.

Quandoquidem hanc, ô frater, pulchritudinem vnicè exoptamus; quâ pulcherrimo præ omnibus pulchris ac speciosis placere contendimus:

dimus: quid differimus hunc tam faustum speculandi modum excutere , atq; ad vsum quam citissimè adhibere? Dic igitur, per dulce hoc vitæ communis vinculum obsecro , quoniam pacto fiet istud , quod dicis ; quoniam modum non cognosco, vt vultum mentis atque animi in corporali speculo contemplemur ; imò , & quod in eo vitiosum est , corrigamus?

## DESIDERIUS.

Numquam ne audisti dilecta , & soror mea, dilecta placere desiderans , dicentem Sanctum *Hier.* quemdam ; quòd speculum mentis , sit facies? quodque taciti oculi, cordis fateantur arcana? Et quidem res ipsa loquitur.

**A N I M A.** Audiuerim , vel non audiuerim: verum esse tamen , non inferior :nam , Frons hominis , animi nuntius est :& , vt Sapiens in- *Eccle.8.* quic , Sapientia hominis lucet in vultu eius. Si que (vt idem testatur) per tristitiam vultus, corrigitur animus delinquentis : necessarium est, vt delicta illa sua in indignatis obtutu, quasi in **S P E C V L O** quodam , compleetur , quæ corrigat . Sed, quid mihi speculum istud materiale hunc in vsum præstabit? Rem oppidò opportunam facturus, si explices.

**D E S I D E R .** Dicam, faciamque intelligas; si priùs tamen Plutarchum , Dialogo de cohibendâ irâ, loquentem audire non renuas . Sic enim ille inquit : Si quis elegans & accuratus *Plutar.* comitetur famulus ; ægrè non tulerim, si mihi irascenti **S P E C V L V M** offerat: sicut nonnullis, vbi lauerint, nulla vtilitate exhibetur . Etenim, videre seipsum, contra naturam affecto & turbato vultu ; non parum facit, ad damnan-

dam iram. Ita & Plato discipulos suos admonebat, ut se ebrios in speculo contemplarentur. Sic enim fore, ut dum faciem suam, furibundam & phrenetico similem intuerentur, in posterum ab ebrietatis vitio abhorrerent. Quin & patres familias olim eumdem in finem atque usum, filios suos in famulorum ebriorum fanaticâ turbulentaque facie, quasi in quodam speculario orbe sibi obiecto, quid sese dedecet, intueri iubebant. Vnde & Socratem Philoso- C phum legimus speculo ad morum disciplinam formandosque animos esse usum. Quippe suassisce discipulis fertur, crebro ut semet in speculo contemplarentur: ut, qui eorum foret pulchritudine sibi cōplacitus; procuraret, ne corporis dignitatem, morum dehonestamento pollueret. Qui verò minus in se visendam formam inspectasset, minusque se eo nomine commēdabilem, nauiter consurgeret, ut virtutis splendore, inopiam formæ collustraret, atque ingenio damna corporis ac naturæ rependeret.

Vidésne, ô anima mea, Speculi huius artificialis auxilio, etiam ad intimam mentium penetrari, virtutes ac vicia inuestigari, deprehendi? Vidésne illas huius instrumenti adminiculo, si insint animo, foueri, si defint, inseri? hæc verò, meliorum morum fideliā oblitterari? Sed attentâ consideratione opus; neque satis, inanum hominum more, vultus superficiem saltim raptimque inspicere. Eapropter Pythagoras D mandabat discipulis, in speculo se, non ad lucernæ alicuius lumen, sed illustri sole contemplari. Quo dicto tamen non inconcinnè simul innuebat, cum doctissimis esse conferendum pedem:

pedem : vnde illucescat clariūs , quantum promouerimus , quantumque nobis ad summam desit . Sapientiorum namque congressus , instar speculi ad solem illistris , quid debeat de se quisque sentire , manifestat . Vnde etiam specula ad hoc esse inuenta legimus , vt homo ipse se nosceret . Multi siquidem ex hoc consequuntur , primò sui notitiam , mox & consilium quoddam . Formosus , vt vitet infamiam , nec Libycis se vitiorum Syrtibus adobrui sinat . Deformis , vt sciat , virtutibus redimendum quid E quid corpori defuerit . Amplius , vt iuuenis , flore ætatis admoneatur , illud tempus esse discendi , F & fortia audendi : senex , vt indecora canis deponat , & de morte aliquid cogitet , admoueri sibi lineas sentiens .

Sed & natura , hunc in finem benigna , facultatem istam vel inopi seipsum videndi impertita videtur . Fons enim cuique per lucidus , aut lœue saxum , imaginem reddit . Vnde & speculorum originem non contemnendi auctores prodiisse existimant , eaque occasione & simplex antiquorum usus commendatur , & posteriorum luxus perstringitur . Qualem ( inquit *idem , quidam* ) fuisse cultum putas ad hoc speculum *qui sis- se* comentium ? Ætas illa simplicior , & for- *præ-* tuitis contenta , nondum in vitium beneficium detorquebat , nec inuentum naturæ in libidine luxumque rapiebat . Primò , faciem suam cuique casus ostendit : deinde , cùm insitus sui mortalibus amor dulcem adspectum formæ suæ faceret ; saepius ea respexere , in quibus prius effigies suas viderant . Postquam verò deterior populus ipsas subiit terras , effossurus obruéda ;

*Seneca  
lib. 1.  
Nat.  
quaest.*

ferrum primò in v̄su fuit: & id homines impunè eruerant, si solūm eruissent. Tunc demum alia terræ mala, quorum lēuitas aliud agentibus speciem suam obtulit: quam hic in poculo, ille in ære ad alios v̄sus comparato, vedit: & mox proprius huic ministerio præparatus est orbis: nondum argenti nitor, sed fragilis vilisq̄ue materia. Tunc quoque cùm antiqui illi viri inconditè viuerent, satis nitidi, si squalorem opere collectū, aduerso flumine eluerent; cura come-re capillum fuit, ac prominentem barbam de-pectere; & in hac re quisque sibi alterique ope-rām dabat inuicem. Coniugum quidem manu, crinis ille, quem effundere olim mos viris fuit, atrectabatur: sed illum sibi sine v̄lo artifice formosi quatiebant, non aliter quām iubam generosa animalia. Postea, rerum iam potiente luxuriā, SPECVLA totis paria corporibus, auro argentoq̄ue cælata sunt, denique gemmis ador-nata: & pluris vñū ex his feminę constitit, quām antiquarum dos fuit illa, quæ publicè dabatur Imperatorum pauperum filiabus. An tu existi-mas, ex auro nitidum habuisse Scipionis filias speculum, cùm illis dos fuisset q̄s graue? O pau-pertas felix, quæ tanto titulo locum fecit! Non fecisset illis Senatus dotem, si habuissent. At, quisquis ille fuit, cui socii loco Senatus fuit, intellexit se accepisse dotem, quam fas nō esset reddere. Iam libertinorum virgūculis in vnū speculum non sufficit illa dos, quā dedit Sena-tus pro Scipione. Processit enim immodestius, paulatim opibus ipsis inuitata luxuria; & incre-mentum ingens vitia acceperunt. Adeoque omnia indiscreta sunt, peruerissimis artibus, vt quid-

quidquid mundus muliebris vocabatur, sarcinę  
viriles sint; minus dico, etiam militares. Iam,  
SPECVLVM ornatus tantum causa adhibitum;  
nulli non vitio necessarium factum est.

Ecce, ô anima mea, quām graphicē, nō solūm  
optatim speculi vsum, quo vitia quoq; interio-  
ra prodantur atque eluantur, depictum vides;  
veruimetā totius mundi corrupti vanitatem &  
luxum, tam iuuenum quām adolescētularum,  
ob oculos nobis tamquam in speculo positum!  
Quem etiam in modum hanc speculis abuten-  
tium plusquā puerilem ineptiam alio quodam  
loco idem auctor disertissimis verbis insectatur.  
SPECVLVM, inquit, in quod adspicimus, ac spe-  
ciem, hoc est effigiem nostram contemplamur;  
datum nobis à natura sicut, non vt pilos è super-  
ciliis aut barbā velleremus, non vt faciem infi-  
ceremus coloribus, non vt rugas traheremus:  
sed, vt nosmetipsoſ nossemus, moresque illius  
intuitu in melius formaremus; prout antiquos  
illo vſos fuisse cognouimus.

**A N I M A.** Numquam (vt verum fatear) tan-  
tum tamquæ eximium etiam veræ virtutis fru-  
ctū ex speculis colligi posse mihi persuasi. Sed,  
quām dolendum, tam parum id viros ac mulie-  
res, ac præsertim comtulos æui nostri peruersi  
adolescētes, animaduertere; atque abuti potius  
tam præstati naturæ beneficio, quām, sicut olim  
illi philosophi suos docebant discipulos, vti in  
bonum virtutis obsequiū! Verè prorsus molles  
isti atque degeneres, sibi peius volūt, quām ipsa  
natura voluerit, quę, cùm illos viros finxerit, ipsi  
se ad speculū refingunt in feminas. Curiosius,  
morosius, maioriq; cum studio, se comunt, po-

Liunt, moliūtur, cincinnos cōcinnant, supercilia, barbam ( si quid tamen eius habet ) & collarem ornatum adaptant, quàm quævis virguncula cum vniuerso suo mundo muliebri possit effingere. O degeneres animos, & viros parū viriles; sub Sardanapali potius, quā sub alicuius Hannibalis aut Epaminondæ cēturiandos manipulis!

## D E S I D E R I V S.

*Ioel. 2.* Meritò terreat eos, præsaga illa damnationis,  
Ioëlis sententia : A facie eius ( iudicis scilicet & vindicis Dei) cruciabuntur. nam Domini terribilis facies, faciebus ipsorum, vt aptè cōparatus ita intolerabilis cruciatus futurus est. Omnes vultus eorum ( inquit ) redigentur in ollam. Nam, præterquam quòd inexplicabilis illorum erit cruciatus, qui à facie irati iudicis in eos torquebitur, etiam insuper vultus ipsorum quorum hīc tam studiosi ac curiosi fuerint cultores, ita illis ipsis peculiarem tormentorum molestiam parient, ac si omnes sic comtæ & fucatæ facies in ollam ignitam coniectæ ebullientes ac efferuescentes se inuicem acribus morsibus ac dilaniationibus impeteret & lacerarent; præter communem cum reliquis damnatis, ardoris & concoctionis acerbitatem. Adde, quòd præ fœditate atque nigrore horribili, nigris potius ollis similes apparebunt, quàm humanæ alicui faciei.

## D E S I D E R I V S.

Nos igitur, ô anima, si sapimus, interioris formæ ac pulchritudinis capti cupidine atque amœnitate, s p e c v l i huius obiectū ( quantum fieri posse didicimus ) indecentem animi statum, ex ipsis contemplatione, more maiorum,

rum, non solum elicere, sed eluere quoque fatigamus. Si que penitus eiusdem obsequio, per transparentia latentium affectuum signa, in mentis recessum penetrare non neglexerimus; statim iracundiae feruor, aestus libidinis, inuidiae liuor, intemperantie luxus, acediae tabes, tumor superbiæ, ceteraque animi male affecti intemperies, instar talpæ & soricis, suis se prodent indiciis, ebullienti nimirum molitione, & arrosione.

Iam verò quid opus id dicam? Nostri siquidem pei temetipsam, ô soror, tali modo maculas animi deprehendisse, atque foras in lucem apertam produxisse, quam non contemnenda sit ad munditiem ac nitorem via. Quocircà, qualecumque hoc in genere nobis beneficij præsens præsttit speculum; præstantius illud nobis eâ ex parte digniusque futurum est, quam illud, quod excellens ille sculptor Praxiteles argenteum siue aureum primus fecisse prohibetur.

### A N I M A.

Felix faustumque sit S P E C V L I huius primi non in auctoenum experimentum. Non erit quod suscepti laboris pœniteat, si ceterorum successus his cœptis responderit.

Domine Deus, qui cordium es inspecto, & secretissimas intueris abyssos; qui que de cælo prospectans, vias nostras actusque consideras: utinam tamquam diuinæ tuæ præsentia speculatoris, ita consilio S P E C V L I, nos nostraque omnia disponamus, ut tuæ sint placita voluntati.

## II. SPECVLVM FALLAX.



FALLACIS SPECVLI cauesis te ludat imago:  
Non aurum est, quidquid bractea fulua tegit.

- |  |  |
|--|--|
| A. Fallax et mendax Speculum .                     | G. Vulpescula, in concha è sapone bul-<br>losum mundum festuca excitat . |
| B. Stultus se in luna contemplans .                | H. Tigris viua adhuc capi nequit .                                       |
| C. Fallitur pro angelo dæmonem pragens .           | I. Catulus aliquando ab equite<br>surripitur .                           |
| D. Mundus, speculorum fallacium<br>fallacissimum . | K. Mater obiecto speculo fallitur .                                      |
| E. Mundus lunâ inconstantior .                     | L. Chamæleontis vafricies .  |
| F. Vulpescula, mundi fallacis typus .              |  |

## II. SPECVLVM FALLAX.

### DESIDERIVS.

**A**MVS nunc, si lubet, ô anima mea! de SPECVLO ad SPECVLVM; vt delibata cuiusque speculationis ocularis indagine, sublimioris tandem theoriæ reddamur participes; atque intellectus acumine, diuinæ pulchritudinis excellentiam (quantum quidem humanæ imbecillitati permittitur) aliquatenus degustemus. Dici namque de nobis tunc poterit illud Prophetæ: *S P E-  
C V L A T O R Ephraim cum Deo meo.* Tunc siquidem veri Ephratæi (quod est frugiferi & crescentes) cum Deo nostro futuri sumus, si in puritate mentis, & perfecta Dei dilectione cum ipso coniuncti, de bono semper in melius profecerimus. *S P E C V L V M* itaque istud in speculorum serie primò subiunctum, quâ par est prudentiâ contemplemur.

Sed, quid hoc rei est? ô anima! In *S P E-C V L V M F A L L A X* & mendax incidimus; cuius infido ductu, similes illorum (nisi nobis cauerimus) futuri sumus, de quibus Propheta conqueritur, hunc in modum: *S P E-C V L A T O R E S* eius cæci omnes: nescierunt vniuersi. Canes muti, non valentes latrare: videntes vana, dormientes, & amantes somnia. Nam, tametsi Propheta de vigilum speculâ, nos autem de speculo contemplationis agamus; quantum tamen præsigit animus, in eadem per fallax hoc speculum infelicitatis incommoda, si fueri-

Ifa. 56

fuerimus incurij,dilabemur ; quæ ibi de vanis,  
falsis , fallacibusque ac mendacibus prophetis  
ceu speculatoribus Propheta commemorat.  
**Q**uid namque discriminis , inter speculatorem  
cæcum in speculâ , & inter oculatum contem-  
platorem in speculo, sed fallaci ac doloſo. **Q**uid-  
ve interest , inter speculatorem , præ cæcitate  
nescientem quid foris agatur ; & inter sui con-  
ſideratorem in speculo mendaci, rei veritatem  
celante ? Et demum quid refert, an speculator  
è speculâ videat vana, dormiat, & ſomnia dilig-  
gat ; an verò ſeipſum contemplans in ſpeculo,  
præ fallaciâ optices & perspectiuæ , ludificetur  
adſpectu ; ſitque vicinius ſomnio , quod videre  
ſe credit. quām rei ipſius veritati ? Itaque , ſi ſa-  
pimus, o foror dilecta , anima mea , nihil nobis  
tam versicolori credendum eſt ſpeculo . Ve-  
rum tamen , quò magis nobis ab omni fallaciâ  
ſit cautum : naturam ipſius vafram, veterato-  
riam, ac malignam inuestigemus.

## A N I M A .

**E**diffeſſere igitur , obſecro , mi frater dilecte ,  
quænam ſit primaria fallaciſ huius S P E C U L I  
natura atque ex arte conditio . Nam existimo ,  
quemadmodum vnicā eſt linea recta , curuæ  
autem innumeræ : ita verax ſpeculum vniſor-  
me, ſincerum, ac ſimplex; ſed mendax & fallax  
multifarum , multiplex , formarumque di-  
uerſiſſimatum.

## D E S I D E R I V S .

Planè, vt dicis , ita ſe habet , neque facile eſt  
ſcrutabilis eius nequitia . Illud verò primariâ  
ſigni-

A significatione fallax ac mendax speculum nuncupatur; quod non fideliter obiectam speciem, sed planè aliam atque ementitam repræsentat: adeò ut interdum etiam formosissimi deformes appareant, & è conuerso deformes pulcherrimi; prout disposita est, certoq[ue] artificio temperata speculi superficies, aut ipsa materia. Vnde & poëta quidam, deformem quamdam, quæ, quòd pulchra quandoque fuisset, rugosam nunc senio faciem nollet agnoscere, & speculi potius vitio attribueret errorem, sic de speculo suo conquerentem inducit:

*Cumq[ue] aliquis dicet, Fuit hæc formosa; dolebis,* Trist. 3

*Et SPECVLVM MENDAX esse querere tuum.*

Adeò, ut eapropter quoque, siue quòd verè specula fallerent, neque obiectam sincerè effigiem redderent ( qualia extitisse poëta supponit) siue quòd repræsentatae per specula effigies & formæ intuentibus non arriderent, dicit idem auctor prædictaque aniculis, hoc modo:

*Tempus erit, quovos SPECVLVM vidisse pidgebit:* Ouid.

*Et veniet rugis altera causa dolor.*

*Flet quoque, ut in SPECVLO rugas adspexit Idem.  
aniles*

*Tyndaris: & secum, cur sit bis rapta, requirit.*

Quòd spectat illud quoque, quod dicit quidam, & rectè: Senibus inuisa specula. Senes enim atque anus, dictante naturâ, specula longè proiciunt: ne, si se in illis contemplari velint, immunitatam faciem non agnoscant, & se alios esse atque videri, lamentari cogantur. Ad quos Lyrinus respexit hisce suis versibus, sic canens:

*Dices, heu (quoties te in SPECVLO videris lib. 4.  
alterum)* Od. 10. Carm.

*Quæ*

*Quæ mens est hodie, cur eadem non pucro fui?*

*Vel, cur his animis incolumes non redeunt genæ?*

Tametsi verò , fallacia illa proprio vocabulo specula appellantur , quæ aliam quām obiectis effigiem ac figuram repræsentent, aut eamdem aliter quām verè est efformata : fallacia tamen & illa vocari possunt, de quibus Iustinus Martyr, quando in eas feminas (tametsi Christianas) declamat , quæ dolosa arte tentabant eiusmodi quæ Christianis essent alioqui mulieribus interdicta. Sic enim ait: *Vñ venit quibusdam, seipsas fallentibus ( ecce fallaciam speculantum ) vt cùm apertè vultum pigmentis fingere non audeant, arte id faciant . Nam, in vndam aut oleum facie inclinatâ despicientes, de seipsis iudicant , an aduersus castitatem belligerare possint . Non quòd specula illa naturalia fontis vel olei fallerent intuentes ; sed quòd illæ curiosæ, tali arte vtentes, præscriptam pudicis Christianis mulieribus legem eluderent . Quales etiam, quasi pudicitæ nundinatrices eas habet Tertullianus: quæ, vt ait, consilium formæ à speculo petunt . Reprehenditque idem in viris , s P E C V L V M omni ratione adhibentibus, consulentibus, anxieque insipientibus : quasi verò verè formosi, præstantique formâ ac corpore existant, dummodò vel ipsi sibi tales apparent, vel qualcumque fallaciâ speculum tales repræsentare videatur .*

Quis enim tam parum in rationis rectæ speculo est versatus , qui non clarissimè videat, inanes eiusmodi speculatores ac speculatrices, insipienti ac imminuto homini cerebro esse simi-

similes; qui forte per speculum diaphanum transparenſque vitrum ſeſe in lunā conſideraret, & eam, quæ in ipſam et lunā ſpectantibus appare videtur obtuſa admodum humana facies, ſuam ille effigiem delitus ſpeculator exiſtimaret? Et certe, tametſi opinione ſuā ipſe falleretur, non uſque adeò tamen à vero aberraret . cùm ſtultus ut luna mutetur, & ne- Ecccl. ſcio quam ſibi ex ſpeculo quantumuis men- <sup>27.</sup> daci affingant pulchritudinem, indefeffi qui- dam ſpeculorum aruſpices. Nónne ſic etiam Acco vetula (de quâ Cælius) ſeipſam impru- dens ſefellit ad ſpeculum; dum faciem ſuam (tametſi inſigniter rugofam) in illo conſpi- ciens, ſecum, quaſi cum alterā ſe, corridere cœpit & colloqui? Et, quæſo te, quid minus faciunt illæ, quæ finem non faciunt, ſe in ſuo ſpeculo circumſpectandi, comendi, poliendi, arridendi, indignandique ſubinde dum non ſatis ſuccedit ex animo, atque omnia tandem & ſingula conſilio ac præſcripto ſpeculi di- gerendi; ut dum illis diſtinguentur, annus ſit? Adeò ut ſi non fallat ſpeculum, ſeipſas fallant.

## A N I M A.

Heu, quantum ab internæ formæ curâ ſe- moti ſunt, qui ſe ita totos in exterioris ſpeciei contemplationem immergeunt! Quàm defor- mes intus, quàm pulchri foris! quàm nigræ ſunt facies eorum, à fumo qui in domo hominis in- terioris ex tantâ vanitate aſcendit; dum exteriūs interim omnia nitent, ac pigmentis collucent! O cæcas hominum mentes, cæleſtium inanes! Quid etenim aliud agunt, tali tamque moleſto

ac seruili molimine ita semetipsos fallentes; quām si parum cordatus pictor, angelum aliquem in suo prototypo, velut in speculo relucentem, sibi sumens imitandum, diabolum interim tēterimum in tabula sua depingat? Nōnne sic etiam speculatores isti ac speculatrices, in speculo vultum natuitatis suæ, qualem Deus indiderit, intuentes, per stultam ac vanam in animo gloriam, vultum abominabilem coram Deo atque angelis eius, in suamet conscientia sibi conciliant? Nōnne item foedissimæ sui turpique scrophæ talem comparat Sapiens,  
*Pro. 11.* dum ita ait: Circulus aureus in naribus suis, mulier pulchra & fatua? Dignum profectò talis operæ pretium.

## DESIDERIVS.

*Eccles. 1.* Procul idcirco sit ab istarum tabernis ac tabernaculis, castum nostrum, ô anima, contubernium. Ipsi potius, quem diligimus, cuius gratiam pià ambitione venamur, atq; per eumdē Sapientiæ iugiter commoremur; cum ipsa fors nostra perseueret: vt dicere æquè fideliter ac constanter possimus: Mens mea contemplata est multa sapienter, & didici. Dediique cor meum, vt scirem prudentiam atque doctrinam, erroresque & stultitiam. Et vidi, quòd tantum præcederet sapientia stultitiam, quantum differt lux à tenebris. Da itaque nobis, ô Domine, quærentibus te, ac vultui tuo placere studentibus, eumque aliquando in cælis videre sicuti est, ac sine ullo medio, contemplatione eius beatificâ frui desiderantibus; ne terrenis istis illecebris, fallacibusque speculis eludamur: sed

sed tux pulchritudinis amore capti , atque inextricabili nexu irretiti , vana mundi oblectamenta , vt mera deliramenta , spernamus ; atque instar speculorum fallacium cauti deuitemus.

## ANIMA.

Ita & ego tecum sentio , optime ac fidelissime consodalis; atque in hoc proposito nos inuicem sine intermissione , dum hoc vitæ mortalis nexu copulamur , animemus . Sic namque & Apostolorum verticem locutum , nos meminisse ipso facto testabimur . Non enim indoctas (inquit) fabulas secuti , notam vobis fecimus Domini nostri Iesu Christi virtutem & præscientiam : sed 2. Pet. 1. SPECULATORES facti illius magnitudinis.

## DESIDERIVS.

Consultò mi soror : sic enim futurum est , ut fallacis mundi præstigias , ipsimet , Deo iuuante eludamus ; atque artem arte fallamus . Quid namque de vniuersis huius mundi immundi blanditiis , adulatio[n]ibus , promissis , deliciis , voluptatibus , honoribus , potestatibus , speciosi[us] nominis titulis ac beneficiis , censendum est aliud ; quam de fucis , laruis , & inanibus bullis , ne hili quidem vel flocci faciendis ? De ipso capropter rectè dici potest illud Annæi Senecæ : L. b. 5. de Beneficiis cap. 13.

**D**Qui veri beneficij specie fallit , tam ingratus est , quam veneficus , qui saporem , cum venenum credidit , miscuit . Adeò ut mundus mendacium fallaciumque speculorum sit omnium fallacissimum . Nónne mundus verè dici potest

lunâ inconstantior , quæ suum momentis singularis vel incremento vel decreto deludit spectatorem? Nam cùm in summâ esse videtur plenitudine ; verissimo mundi typo, statim ad defectionem vergit . Neque vulpecula in arte fallendi mundo callidior; quæ tamen ab innatâ fallendi astutiâ præcipuum suum traxit encomium. Quid mirum igitur, si , qui in mundi nitore , instarque fragilis vitri resplendescientia , velut in speculo sese oblectant , mille modis eidem fiant ridiculi , cunctorumque ludibrium? Sic etenim orbis ille bullosus ex sapone & aquâ conflatus , dum ad summum , vel sui magnitudine, vel in altum adscensu , pertingit , eliditur; & in nihilum rediens , plus mœroris , mordicante in puerorum oculis simigmate , parit , quâm antè lætitiae dederat , cùm in vigore suo splendesceret , quemdamque in conchâ microcosmum referret.

Et verò quid in optimis speculis aliud iudicamus , quâm meram inesse fallaciam ? Quid enim aliud , quâm alienum corpus ac figuram mentiuntur? Non est namque in speculo , quod ostenditur: nam si quod representat , verè in speculo esset ; non ita repente euanesceret , nec aliâ protinus imagine superueniente obduceretur : neque ita innumerabiles in modo interirent , modo exciperentur formæ. Quid ergo ? Simulacra ista sunt tantum : & inanis solummodo verorum corporum obiectorum imitatio: suntque ista à quibusdam altioris ingenij sic comparata , ut etiam in prauum possint detorquere quæ recta sunt. Nam sunt specula , quæ faciem prospicientium obliquent : sunt , quæ in infinitum

nitum augeant, humanumque habitum excedant, modumque nostrorum corporum. Id efficit autem perspectiva, ut in uno eodemque speculo, aliquando vnius rei plures sese ostentent imagines. Si certo modo constituas, imaginet prorsus nihil: situ autem demutato, imaginosum reddatur. Id comminiscitur quoque ars ista, ut caput in imo compareat, pedes vero surrecli; teste Varrone. Excogitantur & monstrifica: ut in templo Smyrnæ dicata; ut auctor est Plinius. Vidi ego quoque, quæ os contemplantis (natura licet formatum quam optimè) mirè in arctum adductum, horrendè verò in altum extenderent. Et vicissim alia, quæ, labra compressa, sine modo vtrimeque in latera diducerent. Alia, quæ nasum simum & strulosum referrent: alia verò, quæ præacutum & enormiter prominentem: atque ita de omnibus quæ obiiciebantur, in monstri deformitatem reddentia.

Sed, quid de fallacibus illis & artificialibus speculis dicemus, de quibus Pausanias libro octauo in Arcadicis? Ad dexteram (inquit, de Curetibus tractans) è delubro egredienti, SPECULVM in teclorio parietis aptè inclusum est: in quo, qui inspexerit, suam ipsius imaginem, aut parum perspicue, aut prorsus nihil cernet: deorum tamen signa, & solium ipsum dilucidè intuebitur. Quantum ego quidem coniicio, aut speculum illud ita dispositum erat, ut defecitu debitæ reflexionis, insipientium vultus ad ipsorum oculos non redirent: (tametsi enim omnes qui in cubiculo sunt in speculo opposito species suas imprimant; non omnes tamen sese

in eodem conspiciunt , sed illi tantum , qui in rectâ reflexione oppositi stant ) vel arte aliquâ latentiori , aut etiam illusione diabolicâ , illud accidere potuit . At, at : quid dicam ? Nónne cò impietatis deuentum est hodie , vt insano cupidinis œstro perciti , & quasi philtro demen-tati homines abiecto timore Domini , nullaque habitâ conscientiæ ( quam ita miserè profli-gant) ratione ; administro diabolo , procí sui illa , iste suæ amasiæ , vel numquam visam , vel visam olim , sed lôgo terrarum mariumque interuallo dissitam effigiem in speculo sibi magicâ arte re-præsentari permittat , imò & prece & pretio procuret ? O protraitæ verecundiæ , neglecti di-uini iudicij , & proiectæ per omne flagitium animæ , detestanda sed testatissima tamen ar-gumenta ! Horror quidem illis ex tali adspectu pauidam intus conscientiam ferit ; sudor præ rei nouitate erumpens , sceleris arguit ; ac præ-sens maligni spiritus opera , atque molitio , tre-mentibus etiam sensibiliter artibus , pænè ex-a-nimat : & tamen , spretis his omnibus , & iu-cundum & gratum videtur inimici obsequium , in certam animi perniciem etiam ære coëm-tum : placetque tantis impensis æternum e-mere pœnitere . O insaniam ! ô mentis effa-scinatæ caliginem ! quæ non videat in hoc s P E-C V L O , quantam sponte admittat iacturam , dum in eodem intentis oculis vesana cum vo-luptate speculatur phantasma dæmonicum , eius nimirum adumbrato obtutu , cuius car-nali amore ,

*Vulnus alit venis , & ecco carpitur igni.*

De tigride non multum abludentem huic fa-H  
bulæ ,

bulæ, vel ametiç potius, legimus illusionem. Tigris etenim, vt velocissimum est animal (nomé à Medis & Armenis habés, qui sagittam tigrim appellant; atque rapacissimus quoque fluuius Tigris vocatur) viua adhuc atque adulta capi nequiuuit: sed catulus, absente matre, ab equite velocissimo quandoque surripitur. Quod dum superueniens mater agnoscit, rapidissimo cursu raptorem insequitur. Ille verò, certò sciens se non cursu sed arte tantum posse ferocis beluæ perniciatem effugere, vitreum orbem in speculi morem confectionum delabifinit; in quem incidens tigris, sequè in eo admirabunda contemplans, remoransque dum catulum suum se videre existimat, à fugiente interim raptore deluditur, ac omni spe sua frustratur. Ita quoque miserum mortalium genus, dum vano fallaciique speculorum obtutu, falsisque umbraticorum simulacrorum figuris, & oblectamentis inanibus stultè distinetur; & rem præsentem, & spem omnem futuræ posteritatis atque æternæ salutis auferri patitur: idque ab his nimirum, qui præcipuae felicitati, supremæ gloriæ, ac bono ipsius summo, implacabili odio insidiantur. De quibus Propheta in persona Iudæorum sic lamentatur: Velo-  
Thre. 4  
 ciores fuerunt persecutores nostri aquilis cæli: super montes persecuti sunt nos: in deserto insidiati sunt nobis.

## ANIMA.

Verè fallaciam tam miserandæ deceptionis præuidit præmonuitque Sapiens, quando mundi nequitiam atque astutiam, & diaboli la-  
 B 4 quos,

queos, in hisce detexit, per quæ ferè speculatorum ac speculatricum procedit illusio; sicque periculosa subuertit viam, tutamque sternit,

**Pro. 31.** hisce verbis: Fallax gratia, & vana est pulchritudo: mulier timens Dominum, ipsa laudabitur. Dum siquidem præterit figura mundi huius; & omnis caro fœnum; cuius flos decidit, & arescit, & grauiter olet: quid nisi fallaciæ plenum in formæ gratiâ ac pulchritudine speculanum; quæ dum in rugas, & arentem marcidâmque cutem degenerat, suum heredem, cum vniuersis admiratoribus suis, caducâ sui specie decipit ac frustratur?

O quam dolendum, his momentaneis oblectamentis, ita cupere sponte & gratanter falli mortales! vt cum Psalmista lubeat exclamare;

**Psal. 4.** Filij hominum, usquequò graui corde? vt quid diligitis vanitatem, & queritis mendacium? Quis umquam pro vino, vel oleo, vel balsamo, vacuo se vase domum remitti desideret? quis argentum in vanum expendere labore? Quis umquam prudens, falli, decipi, mendaciisque sibi imponi permittat? Hic tamen quotidianus est quæstus, quem mundus callet & exercet: hæc impostura quotidiana, quâ nescio vtri plus gaudeant, an decepti, an verò deceptores. adeò vt tritum sit vulgo: Mundus vult falli. Quis tamen ignoret, quod iuxta Chrysostomum, Seductio semper boni habuit colorem? Sic falsi à serpente protoplasti parentes nostri: sic Iudas ille infamis proditor mitissimum agnum, Dominum nostrum circumuenit: talique speciosi fauoris prætextu seductum in agrum fratrem suum Cain occidit. Nónne ita chamæleon L.

quo-

quoque & Polypus suas tutò struunt insidias, dum eius vel herbæ vel terræ colorem imitantur, cui se applicant, vt dum animalia pisces- ve incautè nihilque tale suspicantes accedunt, indubitata fiant præda? F A L L A C I S itaque mundani S P E C V L I fugiamus illecebras; vt illime purumque ac sincerum veritatis solidæ- que virtutis Speculum liberiùs usurpemus. Si quis namque inspesto fallaci ac magico speculo in bestiam statim verteretur; quem non tam horribilis casus ab eiusdem speculi contemplatione absterreret?



III. SPECVLVM VRENS.



Flamma volat, micat æthra, fugam cape, conflagrat orbis:  
Plena adeò igniuomis omnia sunt SPECVLIS.

- A. Vrens speculum concavum.
- B. Archimedes speculo naues hos tiles incendit.
- C. Transparens speculon ystulans.
- D. Puer ab vrticis ictus et ystulatus.

- E. Basiliscus visu necans.
- F. Impudica mulieris oculi ne quisima vrentia specula.
- G.H. Cor viri, impudica obtutu, et demonis halitu, concrematur.

### III. SPECVLVM VRENS.

#### DESIDERIVS.

**R**ECORDARIS, ô anima mea, filia Sion, bonorum dilecti nostri speculatoris, quid dixerit olim Daniel de se sociisque suis, Eunicho, sibi à rege Nabuchodonoſor præposito? Contemplate, Dan. i. inquit, vultus nostros, & vultus puerorum, qui vescuntur cibo regio: & sicut videris, facies cum seruis tuis. Quid si iam nos quoque vultuum nostrorum contemplatorem aliquem prouocemus; aut certè nobis mutuò hoc præstemus officij? an non meliores gratioreſque vultus nostros, præ mundialibus speculatoribus, aparituros credas?

#### ANIMA.

Planè ita confidam: nam speculi nostri, quod mentis oculis potiori lustramus indagine, & cuius intuitu speculoruſ quoq; ocularium vſum expédimus atque obſeruamus, tanta est efficacitas, ut non solū in instar iam dictoruſ deformia quæque ac defectuosa subindicet, verum etiam diuiniori quadam virtute maculas eluat, & conferat nitorem. Neque multo ſeciùs inter hæc accidit, quām cùm luna ſolem adſpiciens, ab eodem illuminatur, & discussis nebulofis pulchra eius adſpectu efficitur. Quocircà, pergamus, ſi placet, ſpeculorum varietatem exquirere, atque ex proximè ſequenti elicere, quod admiratione & obſeruatu dignum videbitur,

ad

**a**d concupitæ internæ pulchritudinis incrementum. Sed, quidnam sibi hoc vult, quòd primo ipsius obtutu quamdam quasi vstulacionem nidoremque persentiscere videor?

### D E S I D E R I V S.

Desine mirari, ô delicata ac tenella anima mea; neque tamen te illi fidentius applica, nisi aduri alio quam amoris dilecti tui igne desideres. Nam adurens siue vstulans speculum est istud, quod modò habemus præ manibus: atque eapropter prudenter circumspeteque træstandum.

### A N I M A.

Quodnam igitur, ô mi frater, hoc **S P E C V L I** est genus? quæso te, ne me celaueris. Deinde, an non nisi in malum illius sit usus, si nosti, fac sciam & ego.

### D E S I D E R I V S.

Concauum, ut scias, est istud, à quo radij solis **A** in vnum aliquod punctum coëunt; in quod non lucem solummodò, ac radios, conuersum ad solem, reflectit, verum etiam calorem emitit talem, ut facilius interdum obiectum formitem, quam ignis accendat. Utque magis admirere, planum speculum lucem tantum reflectit, sine calore; conuexum vero, nec calorem nec lucem; cuius idcirco liberior est in aliis, & quidem satis admirandis, usus. Nam, cum imbecilli sint oculi nostri, ut recto obtutu solem sustinere non valeant, nec formam eius,

ei⁹ habitumque, & verum illum igneum calorem contemplari: inuentum est ope atque adumento SPECULI, vt non modò orientem occidentemque solem queamus conspicere; verum etiam supra nos stantem, & nullo rubore perfusum, sed candida luce fulgentem, tranquille & citra oculorum molestiam, contemplemur. Sic nimis & solis eclipses per speculum commune ac planum, hoc est, solis lunæque imagines, inoffenso intuitu conspi ciuntur. Sed econtra speculorum arte elaborata concavitas, collectos, vt dixi, in idem punctum solis radios, ita condensatos constrictoſque in obiectam ex aduerso rem materiamque reflectit; vt & plumbum in tectis colligescere faciat, & aptam combustioni materiam, quasi igni iniecto, comburat. Huic rei admirandæ, non minus miranda fidem facit: quod nempe Menestratum in templo Dianæ Hecaten tantâ marmoris radiatione fecisse compertum est, vt in eius contemplatione æditi spectatores admonere solerent, parcerent oculis. Ne scilicet nimiâ radiorum perstri ctione fulgor egrediens visus aciem non solum hebetaret, verum etiam arefacto excoctoque interius neruo optico, vim visuam depopularetur.

### ANIMA.

Admiranda profecto & naturæ vis, & mirabilis ingenij humani industria, rerum natura lium latentem virtutem, causarumque efficaciam inuestigantis, & tam stupendos effectus, certâ arte, coniunctione, ac temperamento elic ientis:

cientis: quod tamen totum, fonti omnium  
Deo acceptum fertur.

## DESIDERIVS.

Longè præcipuum huiusce vñtulationis defla-  
grationisque testimonium, Archimedis nobis B  
factum admirandum suppeditat, quod à Gale-  
no proditum legimus. Ille enim Archimedes  
Syracusanus, in omni quidem geometriâ mul-  
tum ante alios admirabili vir subtilitate, sed in  
speculorum ratione pertraçtandâ, vel maximè  
memorandus fuit. Non solum enim ingenti  
volumine, acerrimè speculorum naturam ac  
diuersitatem rimatus est; verum etiam actu  
ipso, concaui in vrendo speculi efficaciam, cer-  
to experimento testatam fecit. Nam hostium  
naues, pice nullo negotio ignem concipiente,  
speculi ministerio concremauit.

Sunt & transparentia quædam specularia C  
vitra, quæ si exaduersum soli ponantur, apposi-  
tum accendunt foimitem. Sic in quadam Asiac  
vrbe domum deflagrasse contigit, fenestræ cui-  
dam vitreae lignis pice litis adiacentibus, & in  
extimâ parte columbino retrimento ex putre-  
factione amplius arefacto. Nam eò validius  
solari radio vaporante (vt æstate assolet mediâ)  
materiaflammam concepit, moxque ad sum-  
ma peruenit incendium. Sic & celebratum  
Medeæ pharmacum ignibus admotum inar-  
descebat: constabat enim sulphure & asphalto  
humentiore. Hæc de speculi vrentis portento,  
& naturâ & arte produc̄to.

CARBVCVLI porrò vis atque ratio huic  
non est adeò absimilis, siue pro lapide pretioso  
acci-

accipias , siue pro morbo , aut etiam pro vitio ,  
quod vitibus interdum accidit . Non enim  
aliam ob causam hoc nomine tria illa appelle-  
lantur , quām quōd vel in colore , vel in vſtu-  
latione cum cādenti carbone conueniant . In  
primis namque quoad lapidem illum , quem  
carbunculum nuncupamus ; de illo sic Plinius :  
Inter gemmas rubeo colore principatum ha-  
bent carbunculi , à similitudine ignium ap-  
pellati ; cūm ipsi non sentiant ignes : vnde &  
à quibusdam apyraſtæ seu apyroti vocantur .  
Cumque sit ignitus , vt carbo , carbunculus ; ful-  
gor ipsius nec nocte vincitur : adeò vt etiam  
flamas ad oculos ſpectantium vibret ; & cum  
vrentibus ſpeculis ex hac parte non malè cōue-  
niat . Cūm verò carbunculus , humani corporis  
vitium appellatur ; tuber , parui carbonis instar ,  
intelligitur , ex inflammatione proueniens :  
quod idē simili de causā à cādenti carbone  
vocabulum trahit . Et quia ex omnibus , quæ  
interiùs aliquā corporum parte naſcuntur ,  
non aliud carbunculo peius eſt : hinc accidit ,  
vt **Constantinus Copronymus** , insigniter in  
Deum Deiisque genitricem blasphemus , tam  
vehementem ſit paſſus ex pedum carbunculis  
cruciatum : adeò , vt omni medicorum ope  
deſtitutus , atque in extremam animi despera-  
tionem deueniens , miſerabiliter vociferaretur ,  
ſe viuentem etiam , propter Mariam Deipa-  
ram , igni inextinguibili traditum . Et quid mi-  
rum ? Naturalem ſiquidem vim ſuam , vt ſolet  
in aliis , carbunculus ille in ipsum exercebat : &  
insuper , ex diuinæ vltionis grauamine , malum  
ipsum infinitè augebatur . Ex eodem fonte pro-  
uenit ,

uenit, vt morbus ille , seu vitium, quod in herbis, fruticibus , arboribusque nominamus vredinem, à pestilenti quadam vstulatione , quam in illa incendit; in vitibus hoc idem carbunculus vocetur , ac in ceteris rubigo ; quia instar rubiginis optimam substantiæ partem erodit & absimit . Hinc , carbunculatae vuæ dicuntur. Neque est malum aliquod , teste Plinio , illi comparandum : non grandines , non procellæ, nec quæcumque vñquam annonæ intulere caritatem , vel agros aut arua deuastarunt.

Hæc omnia , vt iam audiuimus , cum vrentibus speculis propter vrendi potentiam , comparantur ; aut , si mauis , illis ipsis eiusmodi specula . Vnde & vredo , & vrtica ( herba æquè ac Dpiscis) in etymologiâ propter vstionem concordant . Quin & pruritus ita Aristoteli dicitur, excursus ille humoris spirabilis , inclusi contra naturam ; qui ardorem scalpendi incendit : vnde & voluptas carnalis libidinem prouocans etiam pruritus seu prurigo quibusdam nuncupatur. Genus quoque picturæ , quod encaustice dicitur ; & talis pictor, encaustes; opus verò , encaustum; ab inurendo sic appellantur: quod artifex ad hibito igni figuræ suas effingebat. Sic & notæ infames inurebantur; vt & alio inscriptio-  
nis modo etiam Christiani olim in frontibus notabantur: quod seruorum proprium esse solet. Christiani verò supplicij specie, tali cauterio & stigmatum notis deformati, ad metalla, munitiones viarum , aut ad bestias quoque damnabantur.

Ad alteram verò petitionis tuæ partem ; An non nisi in malum sit speculi vrentis usus : re-  
spondeo;

spondeo; Etiam ad bonum. Nam sicuti ignis, & gladius, ac similia, rectum iustumque usum habent, tametsi malitiosi illis abutantur: ita & huiusmodi specula, per quae ignis in subiecto fomento suscitatur. Usqueadmodum, ut & in Ecclesiæ cærimoniiis, quando iuxta ritum Romanum, in cerei benedictione, quaæ fit Sabbato sancto, extinctis ubique luminaribus, nouus ignis benedicendus est, is vel ex silice priùs excutiatur, vel crystallino speculo, aut alio quoquis incendi vim habente, procuretur. In typum, quod nobis in tenebris & umbrâ mortis sedentibus, Christus ceu lux noua apparuit; qui veniebat ignem mittere in terram. Ita & Machabæi,  
2. Ma.  
chab.  
10.  
de ignitis lapidibus igne concepto, sacrificia obtulerunt.

## A N I M A.

Non oberit, spero; hæc vniuersa audiuisse ac nouisse de speculorum vrentium naturâ rebusque eius naturæ in uestione affinibus. Et fortasse non foret difficile, ad alia adhuc documenta moralia, atque proposito nostro principalia, applicare, & ex luto gemmas colligere.

## D E S I D E R I V S.

Quin & factu facillimum est futurum, ac prorsus obuium; si animum tantummodo aduerterimus. Nam in primis basilisci conditio, atque admiranda oculorum ipsius cum vrentibus speculis similitudo, planam nobis ad moriun speculationem sternet viam. Basiliscus etenim, seu regulus (sic dictus, vel quod iuxta Plinium, albâ in capite maculâ, velut quodam

C dia-

diademate adornetur ; vel quod, secundum  
alios, reliqua serpentium genera , eius virus ex-  
horrescant ac fugiant) rubeos ignitosque instar  
carbonis habet oculos . vtque D. Bernardus  
ait; Venenum in oculis gerit, pessimum ani-  
mal, & prae omnibus execrabile . Noste cupis,  
inquit, oculum venenatum , oculum nequam,  
oculum fascinantem? Inuidiam cogitato . Si  
*Sap. 2.* non fuisset ille basiliscus; numquam per eius in-  
uidiam mors intrasset in orbem terrarum . Op-  
timè itaque Sanctus ille, liuentes inuidiam oculos  
in oculis basilisci depingit, ac perstringit ut me-  
rentur. Sed & iracundiæ faces, ex incenso inter-  
riùs animo promicantes , rectè hisce basilisci  
oculis comparentur : quo sensu Poëta quoque  
sic ad irati hominis excandescientiam allude-  
bat,cùm diceret:

*Horat. Ira furor brevis est: —*

quam alij, efferuescentiam bullientis sanguinis  
circa cor , interpretantur . Atque alias Poëta  
hunc in modum :

*Ovid. Pertinet ad faciem rabidos compescere mores:*

*Candida pax homines, trux decet ira feras.*

At proposito nostro vicinius , de vultus irati  
cum eiusmodi speculis vrentibus comparatio-  
ne , accedit, quod idem sic habet:

*I procul hinc, dixit; non est mihi tibia tanti;*

*Vt vidi vultus Pallas in amne suos.*

*Vos quoque, si mediâ SPECVLVM spectetis in irâ;*

*Cognoscet faciem vix satis illa suam.*

adèò namque, & nares , & oculi , ac tota deni-  
que facies , iracundiam spirant.

Verùm enim uero, tum s P E C V L I aduren- F  
tis conditio , tum oculorum basilisci solo visu  
necan-

necantis virulentia nocendi<sup>que</sup> malignitas, in impudicæ mulieris adspectu tenent principatum. Vnde quicumque versiculi illius leonini est auctor, à scopo mihi non est visus aberrasse; quem, dum sic lusit, verissimè attigit:

*Est mulier tactu viscus, visu Basiliscus.*

Quapropter venerabilis ac sancta illa matrona, D. Antonius Diana vidua, sancti Bernardini Senensis mater-<sup>toninus</sup> tera, non immerito, tametsi citra eius culpam, illum efficaciter ab hac peste deteruit. Dicente namque identidem eodem adhuc puerō, sibi à defunctis iam parentibus commisso, se in urbe Senensi iuuenculari quamdam amare, ineffabili speciositate fulgentem; cuius gratiosum adspectum nisi quotidie videret, sibi crederet præmœrore moriendum; mentem suam referens ad eam, quam totam pulchram canit Ecclesia. Nutrix directrixque ipsius Diana, mulier spiritualis, suspicata ne forte alicuius pueræ carnali amore foret vulneratus, eum increpans, sic inquit: *Quid est, fili mi, quod te impudicè loquentem audio? An ignoras, quod mulier formosa decluem animum facit ad vitia?* **A D S P E C T V S E I V S I G N I S E S T E X A R D E S C E N S:** affectus, robur ingenij prosternit, intellectum elidit. Desere, fili, hanc vanitatem, & de corde tuo omnem cogitatum illius propulsa. Sic illa: atque attentius obseruat, die quodam deprehendit, aperto capite, nudis nixum genibus, dilectam suam (beatam inquam **M A R I A M** virginem, quæ supra portam in effigie stabat) deuotissimè salutantem. Sicque salua res fuit: non importuna tamen illi ætati, illique modo loquendi pueri, nostróve

huic proposito, sanctæ illius matronæ monitio,  
de INCENDIARIO mulierum ADSPECTV,  
diligenti salutem, diligenter cauendo. Iuxta  
illud Poëtæ:

**Geor. 3** *Carpit enim vires paulatim : viri q; videndo.  
Femina.*

Possitne efficacius oculatusque argumentum ac typicum specimen pestilentis huiuscem muliebris adspectus proferri in medium, quām quod de pestiferis oculis & obtutu venenato vīrgunculae illius legimus, quam Regina Indorum aliquando Alexandro Magno, ut venustissimam donoq; regali dignissimam, misit? Illa siquidem ab infantia nutrita atque imbuta fuerat veneno serpentino; ita ut natura ipsius versa esset in serpentis naturam; cuius congressu extinctus fuisset Alexander, nisi Aristoteles eum latentis periculi (quod ex admiratione insoliti victus percepit) præmonuisset. Notabat ille præterea, quod ipsa fidenter, horribiliter, & constanter visum fīgebat in facies virorum, quasi (basilisci in modum) solo visu necatura.

**Ecli. 9** Sed, eheu! quām longè detestabilius est (ut cœpimus dicere) SPECVLVM VSTVLANS impudici adspectus feminei, animas perimentis, quām basilisci talisve puellæ necantis corpora! Quamobrem, non sine causâ, præsentis periculi præmonuit Sapiens: Averte faciem tuam à muliere comitâ; & ne circumspicias speciem alienam. Propter speciem mulieris, multi perierunt: & ex hoc concupiscentia quasi INGENIS exardescit. Cui quadrat & illud eiusdem: Noui generis bestiæ, vapo-

vaporem IGNIVM spirantes: aut fumi odorem proferentes: aut horrendas ABOCVLIS SCINTILLAS emittentes; quarum non solum læsura poterat exterminare, sed & AD-  
SPECTVS per timorem occidere. Vidēsne fulgurantem flamمام ex hoc SPECVLO impudicæ frontis muliebris?

**G**si multi per talem Ætnam consumti sunt, & in fauillam redacti: cùm & illæ ex vnâ parte virulento conspectu in corda intuentium scintillas impudici caloris vibrent; & ex alterâ gehen-

**H**nalis vstrinæ incensor diabolus, halitu suæ suggestionis, prunas phantasiarum ardere faciat: quodque est caput, ipsimet insensati vecordésque iuuenes, oculū camino addétes, frequenti adspexit, connuentibus annuentibusque oculis, totaque sensuum omnium capedine, virus ac flamمام hauriant?

Quis etenim tali tot facularum concursu miretur incendium; cùm & senes illi duo in Babylone (quibus Susanna castissima cùm nul-  
lum ex se incentiuum daret) in oculis nihilomi-  
nus propriis atque animis somitem secum libi-  
dinis adferentes, exarserint in concupiscentiâ eius: & euerterint sensum suum: & declinauer-  
rint oculos suos, ne viderent cælum: neque re-  
cordarentur iudiciorum iustorum: tam quæ ab  
ipsis, vt iudicibus populi, debebant procedere;  
quam quæ à iusto summoque Iudice Deo, me-  
ritò debebant metuere. Erant (inquit historia)  
ambo vulnerati amore ipsius.

Si à castâ pudicaque castissimæ feminæ fronte, tam fæculentæ obortæ sunt faces & flammas, optima quæque in senibus, solo ipso-

rum vitio, deuastantes; quid non metuendum iuuenibus ex impudicarum & lasciuarum puerlarum adspectu & consortio, diabolo præsertim adhibente flabellum, qui viride quoque lignum incendere præualet?

## ANIMA.

O quām felices, qui custodiunt auertuntq[ue] oculos suos, ne videant vanitates, neque capiuntur, ut Holofernes, laqueo oculorum suorum! Auertat Deus à nobis, ne in huiusmodi vrentia specula incurramus, quæ pestifera vredine, tabidoq[ue] carbunculo virentia mentis nostræ fruteta, sata ac vineta consumant. Sed potius in ardentia atque flagrantia virtutum specula, oculos irrepercussi conuertamus: nam & talia reperiri confido.

## DESIDERIUS.

Reperiuntur, & quide[m] plura ac præstantiora, quām illa illecebrosa vitiorum. Nōnne vultus Oniæ Pontificis recordaris, ex quod, quasi speculo vrenti, & pietas, & zelus honoris diuini, micantibus radiis effulgebant? Sic enim de eo legimus, cùm Heliodori temerario ausu, æarium spoliandum templumq[ue] violandum conspiceret: Iam verò qui videbat summi sacerdotis vultum, mente vulnerabatur. Facies enim & color immutatus declarabat internum animi dolorem.

<sup>2. Ma-</sup>  
<sup>chab. 3.</sup> Sed, quale speculum adurens fuisse dicemus Magdalenam? quale Iosephum patriarcham? qui admirandum utriusque sexui suis exemplis in cor & medullas iniecerunt incendium

dium castitatis: illa quidem pœnitentiæ flammis, calidisque lacrymis, priorem rubiginem excoquens; iste verò primæuæ castitatis præferens facem?

## A N I M A.

At pretiosissimum ( mihi persuadeo ) præstantissimumque omnium S P E C V L V M ad virtutem incendens fuit immaculata Dei genitrix, virgo M A R I A: quæ cùm omnium mundi totius pulcherrima fuerit, nemo tamen umquam mortalium eius adspicere, maliciuspiam motus sensit illecebram: quin potius & oculos & corda adspicientium, tamquam viuax animatum & immaculatum S P E C V L V M castiora reddebat: imò velut myrrha, venenum impuritatis turpisque amoris rubiginem elidebat. Nam quemadmodum ( teste Hieronymo ) ex oculis C H R I S T I , velut principis S P E C V L I V S T V L A N T I S , radij aliquando elucebant; ita ex beatæ V I R G I N I S oculis & facie, eeu limpidissimi speculi, scintillæ emicasse traduntur.

Istiusmodi itaque S P E C V L I S in bonum V R E N T I B V S vtamur assidue: dicamusque in eorum adspicere: Concaluit cor meum intra me, & in meditatione mea exardescit ignis: ut per illa, & quod vitiosum est exuratur; & quod bonum, magis accendatur.

# IV. SPECVLVM COMPLACENTIÆ.



Quisquis es ipse tui procus et riualis amoris:  
Siqua tibi fuerat gratia, tota perit.

- |   |   |
|---|---|
| A. Otho Imp. armatus se in speculo<br>ante confluentum contemplans. | E. Simia præ nimio amore foetum<br>suffocat.                        |
| B. Lucifer ex yona sui contemplatio-<br>ne prolapsus.               | F. Aman superbe sibi complacens.                                    |
| C. Angeli quoque, eius affectio.                                    | G. Antiochus fastuosus similiter.                                   |
| D. Primi parentes, per complacentiam<br>paradiso extorres facti.    | H. Corydon se in littore speculans.                                 |
|   | I. Saul in oculis suis parvus, coram<br>Deo magnus fuit; et contra- |

## IV. SPECVLVM COMPLACENTIÆ.

DESIDERIVS.

**V**TINAM COMPLACEANT tibi Psal.  
eloquia oris mei: & meditatio cordis mei <sup>18.</sup>  
in conspectu tuo semper; Domine adiu-  
tor meus, & redemptor meus! Quod, si  
non denegaueris mihi; spes animo meo magna  
consurget, fore ut audiam aliquando, quod au-  
ditui meo dabit gaudium: Tu es filius meus  
dilectus, in te C O M P L A C V I T mihi. Et me- Luc. 3.  
ritò Domine, neque aliter umquam mihi tutò  
consultum erit. Quia, quid proderit mihi, quid-  
ve esse poterit illud, si mihi complacuero, imò  
si toti mundo futurus sim acceptus & gratus, &  
tibi soli non fuero comprobatus? Non enim  
qui seipsum commendat, vel à mundo com-  
mendatur; ille probatus est: sed, quem tu solus  
commendas & probas. Alioquin, inter spem &  
metum h̄erescens, in patientiâ & expectatione,  
cum exulante Dauide dicere poterit: Si inue- 2. Reg.  
nero gratiam in oculis Domini; reducet me, & <sup>15.</sup>  
ostendet mihi Arcam & tabernaculum suum.  
Sin autem dixerit mihi; Non places: præstò  
sum: faciat mihi quod bonum est coram se.  
Quapropter inanem iactantiam, & vanam  
C O M P L A C E N T I A M longè fac à me, Do-  
mine: & C O M P L A C E A T tibi, vt ab eius  
illecebris eruas me.

A N I M A.

An huius igitur insolentiæ fautrix speculatio  
aliqua reperitur in S P E C V L I S?

C 5

DESI-

## D E S I D E R I V S.

Planè, & quidem cuius in materiali speculo communi typus exprimitur . Nam , sicut qui vanę gloriae formaeque concinnandae dant operam ; speculi adminiculo pruriginem illam animi magis accendent : ita , qui seipso , dotes corporis aut animi , dicta factaque propria , cum admiratione suspiciunt ; titillationem inanis COMPLACENTIÆ sibi ipsi conciliant . Verum , utriusque huius fatuitatis exempla producantur ; quò visa auditaque , magis sua deformitate ab imitatione deterreant .

Otho , cùm Romanis omnium gentium A fortissimis imperaret , S P E C V L V M in bello ciuili contra Vitellium deferebat ; vt se , dum tolli signa iuberet , armatum comtumque intueretur . Hóccine momentum vllum eam in rē conferebat ; vt eò maiori suis terrori futurus esset hostibus , quò sibi ipse in armis & corporis cultu videretur ornatior ? Forma virum neglecta decet , vt inquit Poëta , & bellicoso duci ac militi , terror in hostium oculis potius est quærendus , quàm muliebris illa in cultu mollities .

Econtrà Semiramis : quæ , cùm aliquando circa corporis cultum occupata , defecisse Babylonem intellexisset ; solutā adhuc alterā crinum parte , ad eam recuperandam cucurrit : nec prius decorum capillorum redegit in ordinem , quàm urbem in suam iterūm potestatem vidisset redactam . Et verè , quid refert , qualiter nobis ipsi , siue in speculo , siue in oculis propriis videamur , cùm nihil capropter mutetur in re ? Sicut enim

enim ad staturam nostram nec cubitum nec palmum adiicere possumus; ita neque formam mutare valemus. Quidquid enim ad naturalem addideris speciem, fucus est.

Idcircò recte, & ad rem nostram eloquentiæ princeps, Cicero: Principio corporis nostri <sup>1. offic.</sup> magnam natura ipsa videtur habuisse rationem, quæ formam nostram reliquamque figuram, in quâ esset species honesta, eam posuit in promptu. Sed audi, quomodo non ad inanem complacentiam, sed ad morum grauitatem: sic enim inquit idem ipse: Venustatem muliebrem dicere debemus, dignitatem virilem.

**B** Vanæ perniciosæque huiuscem **C O M P L A C E N T I A E** prima nobis semina iniecit, & ad illam tam cupidè ambabus, ut dicitur, ylnis amplectendam, latissimum ostium patefecit, primus omnium Lucifer: qui ex ingenitiâ suæ nobilitatis excellentiâ naturaliæ conditionis suæ pulchritudine, quâ Deus eum præ ceteris creaturis ornarat, in semetipso gloriam captas, sibiisque in gratuitò datis, tamquam in propriis; nec debitam conditori ac largitori habens aut referens gratiam; ex præcellenti Archangelo, malignorum spirituum à se peruersorum princeps est effectus in inferno, quibus ad eamdem ruinam incendor & dux fuerat in cælo.

**Quia** verò **C O M P L A C E N T I A M** tam præsens & efficax esse experientiâ didicit ad præcipitum instrumentum, hinc nullum ferè ex toto mortalium genere sinit ab hac infestatione imminunem: præsertim, cum ipse non tandem in angelis, sed & in primis parentibus, tam secundum primumque suis conatibus successum

sum expertus sit. Quâ siquidem aliâ parte versi-  
pellis suæ nequitiaæ, atque in generis nostri rui-  
nam inuidiaæ & insidiis viam inuestigauit in-  
uenitque percommodam ; quâm per inanis  
istius gloriæ ac propriæ C O M P L A C E N T I Æ  
titillationem; quam videbat, vel saltem suspica-  
batur , naturæ humanæ non vsqueadè fore  
peregrinam, neque adeò à terrestri nostrâ origi-  
ne remotam ? Tentauit, successum sensit, diui-  
nitatis consortium ob oculos statuit, addixit, &  
ambitionis scintillas in præparatum iam fomi-  
tem cautus iniecit. Incendit eâ primùm ex par-  
te , quam præ sexus imbecillioris naturâ , ad ig-  
nem concipiendum magis sciebat idoneam.  
Dumq[ue] flamma illa amoris propriæ excellen-  
tiæ atque inanis gloriæ, speciosa deserti paradisi  
depopulata est, scintillæ atque fauillæ tam vo-  
racis incendij in omnem humanæ stirpis propa-  
ginem adeò latè perlatæ ac peruagatæ sunt : vt  
qui se ab illâ existimat liberum , videat quæso  
diligenter, an seipsum non fallat.

## A N I M A .

O miseriam ! ô mentis nostræ caliginem !  
ô cordis insensati dementiam ! Quid agimus?  
quid volumus? quò euadere tandem præsumi-  
mus ? quidnam tandem tam vanè speramus ?  
Pessimo laboramus vitio, sed tamen adblan-  
dienti nobis suauiter: atque capropter, neque  
sponte agnoscimus, neque fidem habemus ad-  
monenti : quasi non satis sit pestilens, quòd  
intima pectoris nostri possideat, nisi hoc etiam  
mali accedat ; vt, quòd magis in nobis grassatur,  
hoc minùs agnoscatur,

D E -

## DESIDERIVS.

Domine Deus, quām cæcūtimus & nescimus! Imò, cum Pharisæis cæcis ducib[us]que cæcorum, admoniti, non sine indignatione respondemus: Numquid & nos cæci sumus? Et quid est, obsecro, quòd ita grandescimus, intumesceimus, & nobis ipsi tam inaniter complacemus? Dicas, licet: Sum doctus, multarum rerum peritus, facundus, ecclesiastes egregius, disertus poëta, magnus orator, bonus musicus, insignis scriptor, pictor, fictor, & mille similia: omitto quòd nobilis, diues opum, honoratus à populo, raræ auctoritatis, totique mundo spectabilis; addo ego tibi, quidquid ex pleno copie cornu spongiosum tuum peccus valet imbibere: quid obsecro est hoc totum? Nónne fumus, bulla, stipula, & si quid his est vilius? Dúmque in hisce, ne dicam omnibus, sed in illorum aliquibus, quæ te naētum existimas, gloriaris, tibiique complaces ad stuporem; fortasse, si benè attenderis, nec illa habes, aut saltem non eo gradu, ut vel hilum gloriæ mereantur. Et quid est quæso totum, quod es, habes, aut nosti, præ omnibus infinito modo pluribus, quæ neque es, neque habes, neque nosti? Quare igitur non potius erubescis de tot quæ desunt, quām gloriaris de paucis quæ adsunt?

## ANIMA.

An verò manifestius hanc nostram inanitatem in propriâ complacentiâ queamus comprehendere, & si oculos aperiamus videre & palpare; quām si in puerorum ludétium grége, vni videa-

videamus coronam ostendi , tamquam capitl  
ipsius imponendam; dumque illam sibi imponi  
**existimat** , clām à tergo ridiculus ei galerus aut  
cucullus imponatur ; ifque iam fastuosus ince-  
dat , se regem putans , cùm interim ludibrio  
sit omnibus? Nónne ita quotidie nobis illu-  
dit mundus cum suis cultoribus; imò nos ipsi  
**Gal. 6.** nobis? Si quis existimat se aliquid esse, cùm ni-  
hil sit; nónne, teste Apostolo, ipse se seducit?

Interim, nec omnia argumenta mundi , ne-  
que vniuersæ correptiones , neque librorum  
momenta, neque aduersi casus, malumque cer-  
tum in uisæ huic C O M P L A C E N T I A Æ debi-  
tum , & propemodum semper illatum , nos ab  
eâ vel tantillum valeant deterrere , vt saltem  
seriò recogitemus in nobis, an non verè hoc vi-  
tio laboremus . Tam radicata est in visceribus  
hominum damnabilis ista philautia , & quæ-  
dam philarchia , siue multum subsit gloriandi  
complacendiisque materiæ , siue parum , imò  
potius nihil; vt, instar simiarum , bonorum no-  
strorum operum foetum , imò animam pro-  
priam , potius præ hac insaniâ suffocemus ac  
disperdamus ; quām vt vel moniti , ictiisque in-  
tus aut foris , vitium hoc agnoscamus , atque  
à nobis vt detestabile amoliamur : cùm nec  
tineas , nec blattas , in libris aut vestibus tole-  
remus.

E

## D E S I D E R I V S.

Vtinam tandem aliquando Domine illumi-  
nes vultum tuum super nos, & miserearis no-  
stri ; vt S P E C V L V M hoc C O M P L A C E N-  
T I A Æ procul amoueas ab oculis mentis nostræ!

Quem

Quem enim non moueat percellatque , tam certum quām miserandum exitium omnium eorum , qui hactenus ob istam dementiam fastumque intolerandum te vindice , post horribilem pœnam & luctum , miseris modis perierunt? Infernalem Luciferi metamorphosin , primorum parentum apostaticum lapsum , atque inflictam toti posteritati labem & cladem , F omitto : sed , cui non incurrit in oculos protrita & summo dedecore affecta Amanni superbia ; qui cùm se in altissimo dignitatis & gloriæ gradu , stabili pace ac securitate collatum putaret ; ad ima repente , verso rerum statu , deiectus est : Cùm enim se Regi ac Reginæ charissimum crederet , eaqué de re coram vxore & amicis iactabundus gloriaretur ; à Reginâ Hester apud Regem eidem promeritum parabatur exitium . Cumque tamquam unicum toto orbe infensum sibi hostem Mardonchæum , extructâ ipsi excelsâ cruce , triumphare se iam arbitraretur ; in eamdem mortaliū fastuosissimus est sublatus.

G Quid de noto superbi nomine Antiocho sumus dicturi? quem non miserabilis eius casus & clades horrenda commoueat , vt ab arce placentiæ vel sensim descendat , vel elationis cristas paulatim demittat? De quo præstat audire , quid sacra Scriptura commemoret , quām nostris hic verbis explicare . Sic narrat Machabæorum historia : Existimabat , se præsuperbiâ terram ad nauigandum , pelagus verò ad iter agendum , deducturum ; propter mentis elationem .  
2. Ma-chab. 5.

Sed , audiamus humiliatum superbū , ac

COM-

**COMPLACENTIAM** in atrio proprio profligatam . Is , qui sibi videbatur etiam fluctibus maris imperare , supra humanum modum superbiâ repletus , & montium altitudines in **Ma. chab.9.** staterâ appendere ; nunc humiliatus ad terram in gestatorio portabatur , manifestam Dei virtutem in se contestans : ita ut de corpore impij , vermes scaturirent ; ac viuentes in doloribus carnes eius effluerent ; odore etiam illius & fœtore exercitus grauaretur . Et , qui paulò antè sidera cæli contingere se arbitrabatur ; eum nemo poterat , propter intolerantiam fœtoris , portare . Hinc igitur cœpit , ex graui superbiâ deductus , ad agnitionem sui venire , diuinâ admonitus plagâ , per momenta singula doloribus suis augmenta capientibus . Et , cùm nec ipse iam fœtorem suum ferre posset ; ita ait : *Iustum est , hominem subditum esse Deo , & mortalem non paria Deo sentire .* Orabat autem hic scelestus Dominum , à quo non esset misericordiam consecuturus . Ratio est : quia per plagam humiliatus , non factus est humiliis .

## A N I M A .

Eheu ! dolendum læti momenti exitum ! Et quare , quæso , miseri non humiliter sentimus de nobis ; cùm nihil in nobis reperiatur , exceptâ Dei bonitate & gratiâ , quod non ad maximam animi demissionem impellat ? Sed verè , nescio quo malo genio , ad eiusmodi , quæ ad humilitatem inuitant , nō aduertimus animum : graviusque eorum vel præsentiam vel alloquium ferimus , qui nobis vel modestiam , vel humilitatem ,

tem, vel sobriam moderatamque de nobisinet-  
ipsis opinionem ob oculos ponunt. Hinc sit  
(quod etiam quotidianus vſus docet) vt non  
ſolum hoc in negotio veritas odium pariat;  
verum etiam, vt, non obſtantibus tot tantisque  
remediis, ſeimper ille inexterminalis C O M-  
P L A C E N T I Æ ſurculus, vel millies reciſus, aut  
etiam euulsus, repullulet. Euadunt hoc infelici-  
tatis (credo) rarissimi: & quoad iſtam immuni-  
tatem, non tam ipſosmet de ſe, quam alios de  
ipſis, conuenit iudicare. Nam communis ferè  
habet vſus, abuſus inquam; vt, ſi ſcribimus, ſi le-  
gimus, concionamur, docemus, loquimur, ca-  
nimus, manum vel pedem mouemus; aut  
aliquid demum, paruum aut magnum, fa-  
cimus (niſi forte deſit inspectoṛ) quaſi ex in-  
ſidiis illicò affurgat & adrepatur infestum hoc  
tineæ genus, gloriola, nobisque in facto com-  
placeamus.

## DESIDERIVS.

Amplius dicam: cum manifesta illa gloriæ  
animalia Philosophi, ferè non niſi ad oculum  
ſua admiranda patrarent; ſi que deeffet admirator,  
ceſſarent: nos interdum etiam dum ſoli ſu-  
mus, atque aliquid agimus; ecce non deeffit ſu-  
perbia, & existimatio facti laudabilis ſeſe inge-  
rit. Quin & fortasse, dum iſta ſolus, ac ſine arbi-  
tro ſcribo, ſerpentiſq; illius nequitiam detego,  
& vires eius ac virus elidere molior; caput ſuum  
veternofum latenter attollit, vt referiat ferien-  
tem; ac faltem ab illâ me parte titillet, quâ illum  
mihi video regreſie tutu diffeſe.

O nequifſimum colubri caput! quiſ tuam eu-  
D det

det vafriciem , dum optimis quibusque conati-  
bus & cœptis, vt inuides, ita & insidiaris ? Imò,  
tum quoque victoriæ palmam tibi præsumis,  
cùm victori tuo viētus herbam vidēris porri-  
gere? Nónne ita te sanctam illam virginem Sa-  
ratam circumuenturum sperasti ; cùm in carnalis  
lasciuia bello, per annos tredecim , viētrix sem-  
per abscederet : acriusque tandem à te impu-  
gnata, quām vt videtur posse sustinere; inuo-  
cato sponsi sui Christi auxilio , tum quoque te  
triumpharet ? An non eidem eedendo victo-  
riam , victoriæ palmam subtili stratagemate  
tentabas eripere; dum ei apparens, latenterque  
inanis gloriæ stimulo petens, dicebas: *Vicisti me,*  
*Sara, vicisti?* Sed illa, quā oportebat arte , prodi-  
toriam tuam sicam cludens, ac prudenter (vt  
Dauid Saūlis hastam ) declinans, tibi quod  
oportebat respondit: *Non ego te vici, sed Domi-  
nus meus I E S V S .* Ita ego hīc quoque si mihi  
molestus sis, tuum in caput retundam spicu-  
lum obiiciamque ei cælestem peltam, quam in  
simili vanæ gloriæ concionandiæ c o m p l a-  
c b n t i æ suggestione , tibi sanctus Bernardus  
obiecit , dicens : *Neque propter te incepi, neque  
propter te desinam.*

## ANIMA.

Quām dolendum, ô dilecte frater ! adeò no-  
bis inhærere instar nepæ hoc vitij , actibusque  
nostris vniuersis , ac omni proprio de nobis re-  
busque nostris iudicio ; vt ad cumulum eius, &  
nequid ad plenum numerum deforet , etiam  
in defectibus ac penuriâ gloriemur : quasi no-  
bis præ tardio foret contabescendum , si non  
sem-

S P E C V L V M C O M P L A C E N T I A . s i  
semper, & vbiue, & in omnibus, C O M P L A -  
C E N T I A ista ac vana gloria, aliquo saltem vel  
emendicato titulo seſe ingereret ! Adeò vt in  
omnibus, etiam quæ verè alij imptobarent, no-  
bis ipsi complaceamus.

### D E S I D E R I V S .

Nec illepidum, nec alienum à nostro propo-  
ſito eſt, quòd Agaristam, Clifthenis filiam, adeò  
formosam extitiffe narrat Herodotus , vt ad  
obtinendas eius nuptias, celebrata ſint proco-  
rum ſpectacula & certamina : quòd ſpeciosiſſi-  
mi quique Græciæ adolescentes confluxerunt.  
At, cuidam illic nimium laſciuienti dixit filiæ  
pater : Tifandri fili , deſaltaſti matrimonium.  
& tamen ſe rem præclarè gediſſe planè exiſti-  
mabat miſer ; ſibique adeò C O M P L A C E -  
B A T , vt ſibi præ omnibus ſponsam deberi ar-  
bitraretur . Aliis autem, rem vt verè habebat  
contemplantibus, veſiementer diſplicebat.

Sed quid ? illud nobis ferè per fallacem ac  
fatuam hanc coimplacentiam accidit , vt nos  
ipſi nos potiſſimū decipiāmus, propriam opi-  
nionem conſulentes . Sic Dæmonax olim Phi-  
losophus Cyprius, infeliciter declamantem ad-  
monuit, vt ſeſe diligentius exerceret . Cumqüe  
iſi respondiſſet . Numquam non ad memetip-  
ſum declamo : Nihil igitur mirum, inquit Dæ-  
monax, ſi dicis inepte , qui haſtenus ſemper  
teipſo vt ſtulto auditore & magistro vti ſiſ ſoli-  
tus . Hic autem magiſter, eſt omnium errorum  
auſtor.

Denique, ne vel in aliquo complacentia de-  
ſideretur; ſemper adhuc maioris alieni deſe-

Etus prætextu, nostram inopiam facimus minùs  
vituperabilem; atque illo nos saltem solatio suf-  
fulcimus, quo deformis ille Corydon seipsum  
vtcumque solabatur, dum diceret speculi huius-  
confilio:

*Virgil.  
Eclo. 2.*

*Non sum adeò informis: nuper me in littore vidi,  
Cum placidum ventis staret mare.*

Sic & Phariseus ille, vt putabat, maiorum pec-  
catorum comparatione sibi placebat. Ita nos:  
Ille me magis claudicat, balbutit, delirat, cæcu-  
*Tertul-  
lib. de  
cultu  
fem.*  
tit, atrior est. In placendi ratione, Tertullianus  
sic inquit: Et viris propter feminas, & feminis  
propter viros, vitio naturæ, ingenita est placendi  
voluntas. Addo ego: & complacendi sibimet:  
cùm nemo alteri placere contendat, nisi pri-  
mùm studuerit placere sibi: sique fine illo fru-  
stretur, saltem medium hoc non abfuerit. Per-  
git auctor, & ad speculi usum, seu potius in viris  
abusum, se conuertens, inquit: Propriasque  
præstigias formæ & hic sexus (virilis nimirum)  
sibi agnoscit, barbam acriùs cædere, interuel-  
lere, &c. tum speculum omni occasione consul-  
lere, anxiè inspicere: cùm tamen cognito Deo  
ademtâ placendi voluntate, per luxuriæ vaca-  
tionem, omnia illa, vt otiosa, vt hostilia pudici-  
tiæ, recusantur.

### ANIMA.

Verè se res habet, vt dicit. Nam quemadmo-  
dum, quotquot Deo placere conati sunt, viles in  
oculis suis fuerunt; ita qui complacentiæ studue-  
runt, Deo placere non curarunt. Instar bilancis I  
se res ista habet: quantò plus vni imposueris,  
tantò plus ademeris alteri. In Saul rege, velut in

COM-

C O M P L A C E N T I A E S P E C V L O , liceat id  
contemplari . sic ait Samuel eidem : Nónne, <sup>i. Reg.</sup>  
cùm paruulus es in oculis tuis , caput in tri- <sup>15.</sup>  
bubus Israël factus es ? vnxitque te Dominus  
in Regem super Israël ? Pro eo ergo , quòd  
abiecisti sermonem Domini ( magnus scilicet  
in oculis tuis effectus) abiecit te Dominus , ne  
sis Rex.

Apage ergo domesticum hoc animi semper  
intumescentis virus , ac modestiam vsque reti-  
nere satagamus : ne vlla vñquam nos nostri  
inflet opinio , pestis verè vniuersi profectus: quæ  
& optima quæque in nobis elidit , nihilque præ-  
ter inanem producit auram , quâ & pascitur.  
Nónne sic & in Iberiâ quidam equas à Fau-  
nio vento putant concipere , sed euanido fœtu? Ita prorsus hîc accidit : vt qui ab opinione blan-  
diente , suauiterque adspirante COMPLACEN-  
TIA grauidantur , nihil serium pariant : sed vt  
tumidi solummodò vtres , quò maiori ampli-  
tudine distenduntur , eò sunt diruptioni vi-  
ciniores.

Deus itaque nos ab hoc spiritu liberet ; &  
humilitatis spiritum ( qui solius ipsius est ) lar-  
giatur.

V. SPECVLVM OCVLORVM ALIENORVM.



In basilisci oculis vis bellus stulte videri?  
Maius adulantum lumina virus habent.

- A. Oculi alieni, specula vanæ laudis.
- B. Rex Achab in oculis uxoris magnus.
- C. Crocodili oculi, nocentia specula.
- D. Talis quoque parasitorum nequitia.
- E. Adulatorum blanda perniciens.

- F. Herodes, aliena laude elatior, à Deo percussus.
- G. Vana in oculis hominum complacentia.
- H.I.K.L. Iunonis et Isidis pompa, non sine SPECVLIS.

## V. SPECVLVM OCVLORVM.

ALIENORVM.

DESIDERIVS.



*Cvli tui, Domine, contemplantur  
vniversam terram: & præbent forti-  
tudinem his qui corde perfecto credunt  
in te. Sed dum ita se res habet, Do-  
mine Deus, vt oculi tui vniuersam terram con-  
templentur: nonne vicissim vniuersa in oculis  
tuis, tamquam in lucidissimo speculo, resplen-  
descunt? Ex hoc enim fonte promanat, quod  
de Sanctis tuis in cælo dici solet: Quid nesciant,  
qui scientem omnia sciunt: & quid non vi-  
deant, qui cuncta videntem contemplantur?  
Verum, vtinam non tantum velut in speculo  
sim in oculis tuis; sed in iisdem quoque inue-  
niam gratiam: quia fallax alioqui gratia, quæ in  
hominum oculis quæritur, & raro bene inue-  
nitur, rariusque bene conseruatur.*

## ANIMA.

Hiccine igitur, germane mi frater, atque in-  
diidue comes, in nouum speculi genus deu-  
nimus? Utinam, si ad speclandam aliquando  
quam desideramus ac quærimus Domini fa-  
ciem, nos non promouet saltem nō remoretur.  
Hac enim mente (vt nosti) per SPECVL A ob-  
erramus, vt in illud tandem optato euentu in-  
cidamus, cuius ope, & mentis nostræ maculas  
eluamus, & internorum oculorum purgato  
obtutu, aciem illorum sic adaptemus, vt hîc  
videamus per gratiam, quæ in viâ filiis Dei

reuelantur; & post hanc peregrinationem beatificæ illius visionis siamus consortes in patriâ.

## DESIDERIVS.

Affentior, ô mea columba, & soror dilecta: atque ab hoc præcepto animis scopo non est nobis vllâ de causâ aberrandum. Sed, si datur facultas, votisque nostris cælesti numen adspicarit, danda est nobis sedulò opera; vt speculorum istorum decursu, ac quali quali adminiculô, mens nostra quoque ita effulgeat, vt instar specularij lapidis tamquam planè cælestis effecta, illustretur ac clarescat. De lapide siquidem *Hexaæ.* isto sic D. Basilius in hunc modum: Speculatorius lapis transparens ac pellucidus est, & peculiari quadam ac purissimâ perspicuitate prænitenſis; adeò vt, si is suæ naturæ numeris omnibus responderit, neque vllâ exesus putredine, sed nec vllâ sui parte perruptus, cum aëre contendat, eiisque ferè perspicuitate similis esse videatur. Recte per omnia. Sic enim futurum est, vt illud Tobiae in nobis adimpleatur: Luce splendidâ fulgebis. cælestis nempe gratiæ splendore. illudque Prophetæ Iob: Lux vultus *Tob. 1;* mei non cadebat in terram. & quemadmodum qui de terrâ terreni, ita nos de cælis cælestes efficiamur. Iustorum namque semita (de virtute in *Iob 29.* virtutem euntium, donec videant Deum Deorum in Sion) quasi lux splendens, procedit & crescit, usque ad perfectam diem. Perfectus autem dies hic, est perfectio viæ; perfecta vero dies in cælis, est perfectio patriæ.

## ANIMA.

Credo sic irradiatum fuisse beati protomartyris

tyris Stephani vultum cælesti internæque illustrationis luce ; quando etiam inimici ipsius lucifugæ intendentis in eum , viderunt faciem eius tamquam faciem angeli. O beatam sic illuminatæ mentis munditiam , quæ in vultu quoque resplendeat , angelisque efficiat similes! Sed , quodnam est SPECVL I genus , quod in ordine ceterorum nunc obtutui nostro propunitur , vt fructum quoque ex illius adspectu consequamur? Act. 6.

## DESIDERIVS.

**A** Mirandum planè ; & quām valdē vſitatum , atque obuium quotidie vniuersæ hominum multitudini , tam parum notum aut pro speculo habitum . Sunt autem OCVL I ALIEN I , quod iam dicimus SPECVLVM , in quo laudis typum statuimus , quam eiusmodi prædæ venatores ab aliis aucupantur . Certum est in primis , tametsi nemo obſeruaret , in patentibus hominum oculis , obiecta quæque , tamquam in speculis figurata apparere . Adeò , vt quemadmodum vnuſ homo in multis appositis ſibi que coniunctis speculis , vel in paruis speculi partibus similiiter ſibi compositis , populi cuiusdam multitudinem efficit : ita turba aliqua in vnius ſoliuſ oculis distincte conficienda appareat . Quinetiam , inquit Plinius , pocula quædam ita figurantur , expulsis intus crebris ceu speculis ; vt vel vno intuentे , populus totidem imaginum fiat . Vnde & Annæus Seneca : Sunt , inquit , quædam specula , ex multis minutisque composita ; quibus si vnum ostenderis hominem , populus appetet , vnaquaque parte faciem

suam exprimente : ex vno turbam efficiunt : quod & cohærentibus adhuc speculi partibus contingit . Et hominum ergo oculos talium speculorum vicem obire , qui hactenus ignorarit , vel non crediderit ; experientiam adhibeat magistram , & ignorantia admirationi locum dabit.

Eiusmodi porrò speculum , de quali nunc agimus , censeri poterant oculi Assyriorum , qui Judith pulcherrimam captiuam Holoferni sistentes , intentos in illam oculos defigebant : de quorum usque ad stuporem intuitu , sic in-

Judith  
10.

Ibid.  
11.

Habac.  
2.

quit Scriptura : Viri considerabant faciem eius ; & erat in oculis eorum stupor : quoniam pulchritudinem eius mirabantur nimis : Indubie in oculis omnium illam sic contemplantium faciei ipsius effigies , tamquam in speculo , conspici poterat . Cumque iam illam tam sublimè laudarent , ut dicerent uanimiter ; Non est talis mulier super terram , in adspectu , in pulchritudine , & in sensu verborum : non restabat aliud , ut in hoc præsens speculum oculorum alienorum Judith impingeret offenderetque , quam ut in laude ac gratia illorum , & præsertim Holofernisi , cuius oculis animoque mirificè tota placebat , sibi ipsa complaceret & gloriaretur . Sed prudenter illa iuxta ac constanter , in se , instar faxi quadrati , consistens ; cauebat , ne quid hisce verborum lenociniis , oculorumve collimationibus , animo suo impetiginis inureretur . dicebatque secum , quod ille Propheta , & quilibet oculatus arcis suæ custos ac speculator : Super custodiam meam stabo ; & figam gradum super munitionem : & contemplabor , ut videam ,

deam, quid dicatur mihi; & quid respondeam, ad arguentem me. Proposito autem nostro congruentius dico ego; Ut videam, quid respondeam, ad collaudantem me, mihiique adblandientem. In hoc enim consistit periculum speculi præsentis, oculorum videlicet alienorum.

## ANIMA.

**B** Aut vehementer fallor, aut SPECULATIONIS huiusmodi paradigma typumque expressissimum, in factiosâ atque impiâ illâ Iezabel, est videre: quando nimirum Achab Regem, coniugem suum æquè impium, sic in os collaudauit; ut ad flagitium, à quo ipse vt cumque abhorrebat, impelleret, dicens: Grandis auctoritatis es: & benè regis regnum Israël. Surge, & æquo animo esto: ego dabo tibi vineam Naboth Iezrahelitæ. Rex siquidem, quod illam Naboth sibi negasset, semianimis iacebat in lecto. Ipsa itaque Iezabel, & innocentem Naboth, prætextu iustitiæ, morti tradidit; & virum suum, ad iniustè possidendam occisi vineam, blandiendo & collaudando, quasi laude irretitum, induxit.

## DESIDERIVS.

Omnino se res ita habet, ut dicis: estque hoc proprium speculi huius exemplum, quod modo habemus præ manibus. Dum videlicet malecautus quispiam, laudisq; audior, per gratiam quam in oculis hominum obtinet, se in malum perduci finit; neque cogitat, connuentes eiusmodi applaudentium oculos, dum ad blandiun-

diuntur, necare; ac dum fauere creduntur, nocere quam maximè. Hisce ocularibus speculis non usque adeò dispar est fraus illa atque pernicies, quæ in crocodili naturâ atque oculis speciatim esse perhibetur. Is siquidem, conspecto homine, emittit lacrymas ( iam tunc enim homo ille in eius oculis, ut in speculo, continetur quoad imaginem) dumque miser ad illum tamquam ad lamentantem lugentemque deposito metu, accedit vicinius; eumdem atrociter deuorat. Vnde & natum proverbum: Crocodili lacrymæ. de iis scilicet, qui sub specie pietatis & benevolentiae homines fallunt, atque in existium ducunt. Talibus hominibus illud Sapientis debetur ex merito: In oculis suis lacrymatur inimicus: & quasi adiuuans, suffodiet plantas tuas: & si inuenierit tempus, non satiabitur sanguine. Quid propinquius ad crocodili naturam?

## ANIMA.

Hæcque est, ni fallor, ipsissima parasitorum, adulatorum, assentatorum adblandientiumque conditio, ac perniciosa natura: ut blandis arrideant oculis; nutu, verbis, & factis, loquantur ad hominem; nihil repugnantes, numquam contradicentes, omnia ad eius voluntatem facientes, cui placere desiderant; omnia sustinentes; & quem laudibus attollunt; in extremam tandem perniciem blandâ suadâ seducentes.

## DESIDERIVS.

Exemplum talium SPECVLORVM ALIENÆ LAUDIS & extollentiae, habemus in libris Regum

gum valdè conspicuum . Quando namque <sup>3. Reg.</sup>  
Rex Roboam , derelicto sano seniorum consi- <sup>12.</sup>  
lio , audiuit adulantes adolescentes qui nutriti  
fuerant cum eo ; nec ministrorum modo , ve-  
rumentiam parasitorum more assistebat illi , nu-  
tuque ad blandientium oculorum suorum pla-  
cere studebant , dixerunt ei : Sic responde po-  
pulo , & dic : Minimus digitus meus grossior  
est dorso patris mei . at ipse tali collaudantium  
rhedâ in præcipitium vectus est .

Ita legimus , apud Sonciates , Gallorum olim  
populos , Regem quosdam secum habere soli-  
tum adulatores Siloarios , assentatores , & id  
genus hominum , qui vnâ semper aderant , se-  
etabantur quo cumque iisset , idemque facie-  
bant , siue rideret , siue lugeret , seu aliqua cape-  
retur voluptate : denique , qui cum accum-  
bentibus accumberent . Quin & Clisophus ,  
Philippi Macedonis parasitus (vt Athenaeus est  
auctor ) se claudum fingebat , quod Philippus  
crus fractum haberet . Os insuper , oculosque  
idem contorquebat , dominum suum in gesti-  
bus imitans . Nicetas porrò cum Alexandrum  
magnum à muscis petitum videret ; Quantò ,  
inquit , hæ ceteris præstant , quæ tuum sanguinem  
degustant ! Cùm verò vulneratum eum  
dem conspiceret , illud Homericum insignis  
ille assentator in medium protulit :

*Qualis diuorum percurrit corpora sanguis !*

### A N I M A .

E Quis non videat , quā fallacia perniciosa-  
que sint istorum hominum blandimenta ? &  
quis eiusmodi blandientibus oculis & linguis  
<sup>se</sup>

se oblectantes, seque quasi byssino vinculo ad E  
suspendum trahi sinentes, satis deploret?

## DESIDERIVS.

Eapropter, quemadmodum Patroclus proditurus in bellum reliqua quidem Achillis arma sibi assumisit; solam autem hastam, ut grauem ac præualidam, ne attigit quidem: ita adulator omnia veri amici symbola imitatur, præter solam admonendi libertatem: quæ, ut hasta corpus, sic illa animum amici delinquentis intus ferit. Eam ob causam, sicut in Menátri **Comœdiâ** falsus inducitur Hercules, clauam gestans, non solidam ac robustam, sed inanem ac leuem: ita quoque adulatoris libertas, mollis est & blanda, plus assentationis quam monitionis habens; plus olei lenientis, quam mordentis vini; idcirkò etiam non sanant, sed vngunt tantum ac palpant. Hunc in modum Tiberio Senatum aliquando ingrediente, adulator quidam exclamabat: In hoc te omnes reprehendimus, Imperator, licet nullus audeat palam fateri, quod tu te nobis nimium impendis. Ad quæ **C. Seuerus**: Ista tanta libertas hunc hominem dabit exitio. Tali ironiâ insigni sarcasmo commixta fucum illius inepti detergebat; qui nempe prætextu summæ ac periculose libertatis, maximè blandiebatur.

Sed, quam inanis ac stulta est, hominum in hoc ALIENORVM OCVLORVM & laudum blandientium SPECVLO sibi applaudentium vanitas! In oculis hominum sapiens, ut alter Salomon, apparebis, & re bene considerata verè stultus inuenieris: fortis, ut alter Samson

pson aut Hercules, & eris in rei veritate Ther-  
 site timidior; eloquens, vt alter Cicero, & re  
 verâ Bardo stupidior, ac magis mutus quâm pi-  
 scis; pulcher, vt Absolon, vel Adonidis instar, &c,  
 Mopso deformior. Quocircà, dignum suâ eius-  
 modi fatuitate responsum accepit aliquando à  
 suo parasito Carisopho Dionysius; quod omni-  
 bus huius farinæ hominibus optem propina-  
 tum, dum ita auidè laudem blandientium  
 sitiunt. cùm enim dominum suum separatim  
 cum amicis confabulantem & corriendem vi-  
 deret; ipse quoque procul stans effusè ridebat,  
 nihil tamen audiens eorum quæ dicerentur. In-  
 terrogatus itaque à Dionysio, quid rideret:  
 Quòd, inquit, existimem risu digna quæ dici-  
 tis. Optimè: nam dum plerumque ridere ho-  
 mines arbitramur, ob gratiam aliquam in no-  
 bis obseruatam: fortasse, si rogentur, ineptiam  
 nostram ac vanitatem deriserint. Hinc Pho-  
 cion Atheniensis, insignis Orator, cùm popu-  
 lum sibi dicenti applaudentem vidisset; ad  
 amicos conuersus, Quid, inquit, num mali  
 quippiam dixi imprudens? Sed omnes potiùs  
 aurâ illâ populari nos ab illâ animi moderatio-  
 ne in deuum complacentiæ abripi finimus;  
 quam Cicero etiam in Demosthene improba-  
 uit, dum sic illum notat: Leuiculus sanè noster <sup>Tuscul.</sup>  
 Demosthenes; qui illo susurro delectari se aie-  
 bat, aquam ferentis mulierculæ, insusurrans  
 tisque alteri; Hic est ille Demosthenes. Quid  
 hoc leuius? At quantus Orator! Sed, apud alios  
 loqui videlicet didicerat; non multùm ipse  
 secum. Ita de hoc laudis ve- retibus captato,  
 Cicero.

## A N I M A .

Prudenter eapropter fecerimus , mi frater coniunctissime , si modestam illam prudentemque Noëmi fuerimus (quoad hominum laudes & gratiam) imitati. Illa siquidem , dum peregrè reduci Bethlehemiticæ mulieres , non sine publicæ laudis encomio sibi acclamarent; Hęc est

**Ruth** 1. illa Noëmi , pulchra , præstans , præclara illa virago ; nihil sibi inde laudis decerpens , nihil illorum arrogans , demissè respondit : Ne vocetis me Noëmi , id est , pulchram ; sed , vocate me Mara , hoc est amaram , quia amaritudine valdè repleuit me Omnipotens . Itaque flammam laudis alienæ superinfusâ frigidâ in suo ortu restinxit . Sic quoque factò esset opus , quando propter gratiam aliquam , aut verius gratiæ speciem , laudabiles hominum oculis apparemus , nosque laudare incipiunt . Nihil etenim ita impetiginem illam alienæ laudis retundit , quam humilitatis vilitatisque memoria ; & cogitare , quales verè in oculis Dei simus : iuxta **Sen. ep.** Senecæ dictum : Intus teipsum considera , non **77.** qualis sis , aliis credas .

**Act. 12** Quid enim Herodi profuit superbìa , fastus , & supra humanum morem populi adulantis **F** acclamatio ? Statuto namque die , vestitus veste regiâ , sedit pro tribunali , & concionabatur ad eos . Populus autem acclamabat : Dei voces , & non hominis . Confestim autem percussit eum Angelus Domini : eò quòd non dedisset honorem Deo ( sed attributum à populo , sibi quoque arrogasset ) & consumtus à vermibus exspirauit . Neque eò minor est culpa , vbi rarior talis poena .

## DESIDERIVS.

Vtinam id ipsum, ô anima, saperent, sentientque verè in animo suo, imprudentes ac impotentes humanæ laudis appetitores; qui consilio oculorum alienorum, sibi vice speculi subservientium, se suaque omnia dirigunt & disponunt: non cogitantes, rem esse plenam vanitatis ac stultitiae. Quemadmodum enim magna est oculorum speculorumque affinitas ( vt initio diximus) ita non minor quoque fallendi æqualitas. Existimant aliqui, videndi rationem fuisse perituram ( inquit Cælius Rhodiginus ) nisi summi artificis sapientia, post id quod mirè pellucet, nigricans quipiam appinxisset: sicuti speculis allinitur plumbum, pix, aut aliquid simile densum & adiaphanum, vt obscurior illa densitas, sit imaginum veluti sufflamen ac infrenatio; quæ per vitri dilapsæ tralucidum lœuorem, ac densiore obiecto non repressæ, euaneferent. Vnde vulgo irroborauit, vt dicatur OCVLVS naturæ SPECVLVM; sicut SPECVLVM, artis OCVLVS nuncupatur.

**G**usto id totum verum, & ita vt dicitur: atque oculi fabricam, vt admirabilem, vicesque speculi obeuntem, obstupecamus: vanumne tamen ob id esse definit, ex oculis hominum, velut ex speculis voto tuo obsequentibus, laudem captare & gratiolam aliquam emendi? **H**oc care? Choris & pompæ Iunonis atque Isidis, eiusmodi cincinnatos ac calamistratos symystas, laudis aucupes, adscriptos oportuit; vt egregie sint toti mundo spectabiles; fabulosi nempe, & mera potius ipsimet fabula. Sic enim

E de

Lect.  
Antiq.  
lib. 3.  
cap. 28.

Li. 6. de  
 Civit.  
 Dei,  
 cap. 10. de similibus, D. Augustinus: Sunt, quæ Iuno- I  
 ni ac Mineruæ capillos disponant longè à tem-  
 plo, non tantum à simulacro, stantes: digitos  
 mouent, ornantium modo. Sunt, quæ specu- K  
 lum teneant: sunt, quæ ad vadimonia deos  
 suos aduoçent. Quemadmodum & Apuleius  
 de pompâ Isidis, inquit: Mulieres candido  
 splendentes amicimine, verno florentes coro-  
 namine; quæ de gremio per viam, quâ facri  
 incedebant comitatus, solum sternebant flo-  
 sculis. Aliæ quæ nitentibus speculis, pone ter- L  
 gum reuersis venienti deæ obuium common-  
 strent obsequium. Hisce inquam pompis &  
 choris immixti isti curiosuli, & vndique corraiis  
 inhiantes honoribus, fortè esset, in quo etiam  
 ipsi dæmoniis illis idoneum offerrent obse-  
 quiū. Sed, faceſſant hæ fabulæ, cum in-  
 ſensatorum hominum moliminibus, qui ſe  
 prope modū deos existimant, ſi cuiusquam  
 mortalis gratiam, quam aucupantur, obti-  
 nuerint.

### A N I M A.

Vtinam omnes potius gratiam in oculis Do-  
 mini inuenire ſtudeamus, quæ verè nos humi-  
 les, pios, sanctos, iustos, atque proptereà ipsi  
 gratos ac beatos efficiat. Tunc enim ex animo  
 ipsi omnium conditori ac Domino nostro di-  
 cere poſſimus: Ad te leuaui oculos meos, qui  
 habitas in cælis. Ut à longè speculari locum  
 ſolent peregrini, aut reduces exules, ad quem  
 ſummo defiderio optant pertingere. Salutant à  
 longè, iam illic eſt animus, & tenere videntur,  
 quod eminus contemplantur. Et hoc ipsum  
 eſt

est veri nominis contemplari; cælum adspicere. Nam cæli conuexum, quo vndique spectabile est, totumque cælum ipsum, primò templum est nuncupatum: vnde & loca illa, quæ in modum cæli concamerata, ab omni parte conspici possunt, antiqui templo nominarunt; vnde & venit contemplari, talia loca circumspicere, non mutato vestigio. In cælum igitur oculos *psalm.*  
 leuantes contemplemur, vnde veniat auxilium <sup>120.</sup>  
*6.122.* nobis. Domine, ad te sunt oculi nostri: & sicut oculi seruorum in manibus dominorum suorum; ita oculi nostri ad te Domine, donec miserearis nostri.

Si in oculis tuis inuenierimus gratiam: parum est, etiamsi gratiam apud homines non inueniamus, nisi quantum cum tuâ gratiâ consistit. Ceterum, cum viro secundum cor tuum constanter dicimus: Corripet me iniustus in misericordiâ, & increpabit me: oleum autem *psalm.* <sup>140.</sup> peccatoris non impinguet caput meum.



# VI. SPECVLVM PROPRIÆ VILITATIS.



Huc ades: et quid sis, quid eris, fueris, tuere.  
Huic SPECVLO titulus Γνῶθι σεαυτὸν erit.

- |   |  |
|---|--|
| A. SPECVLUM propriæ vilitatis.  | F. Cerimonia diei cinerum.                                 |
| B. Intenta mortis meditatio.  | G. Deus Adæ: Puluis es, et in puluerem reverteris.         |
| CC. Mors, una ex parte speculum,<br>mortis ostendens, ex altera<br>necem intendens. | H. Deus Moysi: Mitte manum<br>tuam, in sinum tuum.         |
| D. Vermium serpentiumq; hereditas.  | I. Trabis et festucae, in oculis<br>præpostera speculatio. |
| E. Vilitas vilitatum, vas miseriārum.   |  |

# VI. SPECVLVM PROPRIÆ VILITATIS.

DESIDERIVS.



BINAM es, anima mea, foror mea, sponsa? Num speculorum hucusque tam suspectorum, fallacium, & periculosorum adspectu deterrita aufugisti? vel tædio affecta despondens que animum, latebras, doloris amicas, quæris? Redi paulisper ad te, redi ad me, & ad speculationem fine bono conceptam ambo redeamus. Ecce, ecce: terrena iam specula pertransiuiimus; ex quibus, tametsi boni multum rectè prudenterque vtentibus queat produci ( quemadmodum nos vtilitatem non contemnendam, primariæ nostræ intentioni ac speculationi seruientem, ex eorum contemplatione percepturos confido) tamen ut plurimum plus mali quam boni exinde consequitur. Iam verò, ad saniora, vicinioraque saluti, atque scopo nostro magis accommoda specula, fit nobis ingressus. Deinceps inoffenso mentis obtutu per subsequitur licebit decurrere, ac omni metu seposito spatiari. Quocircà, animæquior esto: reuertere, ut in istis faciem tuam contemplemur.

ANIMA.

Quenam est hæc vox tua, dilecte mi; tam nouæ & securæ consolationis affertrix & nuntia? Spesne est ergo, tandem specula tutiora nanciscendi, quorum ope & operâ, ad speculandam hic Dei nostri bonitatem, & in futuro

E 3

olim

olim sæculo maiestatem, adiuuemur? Certe, molestum est admodum, triste, ac tardiosum, ita hinc caligare, versari in tenebris; lumen sperare, ad lucem adspirare, se stari claritatem, & morari in densæ noctis caligine. Si que me lamentantem, querulam, & eulantenem interrogaue rit aliquis; vel ipse quoque, quem quæro, Deus meus, & Dominus meus, sponsus & IESVS meus; quid mihi velim ut faciat: quid aliud responsi, si sapio, dare potero; vel à me queat expectari; quām illud vnicum necessarium:

*Marc.* Domine, ut videam? Videam, agnoscam, sentiam, infirmitates meas, defectus meos, miseras meas: videam quoque, quām bonus & suavis es, Domine, quamque longanimis & misericors: quin, lumen quoque gratiæ, visitationis, illustrationis tuæ, & quidquid ad aliquando videndum te, sicuties, queat conducere; videam hoc totum, accipiam, teneam, utar, fruar, nec dimittam, donec omnis consummationis teneam finem: & certus sum, quod benè mihi hoc pacto futurum est. Quapropter, ô frater, si speculum huic speculationi conueniens nocti sumus, ut fiat cor nostrum immaculatum, & in lumine videamus lumen: est quod gaudeam, quod Deo gratias agam; eiusque munificentia sedulò utamur.

## DESIDERIVS.

Tale nunc nobis (ô anima mea) inuentum est speculum: quo si recte usi fuerimus, ad sequentia adhuc præstantiora commodam nobis aperuerimus ianuam. Attende, obsecro, ad verba Sancti cuiusdam mirabiliter illustrati, quibus nos

nos in viam optatæ speculationis dedit: sed attende inquam, quia attentione est opus, & posteà liberiore lumen exspatiatione ut licet. Sic igitur inquit: *Duplex assignatur homi-* D. Tho.  
*nis felicitas: una speculativa, quæ est operatio ex Aquin.*  
*virtute perfectâ contemplativaque, quam sa-*  
*pientiam dicimus: altera verò practica, quæ ho-*  
*minis est perfectio ex virtute actiua; quæ est*  
*prudentia. In intellectu, speculativam considerare vim possumus; cuius est finis, virtutis cognitio: & practicam, cuius est finis, operatio. Hacten-*  
*nus ille Doctor verè angelicus. Vnde colligi-*  
*mus, præter alia, si felices hinc esse & posteà beati*  
*desideramus, speculativa dādam in primis esse*  
*operam; quā ad virtutis cognitionē veniamus,*  
*eamque tum posteà per debitam operationem*  
**A** practicemus. Ad hoc autem maximo nobis  
auxilio futurum præsens s p e c v l v m , quod  
P R O P R I A E V I L I T A T I S agnoscendæ nun-  
cupatur. In quo, veluti in proprio fonte vel pu-  
teo (ut vulgo dicitur) nosipso discamus agno-  
scere: & non quid nobis vel hominibus mundi  
de nobis videatur, sed quid de nobis sit in ipsâ  
rei veritate, cognoscamus.

## A N I M A .

**B** Explica precor, imò & applica nobis ho<sup>c</sup>  
s p e c v l v m , mi frater: nam, quantum capio,  
vera ac sincera sui ipsius cognitio, est certissima  
ac securissima ratio & via pertingendi ad cog-  
nitionem Dei; in quo sunt omnes thesauri sa-  
pientiae, scientiae, & virtutum absconditi. De <sup>Coloss.</sup> 2.  
quā notitiā non est dignatus ipsemet Domi-  
nus sublimē hoc nobis reuelare mysterium, vt

Ioan.

17.

Patri suo cælesti diceret: Hæc est vita æterna: vt cognoscant te, solum Deum verum; & quem misisti, Iesum Christum.

## DESIDERIVS.

In primis, quemadmodum fastus elatio, & tumor superbiæ, ad sublimè semper de nobis sentiendum instigant: ita eadem operâ impediunt quo minus, vt pat est, de nobis ipsi inducemus; quod non nisi per sinceram humilitatis bilancem decernitur. Nam, sicut genarum inflatio oculos connuentes intercludit, & distinet videre non patitur: ita mentis tumor internum prohibet visum; præsertim, quo de nobis nostrisque actionibus & rebus discernamus. Quapropter, amicum saluti hoc Speculum amplectamur, recteque utamur: quò candidè cognoscamus, quid in rei veritate, & coram Deo, de nobis sentire debeamus. Rem omnem, vt est, non vt nobis interdum videtur, vel alij de nobis iudicant & loquuntur, sed vt verè se habet, diudicemus, ac certò teneamus. Qui tantus quisque est, & tanti, quantus quantique est apud Deum, & non amplius, vt inquit humilis Franciscus. Dei namque oculus falli non potest aut hallucinari.

Vt autem veram hanc nostræ conditio-C  
nis effigiem in hoc speculo, sine falsi for-  
midine, contemplemur: eamdem non tam  
sub humilitatis, quam sub vilitatis titulo con-  
sideremus. Nam verè, frustrà se humilem  
esse confidit, qui non se vilem existimat. Id  
igitur primùm in genere circa hominis mor-  
talis substantiam & naturam expendamus; &  
tum

tum ad nostram ipsorum in particulari vilitatem scrutandam & agnoscendam veniamus. De miseriâ ac vilitate hominis , in communi, præter tot tamque varios atque egregios libellos super hac re ex professo à piis & doctis viris conscriptos, quid breuius, clarius, efficaciusque proferri possit , quam quod beatus Iob paucis perstringit, dum ait: Homo natus de muliere, <sup>Iob 14.</sup> breui viuens tempore, repletur multis miseriis . Qui quasi flos egreditur, & conteritur ; & fugit velut umbra, & numquam in eodem statu permanet.

Scimus, nec imus inficias: tantam esse dignitatem ac maiestatem humanæ structuræ , si conditoris summiq[ue] eius architecti ac plasmatoris Dei bonitatem, sapientiam, ac potentiam attendas, ut omnis simul omnium sapientum industria , ne quidem minimam eius partem valeat intellectu assequi, nedum eloquio explicare . Sed nos h[ic] modo de miseriâ ac vilitate eiusdem differimus ; quæ non minus omnem captum humanum atque vim eloquendi excedit . Adeò, ut quilibet in semetipso habeat, & quo iuxta conditionis nobilitatem artifici Deo assiduas agat gratias ; & quo iuxta miseria rum agnitionem , se infra omnes creaturas humiliet : certâ videlicet quadam ratione, vilissima quæque sibi præferenda considerans. Quæ omnia , ut succinètè , quasi in seriem digesta, oculis potius quam linguâ percurramus , & quodammodo in præsenti VILITATIS NOSTRÆ SPECULO contemplemusr: animum quæso ad subnectenda aduertamus.

Prima sic in hoc decursu vilitas materiæ concepti

cepti iam hominis; quam, præ verecundiâ, cogitasse sit satis, vt parcamus auribus. Vilitas nutrimenti viuentis iam fœtus proximè succedit: nutrimenti dico, non quo per os, sed per vmbilicum, vt habet natura, in matris vtero vitam trahit & sustentatur. Quod alimentum, vel cogitatum tantummodò, horrorem adfert intelligenti, præ sui abominatione. Nam, vt testis est Plinius, nihil facilè reperiatur mulierum profluvio (quod tamen in iam concepti fœtus alimentum conuertitur) magis monstrificum. Hoc enim exuruntur hortorum germina, SPECVLORVM fulgor adspectu ipso (mulieris videlicet, cui menstrua eunt) hebetatur; acies ferri perstringitur, eborisque nitor; aluei apum emoriuntur, in rabiem aguntur canes; imò & homines, si eius vel minimam guttam in cibo potuē acceperint: qualem ego, tali maleficio factum phreneticum, noui; qui tormentum hoc, aliquando molestius mihi afferebat torturâ iudicariâ, quam tamen ab hereticis fuerat passus; aliquando verò tam erat insensibilis, qui nec verbera nec vulnera inficta persenticeret: & hoc ipsum, fœtui adhuc gestato est nutrimentum.

Subsequatur nunc vilitas impotentiæ natu-  
iam pueri, vt vilissimam partus constitutio-  
nem omittamus. Impotentiâ illâ corporali,  
notâ omnibus; vide an non multò sit vilior  
impotentia, ignorantia, ac miseria spiritalis.  
Succedat miseriæ adnatæ vilitas, ac neces-  
sariò ferendæ per omnia: vilitas animi de-  
generantis ad malum: vilitas ex morborum  
varietate, fœditate, naturæque subiectione:  
vili-

D vilitas ex mortis horribilitate , ac serpentium vermiumque hereditate : vilitas reprobationis , in quos cadit : vilitas peccati mortalis , damnationis, loci infernal , sociorum , & tormentorum , in quæ omnes nati sumus venire , si post baptismum in statu mortiferi peccati decedimus.

E Quid plura ? Summa ; vt vanitas vanitatum , ita vilitas vilitatum in homine consideranda est . Adeò vt verum omnium miseriarum mancipium , & mundi ludibrium , ac peripscma dici meritò possit . Ista ecce omnia in SPECULO isto contemplamur . Ita vt non solùm vilibus vniuersis homo comparari , verum etiam illa ipsa dici possit : homo bulla , spuma , vapor , aura , nubes , fumus , fimus , fæx , fungus , cespes , gleba , stipula , flos deciduus , fœnum , floccus , stilla , ventus , sibilus , vmbra , phantasma , sonus , somnus , punctum , pluma , alga , villus , hilum , vappa , nautea , putredo , nauci , scoria , siliquæ , poedor , situs , mucor , quisquiliæ , puluis , cinis , cœnum , abortuum , excrementum : quo nouissimo titulo fororem sanctus Bernardus compellabat , cùm stercus ferico inuolutum nominabat . Ecce igitur insignem nostram nobilitatem , suis insignibus in hoc speculo quasi in tabulâ figurata . I nunc & gloriare , homo .

### ANIMA.

O miserandam miserorum mortalium miseriā , miserias suas nō agnoscentium ! Interim ita quotidie expendendis admirandisque , quæ nostræ sunt excellentiæ , distinemur ; vt vix momentum temporis suppetat , viliora conditionis nostræ

nostræ inspectandi Spes tamen esset, si id ageremus, fore, ut cum pauone speculariam illam inanis cōplacentiæ caudam ac superbiæ cristas humiliati demitteremus, si sordidos atque abominabiles vilitatis nostræ pedes inspiceremus.

## DESIDERIVS.

Verùm enim uero, ô anima, ne, quod in aliis communique hominum genere, improbamus, id in nobis ignoremus, nos ipsos particularius ad vnguem exploremus. Nūmne verborum illorum recordaris, quæ sacerdos pronuntiat, quando in Cinerum die, Christianorum frontem in modum crucis cinere aspergit, dicens: *Memento homo, quia puluis es: & in puluerem reuertēris?*

## ANIMA.

Recordor: neque pium hoc obsequium vnumquam, quod sciam, omisi: nec parui faciendum existimo tam salutare Ecclesiæ institutum; & quidem in capite Ieiunij.

## DESIDERIVS.

Id rectè quidem, ô soror dilecta: sed fortasse non ita, vt par fuit, verborum illorum pondus & energiam tecum expendisti: sed in communitatùm, omnibus id hominibus (vt iam nunc fecimus) applicando: non autem ad temeripsam in particulari: quod nobis, in præsenti SPECVLO VILITATIS PROPRIÆ, est inuestigandum.

## ANIMA.

Fieri potest, quod dicas: nam, ab quolibet homine, humani nihil alienum existimandum est. Quocircà non erit abs re, si verborum illorum occasione propriam vilitatem hīc inter nos

nos discutiamus & agnoscamus : quia iuxta D. Bernardi sententiam , Humilitas est virtus, quâ, verissimâ sui cognitione , sibi ipsi quilibet vilescit. Addo ego; quod ita viles & contemptibilis sibi, verè aliis humilis fiat, sitque in veritate: dumque se ipse despicit , mundus illum tum suspicit . Nónne sic Christus ipse Zacchæum *Luc. 19,* suspexit, humilem factum in sycomoro sublimatum ? Vnde Bernardus : Non magnum est, esse humilem in abiectione : sed magna prorsus & rara virtus est, humilitas honorata. Et D. Hieronymus : Nihil est, quod nos ita & hominibus & Deo gratos facit, quam si vitæ merito magni, & humilitate infimi simus.

## D E S I D E R I V S.

Credo prorsus , ô anima , quandocumque verba illa cum cineris impositione nobis à sacerdote in faciem dicuntur , officij nostri esse, non aliter illa audire atque accipere,quam accipienda erant Adamo , cù ipsi à Deo dicebantur: & non aliter , quam si nobis, nō per aliquam cærimoniam , aut consuetudinem , sed inopinatò ab aliquo, in faciem dedecus aliquod aut infame improperium coram aliis impingeretur ; quod verè in nos actusque nostros reipsa caderet & quadraret . Sicut exempli gratia , si illud Bernardi , quasi ex professo alicui diceretur, qui in facto deprehensus , nimia superbiæ vel arrogantiæ meritò notaretur: Cogita, vnde veneris; & erubesce: ubi sis, & ingemisce: quò vadis, & contremisce. Sic enim Adæ Deus, quan- G do stimulante superbiâ , inobedienter in suum auctorem, suasu serpentis insurrexerat, adeoque diuinæ Bern. serm. de pri- mordiis &c.

diuinæ plusculum celsitudinis ambiebat; tum æquum putauit, vt, qui se supra se fastuosè leuauerat, & mente tumente, quasi deus quispiam futuus, sublimia nimium appetiuera, vilis memoriam originis humiliaretur. Sicuti flammæ sursum liberiùs ascendentí iniicitur frigida, vt cō reprimatur, vnde excruebat. Dixit **Gen. 3.** itaque ei Deus: Reuertēris in terram, de quā sumitus es: quia puluis es; & in puluerem reuertēris.

**Genes. 18.** Videris nunc tu, ô anima mea, atque ego tecum; an vniquam scriò sic verba ista, à sacerdote tibi prolata, in aures nostras insonuerint, vt innatam nostrā superbiam, nostriqué pluris æquo existimationē, hoc malleo retundi senserimus. An verè vel tunc, vel aliàs, huius humiliationis occasione & typo, hoc in nobis experti simus, quod haud dubiè in se sensit & expertus est Adam, quando hac humiliatio ipsi ob oculos posita fuit, & quasi depresso tumentis animi in faciem impacta. An item hoc vniquam per illam cærimoniam cinerum, ac verborum acrimoniam, in nobis senserimus, quod certo certius in se sensit Abraham, quando Deo in angelis ipsi apparente, dicebat: Quia semel cœpi, loquar ad Dominum meum: cùm sim **PVL-**  
**VIS ET CINIS.**

Et verè, quid sumus, ô soror charissima, quām puluis & cīnis? **PVLVIS**, terræ tritæ excrementum: & **CINIS**, rerum combustarum superfluum? Fascis lignorum, manipulus straminis, & fœni ligatura, similisque materia combustibilis, aliquid esse videtur, dum stat in suâ integritate; maximè si quispiam ornatus adhibeatur; quemadmo-

admodum olim Xerxes platanum insignem, iusso aliquot dies stare exercitu, armillis, torquis, catenisque aureis, pro animi sui voluptate adornari præcepit: atque ita est homo in ornatu suo. Sed in cinerem redactis vniuersis, nec forma, nec status, neque species vlla est reliqua. Itaque cinis cinerem arguit, nosque confundit, dum superbimus quamdiu supersumus.

Sic & amphora, dum integra est sibiique constat, aliquid sine dubio esse videtur: unde Poëta, ad cœpta alicuius momenti, non fortita tamen debitum ac dignum finem, alludens, sic canit:

---

*Amphora cœpit*
*Horat.*

*Institui, currente rotâ cur urceus exit?*

At dum illa, quantumuis ampullata, in minutæ partes confracta, immò contrita & redacta in pulueres, humiliata pedibus cōculcatur: nec prioris quidquam formę apparet, nec quippiam refert eius quod paulò antè esse videbatur.

Sed, quare non ista sic applicamus nobis; quandoquidem ipsis vocabulis utimur, quando rem requisitam volumus nominare. Nónne ita <sup>P.S. 50.</sup> cor contritum & humiliatum vocamus? nónne requisitum ad veram remissionem peccatorum necessariumque dolorem, contritionem proprio vocabulo nuncupamus? Omnino; sed quando verè ita de nobis existimamus? quando verè tales sumus? vel esse satagimus?

Sic etiam terra sumus: credimus, quia de terrâ creati: sed interim proteruimus, superbimus, attollimus, intumesçimus. Quare? quia terra viua, terra animata, terra mobilis sumus. Et quid tum postea? Nónne & terra illa, quam talpæ sensim

sensim emoliuntur & eriunt, mobilis est; & si vis, viua quodammodo atque animata; vita nimirum talpæ intus agentis atque eam mouentis? Et quid quæso nos aliud sumus, quam terra, spiritu intus agente, mobilis; terra tamen?

*Isa. 23.* Erubesc Sidon, ait Dominus Deus: & mare, atque abyssus miseriarum nostrarum. Nam si animi nostri miserandum ac vilem statum expendere non pigeat: nonne meritò nos confundit & humiles debet efficere, quod, quidquid bonum & honestum est, vix nobis queat inculcari; inculcatum non hæreat: quod verò peruersum ac vitiosum est, vix possit dedoceri? Mala, sponte nascuntur, & difficillime euelluntur: bona, diligenter inserta & culta, difficulter proueniunt, & momento citius euanescent ac marcescent.

Et quomodo non ex peccati obsecnitatris indignitate nobis ipsi vilescimus; cùm teste Hidoro, tam vilis & abominanda sit carnis spurcities, ac libidinis vitium, vt pro insitâ dæmonibus superbiâ, vix quisquam sit, qui homines ad illam velit tentare: neque facerent, nisi inuidia salutis humanæ illos ad id officij instigaret. O miseriam nostram!

Itaque, si sapimus, ô anima, vnica dilecta mea, satis insaniuimus, satis superque superbiuimus, satis nos supra nos extulimus. Tempus est, vt Moysis exemplo, dictum nobis arbitremur *Exo. 4.* à Domino: Mitte manum tuam in sinum H tuum. nihil autem addubitandum, quin illam instar niuis, vt ille, sed non tam immunes à culpâ quam ille, leprosam simus extracturi.

Intremus, ô anima, æqualibus passibus & con-

coniunctis animis , in castellum quod contra nos est: in conscientiam arcis instar , pro nostrâ <sup>Mat.</sup> quidem conseruatione, si obtemperamus , sed contra nos in medio nostri exstructam, si rebellamus: & certo certius , in eam ingressi , statim alligatam in biuio inueniemus asinam, animam inquam peccatricem. Introspiciamus quoque capsulam hanc corporis nostri, exteriùs quidem satis concinnam & ornatam , sed intus plenam <sup>Mat.</sup> ossibus mortuorum & pœdore peccatorum. <sup>23.</sup> Perfodiamus cum Ezechiele parietem <sup>Ezech.</sup> <sub>12.</sub> scientiæ in malis maceriatæ : & ibi videbimus abominanda nequitiaæ, atque omnium irrationalium animalium & brutorum effigies.

SPECULEMVR vultum nostrum in SPECULO hoc PROPRIÆ VILITATIS , & certò agnoscemus , quod Cicero olim acutè & disertè dicebat cuidam , sibi fortasse plus æquo placenti: Credo; postquam tibi SPECULVM allatum est, longè te à pulchris abesse sensisti. Neque tantum , ô anima, sic speculando contemplemur : sed in rei veritate & sentiamus, & sic nos geramus. Vilitas nostra semper ob oculos versetur : & verè eapropter efficiat humiles. Deinde , quod proximum est vilitatis ac humilitatis argumentum , numquam alios præ nobis contemnamus: sed, si cum D.Hieronymo ex trabe , quæ verè in oculis nostris est, de festucâ in aliorum oculis subuereri nos posse arbitramur ; saltem, ne ita umquam hallucinemur , vt ex festucâ trabem in aliis, & è contrâ in nobis ipsis ex trabe festucam effingamus. Sed iuxta Bernardum : Consideret seipsum homo, vt piè condescendat proximo.

VII. SPECVLVM PVRGATIVVM.



Vis. hominum diuūmque oculis speciosus haberi?  
Temet ad hoc SPECVLVM respice, come, laua.

- A. Dauid Deo: Asperges me Domine hyssopo, et mundabor.
- B. Aeneum labrum, è speculis mulierum, in tabernaculo.
- C. Specula lotioni aptata.
- D. Sacerdos et Leuita, se ad specula lauantes.

- E. F. Piarum mentium desiderium, vt emundentur, et illius trentur.
- G. Filia Sion, lauan's cor: Et Sacramenti poenitentiae præstantia.

## VII. SPECVLVM PVRGATIVVM.

DESIDERIVS.



Vî tibi arrisit, ô anima, fidele illud  
SPECVLVM, quod manus nostræ  
modò contrectarunt, & oculis no-  
stris subiectum fuit: in quo non  
solum miseriarum humanæ vitæ, ac demum  
mortis ipsius horribilis species vilisque conditio  
liquidò visa atque conspecta est; verum etiam  
propriæ vilitatis ideas penitus licuit intueri?

ANIMA.

Tam gratum illud acceptumque fuit, quam  
esse oportet, quod ad benè recteque viuen-  
dum, Deo placendum, atque ad eius beatum  
aliquando conspectum pertingendum, cum  
primis est necessarium. Nam, quemadmodum  
non nisi propriæ existimationis sublimitate an-  
geli de cælo delapsi sunt: ita non nisi propriæ  
vilitatis agnitione, homini in cælum patet  
ascensus. Rectè propterea Gregorius: Humi-  
liare, & apprehendisti. Alioqui nisi quis effi-  
ciatur sicut parvulus, non intrabit in regnum  
celorum: tantum abest, ut inter maiores ibidem  
computetur. Quocircà, placet hoc SPECVLVM,  
quod nos propriæ indignitatis, & tan-  
dem extremæ periodi, non finit esse imme-  
mores.

DESIDERIVS.

Et mihi placet, ô anima, hoc tuum placere &  
memorari; quâ de causâ tibi quoque congratu-

lor vehementer. Sed , sed inquam ; scis, quid nunc restet agendum ? Nónne mecum fateberis, quod res est : parum admodum aut verius nihil esse , fordes suas & maculas in speculo contemplari & non abstergere ; agnoscere culpam, & non emendare ; lapsus fateri, sed nolle resurgere ; aut velle quidem , sed non præstare ? Quid ergo iam serio nobis factō sit opus , ex animo restat perpendendum . Dicamus itaque ac faciamus , quod fortes olim illi Machabæi, dum commodo nobis typo & exemplo se inuicem ad opus incitabant & hortabantur . Sic

*Ma-*  
*chab. 4.* habet historia : Dixit autem Iudas , & frater eius : Ecce contriti sunt inimici nostri : ascendamus nunc , M V N D A R E S A N C T A & renouare . Et congregatus est omnis exercitus, & ascenderunt in montem Sion . Illuc & nos ascendimus pariter , ô anima , dum in speculo præcedenti , tamquam è speculâ ( quod Sion significat ) omnem nostram desolationem , ac miseram nostri status ( lapsus inquam ) conditionem sumus speculati . Et viderunt , inquit Scriptura , sanctificationem desertam , altare profanatum , & portas exustas , & in atriis virgulta nata , sicut in saltu , vel in montibus , & pastophoria diruta . Et sciderunt vestimenta sua , & planxerunt planctu magno , & imposuerunt cinerem super caput suum : & ceciderunt in faciem super terram , & exclamauerunt tubis signorum , & clamauerunt in cælum .

Hæc omnia nobis , ô anima , spirituali altiorique modo sunt facienda , præ consideratione vastitatis atque euersionis sanctuarij cordis nostri : & præ multiplici abominationum nostrorum

rum colluuie ; quâ omnis loci sacri religio, decor , & pulchritudo obducta & obscurata est: prout nobis præteritum proximè speculum ob oculos statuit . Restatque modò , vt diligenter id præstemus, quod ibidem de illis præclaris Machabæis sic legitur: Et M V N D A V E R V N T S A N C T A ; & tulerunt lapides contaminatio-  
nis in locum immundum . Et, quandoquidem non solùm cum Apostolo Paulo, tam fidæ spe-  
culationis auxilio , certò didicimus , & scimus,  
quòd non habitat in nobis , hoc est in carne  
nostrâ, bonum : veruimetiam quod cum Pro-  
phetâ Regio in speculo propriæ vilitatis agno-  
uimus , quòd non sit sanitas in carne nostrâ à  
facie iræ Domini : nec sit pax ossibus nostris , à  
facie peccatorum nostrorum; quodque putrue-  
runt & corruptæ sint cicatrices nostræ , à facie  
insipientiæ nostræ ; quòd lumbi nostri impleti  
sint illusionibus , & non sit sanitas in carne no-  
strâ : dicamus quoque cum eodem; Asperges  
*Rom. 7.*

*Ps. 37.**Ps. 50.*

A me Domine hyssopo , & mundabor : lauabis  
me, & super niuem dealbabor . Cor mundum  
crea in me Deus: & spiritum rectum innoua in  
visceribus meis . Ab occultis meis munda me  
*Ps. 18.*  
Domine: & ab alienis parce seruo tuo . Si mei nō  
fuerint dominati : tunc immaculatus ero , &  
emundabor à delicto maximo . Quid alioqui  
proderit mulieri , formæ studiosæ , maculas  
vultus sui in speculo considerasse ; nisi quoque  
quàm primùm illas vel spongiâ vel adhibitâ  
lymphâ diluerit ? Dicamus igitur , ô anima ,  
cum castâ illâ Susannâ : Afferte mihi oleum &  
smigmata, vt lauer . ac iuxta consilium Noëmi  
ad Ruth: Lauare, & vngere . Nam, si nos non ;  
*Dan. 13.*  
*Ruth.*

defuerimus nobis, in maculis nostris ablueris; non deerit Spiritus sanctus officio suo, ad nos oleo gratiae caelestis vngendos. Atque ita coniunctis muneribus, lauabimur & vngemur.

Sed, hoc vnicè cauendum est nobis, ô dilecta & vnicà mea: ne proprio sensu abundantes, Naamannum illum imitemur, qui in sui mundatione expetitâ, suo iudicio nimium stetit. Sed cæcâ quadam obedientiâ, atque proprij iudicij resignatione, captiuantelque intellectum, cæcum illum potius euangelicum ducem sequamur: Naaman etenim lepram toto diffusam corpore agnoscens, & munditiei remedium querens; inuentum, pænè suis manibus prius 4. Reg. excusfit, quām apprehendit. Cūm ei namque 5. dici iussisset Elisæus vt iret, lauaretque se septies in Iordanе, cum certâ promissione, quòd receptura esset caro eius sanitatem, mundareturque; iratus recessit, dicens: P V T A B A M, quòd egredetur ad me, & stans inuocaret nomen Domini Dei sui; & tangeret manu suâ locum lepræ, & curaret me. Numquid non meliores sunt Abana & Pharphar, fluuij Damasci, omnibus aquis Israël, vt lauer in eis, & munder? Et, quare quæso, ô Naaman, bellicosissime princeps, ac vir alioqui prudentissime, hæc omnia tecum tuо ita calculo supputasti? quare talem & talem certum modum tibi præscripsiisti, itaque fieri debere putasti? & quare non potius amputandum hunc omnis ferè erroris surculum, in temetipso amputasti? An forsitan ignorabas, tuum non esse, Prophetæ, adeoque ipsi Deo, Prophetarum & omnium Domino, in

in tui curatione leges præfigere ; sed omnibus modis ipsius legi obtemperare ?

Eapropter, ô mea columba, si verè à maculis nostris, iam satis perspectis, purgari satagimus; cæcum potius illum, vt dixi, sectemur exemplo suo præeuntem, intus priùs & melius quam foris illuminatum . Ille siquidem , cùm luto <sup>Ioan.9.</sup> facto ex sputo inunctus oculos , audisset à Domino; Wade , laua in natatoriâ Siloë , quod interpretatur Missus ; abiit , & lauit , & venit vi-dens : quam ipse quoque promptam obedientiam quodammodo succinctis suis verbis ex-pressit ; dum rogatus à populo , rem omnem professus est , dicens: Abij, laui, & vidi.

### A N I M A .

Opportunè me admones , ô dilecte mi con-tubernalis ; tametsi non planè immemorem. Sed, obsecro , perge modum ipsum describere atq; proferre in medium, quem in nostri mun-datione tutissimò obseruemus : ego interim, Deo iuuante, & aures præbebo sermoni; & ma-nus, auditis omnibus , adhibebo tecum operi quam expeditissimas ; vt est æquum.

### D E S I D E R I V S .

Quandoquidem prudentum consilio cele-bratum est ; Consulto priùs , tum facto opus esse : non malè huic nostro proposito seruiet Bæneum illud labrum, quod Moyses Dei iussu in <sup>Exo. 3:8</sup> tabernaculi vsum fieri curauit de s p e c v l i s mulierum , quæ excubabant in ostio taberna-culi . Nam in illo & specula habemus maculis detegendis, & aquam detergendas. Si (quod ali-

qui putant) labrum ipsum fusile ex æreis mulierum speculis conflatum fuit ( nam olim ex ferro , quod

— dum transit in usus

*Aſſiduos, ſplendore micat, vultuque nitenti  
Audet ad argenti decus adſpirare ſuperbum,  
& ex albo plumbo, hoc eſt ſtanno, ære, & mixtis  
ex hiſce materiis, ſpecula fuiffe facta, eſt in con-  
fesso ) ſpeculorum ſaltem materia, ſpeculandi  
memoria in repræſentat: quemadmodum thu-  
ribula ænea illegitimorum ſacerdotum igni  
consumtorum Dei iuſſu in laminae producta  
& affixa altari, pro ſigno & monimento filiis  
Iſraël ſeruiebant , ne quis amplius alienige-  
na auderet accedere ad offerendum incenſum  
Domino . Sin verò ( vt alij volunt ) etiam ipſa C  
ſpecula integra in circuitu labri detixa conſpi-  
cua fuerint , in quibus , vt putant , circumqua-  
que ſacerdotes & leuitæ ſe loturi & lauantes D  
inſpicerent , tumque aquâ ibidem præſente  
ſe mundarent : melius adhuc nobis exem-  
pli & typi loco , res illa ſic usurpata obſe-  
cundauerit.*

Accedamus igitur ; & conſiderantes diligenter conſcientiæ noſtræ faciem , imò totos nos à capite ad calcem ſpeculantes , videntes agnouſcentesque maculas noſtras , illas diuinæ miſericordiæ lymphâ mundemus . Tanta ſiquidem eſt viſ huius S P E C V L I ac ſpeculationis , vt dicat Bernardus ( quod antè meminimus : ) Ipuſum fontem ſuum ( id eſt , mentem de quâ ori-  
tur ) purificat C O N S I D E R A T I O . Fons qui-  
dem conſiderationis mens eſt ipſa : ſed niſi à fonte & capite fontium venam educat , arida  
pror-

prorsus & sterilis valdè futura est eiusmodi speculatio & consideratio, à tali mente profecta.

Quocircà , Domine Deus , aperi nobis thesaurum aquæ viuæ ; fontem patentem domui Dauid,in ablutionem peccatoris , & menstruatæ : fontem viuum, sedentem olim ad puteum aquarum morientium semperque sitientium; fontem salientem in vitam æternam. Ecce Domine , prostrati ad pedes tuos cum leproso clamamus ad te, fide magnâ , & ardenti charitate: Domine, si vis , potes nos mundare . Dixisse te Domine , per spiritum tuum in Salomone loquentem,meminimus aliquando : Per misericordiam & fidem P V R G A N T V R peccata. Fidem habemus , & credimus Domine , verumtamen adiuua incredulitatem nostram : tibi

Nu. 20  
Zach.  
13.

Iohann 4.

Pro. 15

E verò proprium est misereri: atque ita misericordia & fides in promtu sunt; quid ergo prohibeat nos mundari , & à peccatis repurgari? Si itaque vis, potes. Inclina voluntatem, ostende potentiam , & da sanitatem: sicque facturus es nobis secundùm magnam misericordiam tuam . Audiam quid loquaris in me,Domine. Dic, Volo; dic, Mundare:& confessim munda-  
F bor. Quid enim proderit diuinæ tuæ maiestati, si in sordibus permanserimus : & fortasse , qui sordidus est , sordescat adhuc? Non enim in talibus beneplacitum est tibi.

## A N I M A .

Recordare Domine,quomodo Nabuchodonosor rex Babyloniæ , de filiis Israël sibi pueros eligi iussérunt, in quibus nulla esset macula; decoros formâ , & eruditos omni sapientiâ , cautos

Dab. 1.

F 5 scien-

scientiâ, & doctos disciplinâ: & qui possent stare  
in palatio Regis. Et factum est ita. Ecce, Domi-  
ne, in conspectu tuo stamus, & cupimus placere  
tibi, ac tandem in regali tuo palatio vultui tuo  
superbenedicto assistere: sed cum cæli non sint  
*Job. 15.* mundi in conspectu tuo, & stellæ non sint  
*25. 6.* mundæ coram te, & luna quoque non splen-  
deat, & in angelis etiam repereris prauitatem:  
quomodo in tuo conspectu contaminatissimi  
pleniue macularum consistemus? Et quis po-  
test dicere; Mundum est cor meum, & purus  
sum à peccato? A longè itaque, & de profundis  
clamandum est nobis; quod sumus immundi,  
& sicut pannus menstruatæ iustitiae nostræ.  
*Quid consilij, Domine;* & quò vertemus nos?

*Isa. 1.* Audio, clamas nobis, per tuum Prophetam: G  
Lauamini, & mundi estote. Ac per alium: Laua  
*Ier. 4.* à malitiâ cor tuum, Ierusalem; vt salua fias. Sal-  
ua esse desidero, tu nosti, Domine, desidero  
salua esse. Sed ab immundo quid mundabitur?  
Quis potest facere mundum de immundo  
conceptum semine, nisi tu qui solus es? Ergo,  
qui salui esse desideramus, ad te nos conuerti-  
mus, ne pereamus.

### DESIDERIVS.

Non audis, ô anima, Dilectum loquentem  
in auribus nostris; sordiumque nostrarum mi-  
seritum, præsentissimum monstrantem purgan-  
dis remedium? Si cum leprosis clamauimus ad  
eum; audiamus quoque cum leprosis respon-  
sum: vna enim eademque vtrorumque est  
causa & ratio postulati. Dicimus igitur, & le-  
uantes cum illis vocem nostram clamamus à  
longè:

longè: I E S V præceptor, miserere nostri. Dicit <sup>Luc.17.</sup> autem I E S V s & illis & nobis: Ite, ostendite vos sacerdotibus. Et factum est, dum irent, mundati sunt. O factum benè! Domine, quis similis tibi, in cælo & in terrâ Nabuchodonosor ille, pueros sine maculâ quæri, & ex multis eligi mandabat; quia ipse immundos nō mundabat: tu verò non eligis mundos, sed mundos dum eligis facis: & de stercore erigens pauperem, in sublime regni solium collocas, vt sedeat cum principibus gloriæ tuæ. Ex peccatore facis iustum; & dum vis, dealbas æthiopem. Mittis ad sacerdotem mundandos à leprâ; & ipse euntes mundas in viâ. Nihil loqueris foris, & agis intus; tacet lingua, manus quiescit, & diuinus tuus nutus operatur mirabilia. Quis vñquam audiuuit talia? Eamus igitur, ô soror dilecta, ad sacerdotem, & ostendamus ei nosipso: conscientiæ nostræ maculas vniuersas eidem spe pleni detegamus, ac humiliter mundari postulemus. Noui siquidem Testamenti sacerdos, vt Christi vicarius ac minister, non solum testandi ac declarandi mundos, verum etiam emundandi potitur facultate.

## A N I M A.

Gratiæ tibi immortales, benignissime I E S V, quòd dederis talem potestatem hominibus, pro hominibus: vt, non obstante, quòd ipsi se quoque peccatores agnoscere debent ( qui enim dicit, se peccatum non habere, ipse se seducit, & veritas in eo non est) singulari tamen tuâ dispensatione & gratiâ, verè potestatem habent ligandi & soluendi, remittendi peccata & retinendi.

<sup>1. Ioan.</sup>  
<sup>1.</sup>

nendi. Adeò vt non priùs abs te soluantur in cælo, quām in terris fuerint absolute ipsorum arbitrio. Magnum re verā miraculum, & excellentis mysterij sacramentum; vt & inuisibilia & insolubilia alioqui animorum vincula, inuisibili prorsusque diuinâ facultate, à visibili homine dissoluantur: & cælestis curiæ absolutio à terrestri dependeat tribunali! Meritò eapropter hoc tam sublime beneficium, & suspicimus, & veneramur; magnaqué cum animi alacritate usurpamus.

Quin igitur, quotquot cum sorore Moysis Mariâ lepram in nobis agnoscere cogimur, ac multimodam nostrorum actuum vt membrorum nostrorum maculam <sup>1. Thes. 4.</sup> SPECVL I nostri spiritalis obsequio deprehendimus, illicò nos humiliamus, veniam postulamus, ad pedes sacerdotis accidimus; & cum alterâ Mariâ (Magdalénâ nimirum) quasi ad pedes capitis nostri, Iesu Christi, delictorum nostrorum multorum remissionem, multūm diligendo, obtinere festinamus? Sic enim speculando, fiet in nobis conscientia nostra, ex lebete phiala, ollæ nostræ rūbigo absumetur: atque ex vase contumeliæ, in vas translati gloriæ; ex ipsâ fauce tartari, redibimus ad vitæ ianuam. Hæc siquidem est, teste Apostolo, voluntas Dei: sanctificatio nostra.

### DESIDERIVS.

Purgatâ autem iam maculis animâ, caue ne ingrata reperiare: ne indignitatis offensâ deterris tibi contingat. Meminisse te, haud dubito, illius parœmiæ: Sus lota, in volutabro luti: parabo-

rabolæque illius Euangelicæ, quâ nos Saluator noster edocuit, quâm malè sibi prospiciat ille, qui ab immundo spiritu liberatus, domum quidem suam expurgat, scopisque pœnitentiæ mundat; sed vacuam relinquit, neque Spiritum sanctum inhabitatorem habere curat. Inuenit, *Mat.* 12 inquit Dominus, eam vâcantem, scopis mundatam, & ornatam; & intrantes cum ipso, quos septem nequiores se spiritus immundos assūserat, habitant illic: & fiunt nouissima hominis illius peiora prioribus. *Quid enim prodest lauisse;* si, quod lotû est, turpius iterû defœdetur?

Nónne prudenter, & nō sine loquendi ener-  
giâ, sponsa Cantici ex postulasse, vel saltem im-  
portunam obiectionem viriliter repudiasse per-  
hibetur, dicens: Laui pedes meos: quomodo  
igitur, quâ gratiâ, quâ fronte, quâ de causâ, at-  
que ad quid, iterum coinquinabo illos? Fierine  
potest ut tam insipiens sim? vt tam parum re-  
cogitem, quid honos meus, quid vtilitas, quid  
gratitudo, quid denique salutis necessitas, à me  
requirant? Illum, ô anima, potius leprosum, ex  
*Cant. 5*  
decem electum & gratû imitemur: qui, vt vedit,  
quòd mundatus esset, regressus est, cum magnâ  
voce magnificans Deū: & cecidit in faciem ante  
pedes eius, gratias agens. *Qui quantum ab ipso*  
Domino fuit laudatus, tametsi alienigena; tan-  
tum reliqui nouem, etiam tamen mundati, sed  
ingrati, reprobati fuerunt.

Verum, ô anima, Deo dilecta, licet mundo  
despecta; duo nobis adhuc, in rectâ istâ ad  
speculum propriæ vilitatis mundatione, sunt  
obseruanda, ne nesciamus. Primum est, vt dili-  
genter ad verba illa Domini nostri attédamus,  
quibus

*Io. xiii.* quibus Petro dicebat, nobisque dictum putare  
debemus: Qui lotus est, non indiget nisi ut pedes lauet, sed est mundus totus. Idque serio  
nobis considerandum admoneo; ne, dum nos lotos & planè mūdatos existimamus, pedes ad-  
huc restent lauandi, & ignoremus. Credo equi-  
dem, illum, qui mundus est totus, indigere ad-  
huc ut pedes lauet; hoc est, ut fonte baptismi  
mundatus, vel etiam salutari Sacramento Pœ-  
nitentiæ repurgatus, totusque mundus effectus,  
ab omnibus peccatorum maculis absolutus;  
hoc adhuc illi supersit, ut pedes, id est affectus  
atque animi motus & passiones, quibus quasi  
pedibus ad illicita ferretur, expurget: sic enim  
illi necesse est, (à quo similitudo desumpta per-  
hibetur) qui vel in balneo vel in flumine se to-  
tum lauit; dum enim nudus ex aquis egreditur  
pedibus, ad vestimenta sua reuersus, non habet  
quod lauet, nisi pedes, quos in illo egressu, tam-  
etsi tantùm aliquot passuum, potuit maculasse:  
quo, ut minima commaculatio, vel etiam præ-  
fens commaculationis periculum & suspicio,  
ita etiam leuissima ablutio vel purgatio signi-  
ficatur.

*Matt. 23.* Alterum erat, quod nobis cordi esse debere  
subindicabam: ut studiosè videlicet illud Do-  
mini documentum obseruemus, quod vehe-  
menti cum interminatione Phariseis inculca-  
bat, dum diceret: Væ vobis, Scribæ & Phari-  
sæi hypocritæ: quia mundatis quod deforis est  
calicis & paropsidis, intus autem pleni estis rapi-  
nâ & immunditiâ. Phariseæ cæce, munda prius  
quod intus est calicis & paropsidis; vt fiat id  
quod deforis est, mundum. Nam, quid prode-  
rit

rit nobis, ô anima mea, si deforis instar sepulchri dealbati, imò inaurati, resplenderimus; & intus simus pleni ossibus mortuorum, scatente vermibus conscientiâ?

## ANIMA.

Mihi prorsus animo sedent, ô mi frater fidissime, quæ modò recensuisti; & ita haud dubiè factò est opus. Verùm, insuper omnino necessarium arbitror, ut ministros huiusmodi expurgationis animorum, sacerdotes nimirum, magno in honore habeamus; ut ne per eorumdem contemptum, iustâ Dei vindictâ in maiorem mentium fœditatem incidamus.

Audiui siquidem simile aliquando corporaliter accidisse, quod nobis spiritualiter foret timendum. Dum nempe olim S. Jacobus Nisibensis, anachoreta, iuxta fontem transiret, vbi mulieres pannos lineos lauabant; easque ob impudentem lasciuumque in eum intuitum & risum increparet, nec tamen absisterent ioco; quod & fontem & illas cælesti vltione multatrit: adeò, ut & fons illicè exaresceret, & ipse rugosæ, deformes, & tetræ in vultibus apparerent. Cives quidem pro utilitate communi, fontis scaturiginem ab eodem Sancto impetrarunt; ipsæ vero, quæ humiliare se dignarentur, ita deformatæ manserunt. Quantò autem grauior foret animorum quam corporum deformatio! Itaque puritatem amemus, & omnimodis conseruemus: atque sanctificationis huius administratos reuercamur.

VIII. SPECVLVM CREATVRARVM.



Quot rerum species; SPECVLIS tot ,Conditor vnus  
Cernitur: vtendo gratus vt esse velis .

- A.B.C. Inuisibilium per visibilia  
contemplatio .  
D. Scala, ad arcana celi per  
creata rimandum .  
E. S. Bernardus inter arbores  
diuina contemplans .

- F. Iob, quasi per scalam, operum  
Dei consideratione quousque  
profecerit .  
G. Mulier fortis considerat agrum  
cales tem, quem comparet .  
H. Respicite libia agri, et volutes celi .

## VIII. SPECVLVM CREATVRARVM.

## DESIDERIVS.

**D**O M I N E, ecce nos iterum, querentes te, & cupientes videre faciem tuam; atque inuenire gratiam in oculis tuis. Scriptum est enim : Misericordia & <sup>s. 88.</sup> veritas præcedent faciem tuam. Misericordiam quidem speramus, sed veritatem & iustitiam timemus. Tu autem Domine, miserere nostri, secundum magnitudinem misericordiæ tuæ, ac secundum multitudinem miserationum tuarum ; & misericordia & veritas obuiabunt sibi, & iustitia & pax se mutuo osculabuntur. Tunc, & misericordias tuas in æternum cantabimus, & coram iustitiâ & veritate tuâ te prædem ac sponsorem flagitabimus ; quoniam teste toto mundo & angelis, S P O N S V S S A N - <sup>Exo. 4.</sup> G V I N V M tu nobis effectus es. Itaque in lumine vultus tui ambulabimus, spe pleni ; & in nomine tuo, quod est saluificum, exultabimus : & in tuâ iustitiâ, sequestrâ misericordiâ, exaltabuntur omnia bona D E S I D E R I A nostra : vt te aliquando fruamur in æternâ securitate.

## ANIMA.

Accedimus, Domine, ut nouo iterum modo, saltem quasi per transennam, sed tamen propriùs, tuam bonitatem, sapientiam potentiamque rimemur, atque in omnibus illustretur cor nostrum lumine tuæ gratiæ : tibi que adaptetur per puritatem ac simplicitatem, sine quibus nemo tibi umquam complacuit.

Sed, ô mi fide comes & frater, quidnam hoc  
G est?

Esther  
15.

est: Non sine causâ hucusque per omnia s p E-  
CVLA, velut illa Esther per omnia seriatim ostia,  
trementes ac pauidi , demissisque in terram  
luminibus, venimus, cum humilitate dilectum  
quærentes. Nam ecce , ecce inquam : videor  
mihi nūc cum éadem Regem videré, sed emi-  
nus tamen , residentem super solium regni sui,  
indutum vestibus regiis, auroqué fulgentem, &  
pretiosis lapidibus, plenum maiestate in adspe-  
ctu . Ah, sentio: in pallorem colore mutato , ac  
viribus destituta, sensim, mi dlecte germane,  
in terram collabor.

## DESIDERIVS.

Quid habes, ô anima mea? Confortare & esto  
robusta. Ipse est Dominus Deus tuus, qui crea-  
uit te, & pater tuus , qui elegit te : redemptor  
tuus , qui saluauit & possedit te. Quis est qui  
Rom. 8. condemnet? CHRISTVS IESVS, qui & mortuus  
est, & resurrexit, & interpellat pro nobis . Quid  
igitur times? An ipse minus dicet ac faciet tibi,  
in hac infirmitate tuâ, quâm Rex ille Assuerus  
Reginæ Esther? qui ,cùm ex semetipso ardenti-  
bus oculis furorem pectoris indicasset, conuerso  
per Dei iutum spiritu ipsius in mansuetudini-  
nam, festinus ac metuens exiliuit de folio ; &  
sustentans eam vlnis suis , donec rediret ad se,  
his verbis compellans blandiebatur : Q V I D  
H A B E S E S T H E R? Ego sum frater tuus : noli  
timere . Dominus autem noster , cuius natura  
bonitas; cui & proprium, misereri; non indiger,  
à quoquâm ad propitiationem eiusmodi erga  
tremétes se, permoueri: quemadmodû illi Regi  
irato necesse fuit, à Domino interius mitigari.  
P. 102 Itaque, benedic anima mea Domino: & noli  
obli-

obliuisci omnes retributiones eius . Qui propitiatur omnibus iniquitatibus tuis : qui sanat omnes infirmitates tuas . Qui redimit de interitu vitam tuam : qui coronat te in misericordia , & miserationibus . Qui replet in bonis D E S I D E R I V M tuum : renouabitur ut aquilæ iuuentu tua.

Iam siquidem contemplati sumus maculas nostras in S P E C V L O , & eiusdem obsequio , Domini gratiâ donante , detersimus : nunc verò ad alijs generis speculi considerationem venimus , cuius ope ac ministerio , mirabilia & magnalia Domini nostri ; atque adeò ipsummet Dominum in operibus eius contemplari licebit . Euge , ô anima !

## A N I M A .

O ! si oculi nostri rite perfecteque purgati forent , & cor nostrum cælesti lumine irradiatum , sensusq[ue] nostri instar crystalli pellucidi , & recti ut oculi columbarum ! Maior mihi assurget animum , ad vltiora procedendi , sperandique potiora , in incœptâ nostrâ D E S I D E R A B I L I V M speculatione . Nunc verò , quæ conuentio luci ad tenebras ? Tenebrosa est namque omnis aqua in nubibus aëris , præ fulgore in conspectu eius , qui lux est incomprehensibilis & indeficiens . Inuenerimus , viderimus , agnouerimus , & vt cumque etiam diluerimus , præteriorum specularum cōsilio & auxilio , maculas , rugas , næuos , defeñus , deformitatesq[ue] nostras : quid hoc totum inter tot & tantos , ad approximandum luci æternæ ; atque illi , in quo tenebræ non sunt ullæ : imò cuius tenebræ sicut lumen eius ? Numquid cognoscuntur in tantis

Pf. 17.

tenebris nostris mirabilia' eius, nosque per illa il-  
luminabimur? hæc me difficultas sollicita tenet.

## DESIDERIUS.

*Marc.* 10. Animæquior esto, ô anima, delicate filia Sion! Ecce enim vocat nos. Per quem, inquiris? Per fidelem prophetam Dauid, virum secundum cor suum. Non audis eum, præconis instar, nos  
*Ps. 33.* aduocantem? Accedite, & illuminamini: & facies vestre non confundentur. Non patiemur repulsam, tametsi millies pro meriti simus: quia ipse Dominus est nobiscum, & amat nos. Neque despiciet orationem pauperum, neque oculos ad ipsum anhelantium exspectare faciet.

Ecce, ô dilecta! serenior aura cordi nostro cœpit affulgere: oculi mentis hilarescunt: præsentia diuini numinis, quasi per cæli patescentis rimam patefieri nobis incipit; & secretus Dei thesaurus, desiderantibus bonum, aperiri.  
*Ps. 103.* Eia, benedic, iterum dico, anima mea Domino, & dicio tecum: Domine Deus meus: magnificatus es vehementer. Confessionem & decorum induisti, amictus lumine, sicut vestimento. Quam magnificata sunt opera tua, Domine! Omnia in sapientia fecisti: impleta est terra possessione tuâ. Obsecro Domine, qui quando vis, facis in tenebris lumen splendescere; atque insuper, illuminas omnem hominem venientem ad te; illumina oculos tuos super nos, & de ineffabili tuâ claritate participemus: ut in speculo hoc creaturarum tuarum, operumque tuorum mirabilium, te summè mirabilem, optimum, sapientissimum, potentissimumque cognoscas.

noscamus, amemus, colamus, vt te tandem in æternum fruamur. Hic est enim huius contentionis scopus.

## ANIMA.

Noua lux mihi oriri visa est, ô dilecte sodalis, quæ peculiaris benevolentiae Dei erga nos argumento esse potest. Quapropter agedum, tu speculum præfens ob oculos pone, atque in eodem, quodcumque in creaturarum consideratione est singulare, designa: nosque coniunctis animis oculisque illa contemplemur.

## DESIDERIVS.

Faciam: nam hoc ordo progressusque speculorum requirit. In primis, hoc in communi proponendum est nobis, quod dicit Apostolus; Rom. 1  
**A** quodque naturam & artificium huius speculi  
**B** manifestat. Inuisibilia, inquit, ipsius, à creatura  
**C** mundi, per ea quæ facta sunt, intellecta conspi-  
ciuntur. Sanè, inquit ad hæc verba Bernardus,  
**D** hac scalâ ciues non indigent, sed exules. Et  
verè, quid opus est scalis, tenenti iam solium?  
Rectè id quidem, ô sancte Dei admirande! Sed  
quoniam nos exules sumus, vt non ignorabas:  
hinc scalam istam libenter & gratanter ample-  
ctimur, neque exiguum ipsius beneficium ar-  
bitramur. Si enim hæc visibilium considera-  
tio, scala est, ad inuisibilia videnda, quantûm-  
que licet intelligenda: felices profectò ex hac  
parte exules filij Euæ dicendi sumus; quod hac  
scalâ, durante hac peregrinatione atque exilio  
lacrymabili, vti liceat.

Hinc, tametsi verè, doctè, ac piè (vt omnia) ad  
Eugenium Papam, ô vir Dei, hæc in verba

scripsisti : Toties peregrinatur consideratio nostra, quoties ab illis rebus ( æternis , cælestibus , & diuinis ) ad ista deflectitur inferiora & visibilia ; siue intuenda ad notitiam , siue appetenda ad usum , siue pro officio disponenda vel actitanda : gaudemus tamen & gratias agimus benignissimo Domino , quod in nostrâ hac ab ipso & illis cælestibus peregrinatione , visibilium operâ , ad gustum & adspectum quemdam æternorum possimus pertingere . Idque felicitatis ( ô sancte & speculator mirifice ) te & intellectu & magnificisse abundè testatus es ; dum tuis illis præcedentibus dictis subiunxisti , ad eumdem Pontificem de Consideratione scribens , hanc sententiam , te verè dignissimam : Si tamen versatur in his ( exul videlicet , & à patriâ cælesti peregrinus ) ut per hæc visi bilia & creata , illa inuisibilia & æterna requirat ; haud procul exulat . Sic considerare , sic speculari , sic contemplari , repatriare est . Et addis , quod proposito nostro huic directè subseruit : Sublimior iste præsentium ac dignior usus rerum , cum iuxta sapientiam Pauli , Invisibilia Dei per ea quæ facta sunt , intellecta conspiciuntur . Nam , tametsi sublimior est illa cælestis visio , quâ videtur Verbum , & in Verbo facta per Verbum ; quod optimum est videndi genus , nullius indigens ad omne quod nosse lubuerit : tamen , quamdiu ab ipso absimus ; & ubi sumus vallis est , & vallis lacrymarum , in quâ sensualitas regnat , & consideratio exulat ; magnæ est felicitatis ac prærogatiuæ , ad tam optabilem speculacionem creaturis ut mediis vti . Et felix , secundum tempus , viator , qui ciuium beneficium , sine quo trans-

transire non potest, in obsequium conuertere potuit; vtens non fruens, vrgens non petens, exactor non supplex: qui, tametsi ut aduena indigenæ ope indiget, felix tamen ex eâ parte, qui hunc sibi gradum ad illa inuisibilia philosophando constituit.

## ANIMA.

E Sed, nónne ipse quoque diuus Bernardus, præcipuum in studio pietatis sacrarumque literarum progressum, inter meditandum & speculandum fecisse perhibetur? Vnde etiam arbores & caudices se pro codicibus ac præceptoribus habuisse (nisi fallor) ipsemet testatur: dum inter illas, & in aperto cælo, cælestia ac terrena considerans, & verba sacræ Scripturæ ruminans, per meditationem & speculationem, quasi per vber de cælo plenum, sensum genuinum veramque pietatem, ut latentem succum, exsuxit.

## DESIDERIVS.

Ita res habet: quod & aliis Sanctis accidisse F compertum est. Vnde quoque prophetam Iob, à Deo singulariter illustratum, tam claram Dei notitiam rerumque cælestium cognitionem habuisse arbitramur; nisi, quemadmodum ipse met testatur, ex consideratione operum Dei, quasi quorumdam vestigiorum, quibus ipse, Deo duce, insisteret? Sic enim ipse profitetur: *Vestigia eius secutus est pes meus: viam eius cu-*  
*stodiui, & non declinaui ex eâ. Infudit ei Deus*  
*interius lumen suum, & exterius ei proposuit*  
*signa visibilia, velut quædam vestigia sua, sen-*  
*10b 23.*

sibles videlicet creaturas : in quibus , iuxta D.Thomæ sententiam , sicut in quodam libro, Dei cognitio legeretur . Cui quoque philosophandi speculandiisque modo , ac per terrena cælestia contemplandi , illud quadrat, quod <sup>Rom. 2</sup> cit Apostolus : Gentes, quæ legem non habent, naturaliter ea quæ legis sunt faciunt.

Iuxta quod & diuus Augustinus egregiè differit: Furtum, Domine, punit lex tua, & lex scripta in cordibus hominum . Hisque concordat illud Sapiētis : A magnitudine enim speciei & creaturæ , cognoscibiliter poterit creator horum videri . Atque idèò , quando dicebat Apostolus, gentilibus inuisibilia Dei, per ea quæ facta sunt, intellecta cognosci ; satis & rem cognitam, & modum istius cognitionis innuebat, <sup>Rom. 1</sup> dum sic adiungeret : Quod notum est Dei, manifestum est illis . Sed vnde hoc ? Deus, inquit , illis manifestauit . Quo pacto ? Inuisibilia enim ipsius, à creaturâ mundi , per ea quæ facta sunt, intellecta conspiciuntur : sempiterna quoque eius virtus, & diuinitas . Quid amplius ? Nihil : quia verè nihil amplius in re ipsâ , sed benè in modo videndi & intelligendi, restabat.

Sed, querat aliquis quæ via naturalis & ordo, per visibilia ad inuisibilem cognitionem pertingendi ? Deus quidem illis largitus est, ut & nobis largitur : sed quænam est illa ratio speculandi, & per SPECVLVM CREATVRARVM CREATOREM videndi, hoc est , ad veram eius notitiam perueniendi. In primis, admirari, fecit philosophari ; atque admiranda Dei opera intueri , fecit causas eorum inuestigare,   
 iuxta

iuxta illud Poëtæ:

*Felix qui potuit rerum cognoscere causas.*

2. Geor.

Et, tametsi rerum multarum, motuumque, ac mutationum causas secundas, ingenij sui naturalis acumine inuestigando potuerint assequi; tamen, non sistendum sibi adhuc in illis rati, dum vltérius quærentes rimantur originem, ad primam omnium causam, qui Deus est ipse, peruenierunt. Quiq; omnia clementa, & sol, & luna, & stellæ, & quæcumque creata; potissimum stupenda illa atque admiranda, vt sunt cæli cum motibus suis, terræque mundique totius machina; uno quasi ore conclamant: Nos non fecimus nos; sed Deus est qui fecit nos. Adeò, vt eiusmodi consideratis, Deum esse perspexerint: licet numquam eò pertingere potuerint, vt intelligerent (quod homini omnino ignotum est in hac vitâ) quid sit Deus. Vnde, auctore Tullio, rogatus Simonides poëta à tyranno Hierone, quis aut qualis esset Deus; deliberandi causâ diem sibi postulauit. Illo elapso, biduum petiit: cumque saepius duplicaret numerum, rogauit Hiero, cur id faceret: Quia, inquit, quantò diutiùs considero, tantò mihi res fit obscurior.

Videntes itaque Philosophi, naturalium causarum scrutatores, res quidem admirandas, sed tamē defectui obnoxias atq; mutabiles; necessariū crediderunt, reducere eas ad aliquod principium immutabile & perfectum: vnde factum est, vt cognoscerent quidem, vt diximus, Deum esse; sed esse ipsius, assequi nequierunt. Dum itaque causam illam primam, excellentem, & super omnia creata eminentem, conspexe-

runt : ita omnia ista sensibilia excedere iudicarunt, ut nihil eorum, quæ sunt in creaturis, ei possit competere ; quemadmodum ex libro sancti Dionysij, de diuinis nominibus, dilucidè D. Thomas ostendit. Sicque eadem operâ ac viâ gentiles ad virtutis Dei, de quâ agit Apostolus, agnitionem deducti sunt : secundum quam virtutem res ab eo procedunt, sicut à suo principio quamque ipsi Philosophi perpetuam esse cognouerunt. Vnde etiam dicit idem Apostolus; Sempiterna quoque virtus eius, scilicet per creata, conspicitur.

Tertium verò, tali ipsorum per creature speculatione, in Deo per ipsos cognitum, teste eodem Apostolo, est ipsius diuinitas. Non, quod essentiam eius (ut antè iam diximus) homini in hac vitâ imperceptibilem, cognouerint : ideo non dicit, Deitatem eis fuisse per creature ruelatam, sed Diuinitatem. Quia cognouerunt Deum sicut ultimum finem, in quem omnia tendunt. Diuinum enim bonum, dicitur bonum commune, quod ab omnibus participatur. Propterea Apostolus potius dixit diuinitatem, quæ participationem significat, quam deitatem, quæ significat essentiam Dei ; prout disertis verbis D. Thomas distinguit.

Per C R E A T V R A S itaque, ô anima, creator nobis manifestatur. Vnde Sapiens ait, quod sap. 1; suprà meminimus, cognoscibiliter creatorem omnium, per magnitudinem, speciem, motum, naturamque creaturarum videri posse. Idque non sensu vel imaginatione, quæ corporalia non transscendunt, sed intellectu, nam Deus spiritus est.

In SPECVLO autem CREATVRARVM, per sensum ad intellectum progredimur: atque ita per visibilia inuisibilia speculamur. Ideò namque, præter humanæ necessitatis obsequium atque vsum, Deus tam multa condidit bona, tamque admiranda; vt ex illis in sui notitiam homines raperentur, cognitum amarent, amato adhærerent, eiusque coniunctione plenè & perfectè beati fierent. Quanta ecce rerum creatarum vtilitas!

### A N I M A.

Delectant hæc quidem, mi frater, supra modum mentem humanam: sed nimium interret illorum sapientum sententia, quam illos promeritos testatur Apostolus: quando ista subnexit: Quod, cùm cognouissent Deum, non sicut Deum glorificauerunt, aut gratias egerunt: sed, euanuerunt in cogitationibus suis, & obscuratum est insipiens cor eorum. Dicentes enim se sapientes esse, stulti facti sunt: ita vt sint inexcusabiles. Quem non percellat tam horrendum iudicium?

### D E S I D E R I V S.

Monet quidem nos istud, ô anima, & modo quodam etiam terret; vt nempe exemplo eorum edocti, caueamus altum sapere, nobisque confidere; sed, vt datis à Deo cognitionis & salutis mediis, tamquam eximiis donis, & gratifimus, & rite utamur. Verùm nihil est, quod illorum intuitu animum quisquam despondeat; vel nos hoc SPECVLO CREATVRARVM diligenter vti desinamus: cùm hunc infinitum

finem nobis à diuinâ bonitate , singulari quodam ac salutari beneficio , sit concessum.

Sequamur potius , ô soror amabilis , diuini Doctoris Augustini consilium , sic SPECVLVM istud exhibentis & explanantis : Creatorem videmus per creaturam , factorem per facturam , fabricatorem mundi per mundum . Vita enim sapiens , quæ fecit mundum , contemplato mundo intelligitur . Interroga mundum , ornatum cæli , fulgorem dispositionemque siderum , solem dies efficientem , lunam noctis solatium : interroga terram fructificantem , herbis , & lignis , & animalibus plenam , hominibus exornatam : interroga mare quantis natilibus plenum est : interroga aërem quantis volatilibus viget : interroga omnia ; & vide , si non specie suâ , tamquam voce , tibi respondent : Deus nos fecit . Hæc quidem illi Philosophi nobiles quæsierunt ; & ex arte artificem cognouerunt : sed ( ô cor sapientum insipiens ! ) ingrati illi ipsi qui eis præstítit ut viderent ; sibi voluerunt tribuere , quod videbant : & facti superbi , amiserunt & id quod videbant , & conuersi sunt inde ad idola & simulacra , & ad culturas dæmoniorum ; adorare CREATVRAM , & contemnere CREATOREM .

Nos autem non sic , ô anima mea , non sic .

*L. I. de Nat. Deor.* Sed præterquam quòd illi , teste quoque Cicero , ex operibus magnificis atque præclaris , cùm ipsum mundum , cùm eius membra , cælum , terras , maria , cumque eorum insignia , solem , lunam , stellasque vidissent ; cumque temporum maturitates , mutationes , vicissitudinesque cognouissent ; suspiciati sunt , aliquam esse excel-

excellentem præstantemque naturam, quæ hoc fecisset, moueret, regeret, gubernaret.

Nos, ô anima, insuper ipsius erga nos bonitatem, sapientiam, & potentiam admirremur, amemus, timeamus, atque intimo quodam affectus vinculo ei adhæreamus: ipsum vereamur offendere, ipsi placere studeamus, ipsius magis ac magis beneficiis locupletari; tandemque ipsummet sine vlo medio in æternâ illâ beatitudine contemplari.

## ANIMA.

Placet consilium, atque eapropter confessim  
**G** tali pacto, cum muliere illâ forti, agrum regni  
 cælestis in terris consideremus: &, quia pignus  
 æternæ est hereditatis, venditis omnibus, atque  
 adeò nobis meti ipsis, illum emamus.

Tali modo, per idem hoc SPECVLVM, consilio Domini nostri, cuius vultum requirimus,  
**H** consideremus lilia agri, & volucres cæli; & omnia quæ oculis hisce corporeis obiiciuntur. Dumque in illorum varietate, multitudine, artificio, paruitate, magnitudine, utilitate, efficaciam & pulchritudine, omnibus summè admirandis, hæremus; neque vel hoc intelligere valamus, quomodo idem terræ humor per hunc stipitem in amarum, per illum in dulcem succum commutetur: in floribus idem per eundem culmum, & folia herbae ipsius viridia, & florum folicula tam variis coloribus depingat: Factoris nos sapientiae gubernandos totaliter committamus: felicesque nos arbitremur, eique summè obligatos; quod, humiliter de nobis sentientes, à tam infinitâ sapientiâ gubernemur.

# IX. SPECVLVM S. SCRIPTVRÆ.



Quid fugias, quid ames, sacra cùm tibi pagina monstrat;  
De cælo lapsi quam SPECVLI instar habet!

A.B. SPECVLVM BIBLICVM.

C. Deus creans sôlem. FLAT LVX.

D. Moyses legem accipit. LEX LVX.

E. Solis et legis affinitas.

F. Ecclesiastes, et verbi diuinæ prece:

G.H.I. Ad poenitentiam, ac pia-

opera, vi verbi conuersi.

1.2.3.4.5. Verbi diuini virtus,

et in corda piorum

operatio. Fol. 124.

IX. S P E C V L V M S A C R A E  
S C R I P T V R A E.

D E S I D E R I V S.



V ï tibi nunc animo sedet, ô dilecta,  
S P E C V L I modò præteriti contempla-  
tio; cuius obsequio, per rerum cœ-  
rum considerationem, ad cœlestium  
& inuisibilium inspectionem magno gradu vi-  
cinores euasimus?

A N I M A.

Mirificè me illius adspectu atque vñsa sentio  
recreatam & corroboratam: adeò ut defectione  
illâ spiritus prorsus sedatâ; restauratam me ac  
pristinis imò integroribus viribus sentiam re-  
stitutam; atque ad cœlestia tali arte meditanda  
multùm adiutam. Nam, sic mecum cogito; Si  
diuo Thomæ Aquinati, regali mensæ accum-  
benti, & Reginæ pulchritudinem fixè contem-  
planti, in animū venit, secum expendere, quām  
pulchra debuerit esse, sitq[ue] modò in cœlis, Re- Ap[osto]l. 12  
gina cœlorum D E I P A R A V I R G O, mulier  
illa spectabilis, in cœlo pro magno signo ostensa,  
sole amicta, sub pedibus lunam habens, & in  
capite coronam stellarum duodecim: quare  
non etiam liceat nobis, quotidiano quasi diur-  
noq[ue] compendio, ex creaturarum adspectu,  
huiusmodi quæstum facere?

Nam, quandocumque, difficultate aliquâ  
occurrente, opus erit ambigentē minusq[ue] fi-  
denter animum erigere ac suffulcire: quare  
non

non nobis facillimum planeque obuium sit, ex creaturarum consideratione, vel ad Dei bonitatem in pusillanimitatis angustiis, vel ad eius sapientiam in defectu consilij, vel etiam ad eius potentiam in infirmitatis metu, recurrere; rebusque vel deploratissimis sumtum ex hac locuplete apothecâ remedium adhibere? nonne ita deficientis animi vires, aromatum, florum, herbarumve odore, vel gustu, restauramus? quid enim mortali cuiquam metuendum, ambigendum, desperandum; siue in temporalis vitae præsidiis, siue in salutis negotio, diffidendum aut anxiè formidandum; cum Dominus Deus, in cuius manu sunt omnia, & ipsius amicus sit, ut nihil ei velit, quam quod est bonum & salutare; & sapiens, qui optimè norit, quid illi expediat; & potens, qui quod factò opus iudicat, etiam possit? Hæc enim in omnibus propemodum creaturis oculos nobis quotidie statuuntur: in quorum naturâ, motu, varietate, virtute, ac gubernatione, tamquam in libris ac diario legimus.

### D E S I D E R I V S .

Gaudeo plurimum, ô mea soror, & te per ista corroboratam, & tam accurratè rem ipsam apprehendisse. Eapropter quoque Dominus Deus tam grauiter populo suo est interminatus, ob neglectam operū suorum animaduersionem.

*Ista s.* Sic enim ait per prophetam suum Isaiam: Citara, & lyra, & tympanum, & tibia, & vinum in coniuiciis vestris: & opus Domini non respicitis, nec opera manuum eius consideratis. Propterea captiuus ductus est populus meus: propterea

ptereà dilatauit infernus animam suam, & aper-  
ruit os suum absque ullo termino. Atque eius-  
modi est ferè communis mortalium fluxus: vt  
nihil aut minimum ad Dei mirabilia & magna-  
lia attendentes, sibi tantum suisque vel com-  
modis vel voluptatibus intendant: idque iuxta  
illud Job prophetæ, cum antedicto Prophetæ  
sermone ad amissim consentientis: Tenent.<sup>Job 21.</sup>  
tympanum, & citharam; & gaudēt ad sonitum  
organi. Ducunt in bonis dies suos: & in puncto  
ad inferna descendunt.

Nos autem, ô anima, benedicamus Domino;  
& speculum illud mirabilem Dei, per quod  
ipse nobis in suis creatis transparet, quamdiu  
quidem à reali ipsius visione peregrinamur,  
numquam ab oculis mentis nostræ corporeisve  
amoueamus. Verum, cum prophetâ Dei Moy-  
se, & cum Regio prophetâ, cumque tribus pue-  
ris in fornace, cantemus Domino, & omnia  
opera ad benedicendum ei prouocemus, &  
quasi classico dato concitemus. Quinimò, sin-  
gulari quodam mentis affectu, ad trium iam  
dictorum imitationem, per omnium creatu-  
rarum ordines discurramus; maioremque sem-  
per Domini factorisque omnium laudem ac  
gloriam, maioremque salutis nostræ profe-  
ctum, tum ipsarum auxilio atque exemplo,  
tum alia earumdem consideratione, elicere  
studeamus.

### ANIMA.

Meritò hauddubiè nos ipsos, & ad creatarum  
rerum speculationem, & ad gratiarum actio-  
nenem omnium conditori præstandam, prouo-  
cemos,

H

cemus,

Cant.

Moyse.

Pſ. 103.

Dan. 3.

cemus; & excitemus: nam opinor, non obscurè hominum tarditatem & temorem in tam salutari atque æquissimo laudis & gratitudinis munere, subnotari atque indicari (quod & Sancti quidam obseruarunt) per hoc nimirum, quod tres illi viri in fornace Babylonica, postquam ab angelis, cælis, sole, & lunâ, & stellis incipientes, omnia ita deinceps inferiora ad benedicendum Domino prouocarunt; non nisi postremo loco, ad homines excitandos in Dei laudem, deuenierint: argumento magnæ nostræ acediæ, in gratitudinis, & neglectus Dei ipsius, operumq; eius; atque adeò etiam (eheu) salutis propriæ: quamquam non me lateat alia ordinis ratio.

### D E S I D E R I V S .

Nihil aberras à scopo, mihi soror charissima, dum ex Cantici illius ordine & serie talem tamque piam tecum facis considerationem. Nam & hoc quidem vt cumque ad speculi præcedentis, de quo agebamus, naturam atque conditionem pertinet: ex omnibus videlicet, quæ sensibus hisce sunt obvia, boni quipiam elicere.

Nunc autem illustrius SPECVLVM obtutui nostro offertur; quod nempe diuinis S A C R A E S C R I P T V R A E codicibus eloquiisque continetur, planè admirandum. Ac, quemadmodum præcedentis instinctu, per cælum & sidera, per campos & prata, iisque contenta & connata, vagati sumus; artificem omnium in opere suo requirentes, inuenientes, contemplantes: ita modò longè sublimius nobilissque nacti speculum, per eius ductum, eximiæ magis, magisque diuinæ

diuinæ speculationis confortes reddemur. Ibi enim, præter omnia alia, quæ præcedētis speculi ministerio ob oculos constituta fuere, ipsi omnium factori vicinius appropinquantes; & illustrius illum intuebimur, & os ad os audiemus loquentem. Nam verbum Dei, quomodo non Deum ipsum, si aures accommodes, præsentem annuntiat? Itaque, bono animo esto, ô dilecta dilecti tui percupida: atque vide, ne ad illius eloquium contremiscas, sed humiliter ac lætabunda obaudi.

## ANIMA.

Dabo operam, mi dilecte frater, ut tuis obtemperem monitis; quia monita salutis esse percipio. Verum, priusquam speculum istud explicemus expandamusque; edissere quæso, quomodo duo TESTAMENTA, quibus sacram Scripturam constare didicimus, vnicum ambo efficiant, ut inquis, SPECVLVM. De veritate quidem rei nil ambigo; sed modum exploro.

## DESIDERIVS.

Dabo operam, vt petitioni tuæ fiat satis: atque paucis expediam, tu animum aduerte.

B Quemadmodum ambo Testamenta vnum Bibliorum volumen efficiunt; ita prorsus, ô anima, etiam speculum vnum esse, quid impedit? Si que ad artificialia specula, similitudinem hanc, cum morali etiam aliquo documento, referri desideras; ita accipe. Quemadmodum speculum omnium primum (quod Praxiteles, Plinio teste, magni Pópeij ætate primus fecisse

perhibetur) ex albo plumbo, ut vocant, stanno  
nimirum, constabat; & posteà ad argentea ven-  
tum est: ita prior sacræ Scripturæ pagina, veteris  
Testamenti & pondus & obscuritatem, instar  
plumbei speculi, referebat; altera verò, noui  
inquam Instrumenti pagina, & pretium &  
claritatem, instar argentei speculi, nobis re-  
præsentat: ut simul coniunctæ quasi vnum bi-  
narum tabularum efficiant speculum; quem  
admodum etiam duæ tabulæ Moysis vnam  
legem.

Sed nunc ad eiusdem SPECVLI SACRÆ SCRIP-  
TVRÆ explanationem veniamus. Diuus Gre-  
gorius, & huiusmodi nomenclaturam, & spe-  
culi huius usum, dilucidè nobis hoc modo  
confirmat, adornatque, & quasi ob oculos po-  
**Gre. 2.** SCRIPTVRA SACRA, inquit, mentis oculis  
**Moral.** quasi quoddam SPECVLVM opponit: ut inter-  
**cap. 1.** na nostra facies in ipsâ videatur. Ibi enim fœ-  
da, ibi pulchra nostra cognoscimus: ibi senti-  
mus, quantum proficimus; ibi, à profectu quām  
longè distamus.

Hunc in modum & diuus Augustinus librum  
suū quemdam, SPECVLVM nominauit: de quo  
Possidonus in ipsius Vitâ hanc in sententiam  
scribit: Qui prodeesse omnibus volens, & volen-  
tibus multa librorum legere, & non valentibus;  
ex utroque diuino Testamento, veteri & nouo,  
præmissâ præfatione, Præcepta diuina, seu Veti-  
ta, ad VITÆ REGVLAM pertinentia, excerpit;  
atque ex his vnuim codicem fecit: ut, qui vel-  
let, legeret; atque in eo, vel quām obediens  
Deo inobedientisque esset, agnosceret. Et hoc  
opus voluit SPECVLVM appellare; vt ipse-  
met

*Possid.  
in vita  
Aug.*

met Augustinus inquit: Hunc librum SPECVLVM appello. In quo, sub utriusque Testamenti compendio, duarum (ut suprà minimus) tabularum speculum vnicum efformauit.

Sed audiamus ipsummet istiusmodi speculi artificem, & auctorem illius libri, disertè loquētem. Ut, inquit, qui iam credens, Deo obedire *August* voluerit, hic se inspiciat, quantum in bonis moribus operibusque profecerit; & quantum sibi desit, attendat. Sic enim potest, & de his quæ habet, gratias agere; & de his quæ non habet, ut habeat satis agere: ac propter illa seruanda, curam precesque fidelis pietatis adhibere. Ita Doctor ille eximius Augustinus de suo illo libro speculari.

Quo fine S. Bernardus quoque breuem tractatulum, SPECVLVM MONACHORVM appellauit: cuius initio rationem eiusmodi tituli tradit: Si quis, inquit, emendatoris vitæ DESIDERIO tactus, cogitationum, locutionum, operumque suorum sollicitus EXPLORATOR, vniuersos excessus suos corrigere ntitur; in præsentis paginæ frequenti lectione, & assiduâ meditatione (tamquam in SPECVLO) interioris hominis sui faciem compleetur.

Eodem instinctu animi, vir quidam nostri temporis doctus & pius librum conscripsit, De *Longi-* vitâ & honestate Canonicorum, omniumque *crucis* Ecclesiasticorum, quem eâ de causâ quoque se SPECVLVM appellare fatetur: vt in illo clerici tamquam in speculo se contueri & contemplari possint; & videre, num vitam vocationi & ordini suo conuenientem atque conformen-

ducant: sin minùs, hinc discant, quid illis faciendum, quidve vitandum sit. His enim rebus, quæ tractantur in vitâ, modum quemdam adhibentes & ordinem, (vt Cicero inquit) HONESTATEM ET DECVS CONSERVABIMVS.

Hisce itaque atque aliis auctori bus, dum eiusmodi sua opera SPECVLI nomine nuncuparunt, fit ratio manifestior firmiorque, cur meritò maiorique iure, sacræ Scripturæ volumen salutaris Speculi titulo à nobis insigniatur.

**P 118.** Sed operæ pretium facturos nos arbitror, si primarias necessariasque boni speculi conditio-  
nes in præsenti BIBLICO SPECVLLO considera-  
uerimus: Nónne, ô anima mea, DESIDERABILIVM speculatrix effecta, purum in primis &  
immaculatum speculum esse debet? obscuras  
alioqui atque indistinctas imperfectasque ima-  
gines repræsentaret. Ita lex Domini immacu-  
lata, conuertens animas: testimonium Domini  
fidele. Sed nónne etiam limpidum lucidumque  
sit speculum, est necessarium? nihil enim  
alioqui vel admittet vel exhibebit. Sic quo-  
que Præceptum Domini lucidum, illuminans  
oculos.

Planum sit etiam speculum oportet, ac planè  
æquor: quale & mare ob eam causam vocatur:  
**Hexæc.** quia, vt inquit Ambrosius, cùm sit altitudo (hoc  
est profunditas) diuersa; indiscreta est tamen  
dorsi eius æqualitas: vnde & æquoris nomen  
obtinuit. Nónne sic de nostro hoc speculo  
Scripturarum testatur Psalmista? Omnia man-  
data tua **ÆQVITAS.** Item, **ÆQVITAS** testimonia  
tua in æternum.

Sed

Sed nónne & solidum esse debet speculum? Planè; alioqui transmitteret species, nullasque redderet inspectanti. Ita quoque speculum Scripturarum. & verbi diuini: teste ipsamet sacrâ Scripturâ: Cælum & terra transibunt: verbum autem Domini manet in æternum. Utque dicit Sapiens; Vas auri solidum, ornatum *Ecli.* omni lapide pretioso. Quo, velut clypeo, munitum Prophetam sic Dominus animauit: Omnis domus Israël attritâ fronte est, duro corde. Sed, ecce, dedi faciem tuam valentiorē faciebus eorum; & frontem tuam duriorem frontibus eorum. Ut adamantem & silicem dedi faciem tuam: ne timeas eos. Sic itaque sunt principales ac necessariæ speculi boni dotes in sacræ Scripturæ speculo eminenter.

## A N I M A.

Meritò re verâ, his ita se habentibus, cum Psalmistâ dicere possumus: Beati immaculati *Ps. 118.* in viâ, qui ambulant in **L E G E D O M I N I**. Beati, qui scrutantur **T E S T I M O N I A** eius: in toto corde exquirunt euin. Item: Beatus vir, qui in lege Domini meditatur die ac nocte: & in hoc diuinariū Scripturarum speculo sine intermissione contemplatur. In ipso namque, & cælū, & terra, & mare, & quæ in eis sunt; atque adeò per hæc omnia, inuisibilis quoque thesaurus habitaculi cælestis, clarè, tametsi non plenè & perfectè, resplendent. Nónne, mi frater, existimare debemus, nobis in hoc bipamenti **S C R I P T V R Æ** **S P E C V L O** longè præstantiora, pretiosiora, plura, maiora, rarioraque, speculanda exhiberi, quam Rex Ezechias Babylonii ostendit; quan-

do illis & domum aromatum, & aurum & argentum, & pigmenta varia, vnguenta quoque, & domum vasorum suorum, & omnia quæ habere poterat in thesauris suis, inspicienda exhibuit; & non fuit, quod non monstraret eis in domo suâ, & in omni potestate suâ: adeò, ut vel curiosissimè cuncta perscrutantibus patarent omnia.

## DESIDERIVS.

Omnino ut dicis, ô dilecta! Atque propter-  
ea præcipuas hîc aliquot huius speculi dignita-  
tes, si gratum tibi futurum est, intuebimur.

## ANIMA.

Gratissimum, nam ipsius amodò commen-  
datio vehementer me inflammauit. Sentio ni-  
mirum, istud nostræ intentioni compendiosif-  
simam fore rationem.

## DESIDERIVS.

In primis, (nota mysterium) quando verbo  
**Gen. i.** Domini cæli creati sunt, & spiritu oris eius om- C  
 nis virtus eorum: tunc excelsum istud atque  
 sublime speculum, ipsumque adeò oculum  
 mundi solem videlicet, tali Deus mandato for-  
 mavit: F I A T L V X . & quando vicissim in  
**Exo. 24** monte Sinai Moysi legem dedit; ignitum, D  
 lucidum, & planè coruscans hoc **SACRÆ**  
**SCRIPTVRÆ** **SPECVLVM**, quasi in suo  
 ortu fundauit: vt, tamquam de altero sole,  
 de hoc ipso locutus sit Sapiens, dicens: **M A N-** E  
**PROPS. 6** **D A T V M** lucerna est, & **LEX LVX**. Vnde rectè  
 Psal.

Psalmita , à quo Salomon filius eius didicerat, inquit: Lucerna pedibus meis, VERBVM TVVM , & lumen seimitis meis . Declaratio sermonum tuorum illuminat , & intellectum dat parvulus.

An verò , ô anima mea , & opulentiam præstantiamque speculi præsentis audire desideras? Audi. Bonum mihi LEX ORIS TVI , super millia auri & argenti . ideo dilexi MANDATA TVA , super aurum & topazion. At, dulcedinem fortassis & amoenitatem ipsius, non minori ardore nosse cupis : accipe . Quam dulcia faucibus meis ELOQVIA TVA ! super mel ori meo. Item: Iudicia tua iucunda: iudicia Domini vera; desiderabilia super aurum & lapidem pretiosum multum , & dulciora super mel & fauum. etenim seruus tuus custodite ea : in custodiendis illis retributio multa.

Sed, quanta existimas, ô soror dilecta, est speculi huius nostri potentia, quanta vis, retributio quanta suis speculatoribus? O altitudo sapietiae, & scientiae , & immensae virtutis Dei , speculi huius auctoris, & datoris! O admirabile supra captum humani intellectus SPECVLVM VERBI DEI ! quod ex seruis in ipso se ritè contemplantibus efficit liberos : ex peccatoribus iustos : ex filiis iræ atque gehennæ, filios Dei : si filios ; & heredes : heredes quidem Dei, coheredes autem Christi.

## ANIMA.

F O, quam nobis cauendum, mi germane compar, ne præ nostrâ negligentia, cum oscitantibus supinisque illis VERBI DIVINI lectoribus & au-

*Iac. i.* ditoribus connumeremur, quos Iacobus Apostolus cū obliuiosis SPECVLATORIBVS, non sine pudoris puncturā, redarguit; dum omnes sic admonet: Estote factores VERBI; & non auditores tantum, fallentes vosmetipsos. *Quis* siquidem vñquam ita desipiat, vt volens videntesque seipsum decipiatur? *Quia*, inquit, si quis auditor est verbi, & non factor, hic comparabitur viro consideranti vultum nativitatis suæ in speculo. Considerauit enim se, & abiit; & statim oblitus est, qualis fuerit. Ecce, & SPECULO hīc comparatur DEI VERBVM; & rectus eiusdem usus manifestè docetur, & neglectus improbatur.

Quām iustā de causâ autem hæc fiat comparatio, ex reipsâ atque usu liquet. Nam quemadmodum iustus & timoratus puraque mentis homo, in verbo Dei, tamquam in speculo, seipsum contemplans, conscientiæ suæ faciem cum illo conuenire considerat: ita peccator videt maculas animæ suæ, quas immaculatum ei speculum prodit, eumque redarguit. Sed quādo quis obiter tantum, ac perfunctoriè se in Dei verbo, vel audito, vel lecto, intuetur, atque abit; ab illo recedens, statim obliuiscitur corum quæ in hoc speculo notauerat esse emēdanda: atque ita non solùm immundus, & coram Deo deformis manens, seipsum fallit; verum etiam multò magis, quando vitâ functus, pro cælo infernum consequitur.

Ideoque non sine causâ idem Apostolus, speculi huius tam salutarem commendans usum, sic inquit: Qui autem perspexerit in lege perfectus, & libertatis, & permanferit in eâ, non auditor obli-

obliuiosus factus, sed factor operis : hic beatus in facto suo erit. Et quidem artificialis speculi usus, cum usu speculi legis diuinæ , commune hoc habet, quod sic inspici debet ac si perspiceretur; quasi penetrando, te ipsum ex aduerso conspicias, non autem tantummodo huius vel illius superficiem oculis radas. Neque istud ab oculis mentis umquam est amouendum; sed nobis est in eius contemplatione permanendum. Iuxta illud Psalmistæ : Da mihi intellectum; & scrutabor legem tuam, & custodiā illam in toto corde meo . Item : Beatus vir, qui non abiit: sed in lege Domini voluntas eius : & in lege eius meditatur die ac nocte. Hic verè beatus in facto suo erit: dicetque confidenter, cum excellentissimo diuini huius H speculi contemplatore : Tunc non confundar, cum perspexero in omnibus mandatis tuis. Si namque erravi, in hoc speculo vidi, & cogitavi vias meas: & conuerti pedes meos in testimonia tua . Si tristatus sum nimis, & spes mea aliquando vacillavit: memor fui iudiciorum tuorum à saeculo Domine, & consolatus sum: in hoc enim mihi spem dedisti: haecque me consolata est in humilitate meâ. Itaque verè, pax multa diligentibus LEGEM TVAM; & non est illis scandalum.

## DESIDERIVS.

Optime tu quidem haec omnia, soror mea: atque adeò diuinæ bonitati pro te gratias ago, quod ita de LEGE SVA docuerit te, ut mirabilem eius SPECVLATRIX, & tam fida scrutatrix euaseris. Itaque pergamus, coniunctisque studiis


studiis & obtutibus SPECVLVM præsens tam  
sanctum & efficax contemblemur. Nam verè  
Ps. 118 canebat Propheta Psalmographus: Mirabilia  
testimonia tua Domine ; ideo scrutata est ea  
anima mea. Scrutemur & nos , & exerceamur  
in mirabilibus eius ; & spero , faciem suam illu-  
minabit super seruos suos. Tunc autem confite-  
bimur ei in directione cordis : & tandem in iu-  
bilo eius delectabimur. Reuelata tu autem, ô Do-  
mine, oculos nostros : & considerabimus mira-  
bilia de LEGE TVA . Veni, veni, ô anima mea , &  
cor nostrum huic speculo præsentemus : nam  
multiplex ex eo virtus emanat. In primis, quan-  
doquidem cor nostrum sanari necesse est, non

Pro. 31 obliuiscatur LEGIS DOMINI : & mandata  
eius custodiat: ut sit sanitas vmbilico nostro , &  
irrigatio ossium nostrorum . Tum verò, quia  
mundari quoque debet; applicemus illud sacræ  
Scripturæ fluentis , & mundabitur. Scriptum  
Ps. 50 . est enim: Cor mundum crea in me Deus . &  
Ex. 36 alibi: Mundabimini ab omnibus inquinamen-  
tis vestris.

Sed, ô Domine, quid mundari iuuabit, si non  
postea etiam amoris tui igne inflammetur ? &  
hoc quidem ex speculo. Ignitum enim ELO-  
Ps. 38. QVIVM TVVM vchementer . Benè habet. Con-  
caluit cor meum intra me : & in meditatione  
meâ exardescit ignis. Rectè. Sed, eia, dū calet &  
candet cor, Domine , nōnne & cūdendum est?  
Ps. 50 . Rectū enim esse oportet. Ergo, tunde, tunde; &  
spiritum rectum innoua in visceribus meis: quia  
rectum iudicium tuum, & viæ tuæ rectæ , quia  
æquitas. Restat nunc Domine, ut cor rectum,  
ad te sursum eleuctur ; superatisque omnibus  
huius

huius mundi prauitatibus, cælestis gloriæ coro- 2. Tim.  
nâ donetur: quæ ei reposita est apud te. 4.

Obsecro, Domine IESV, qui æterna es Patris  
sapientia, Verbum, veritas, splendor, & figura  
substantiæ eius: da nobis gratiæ tuæ lumen, quo  
illustrati, SPECULVM HOC SACRÆ SCRIPTVRÆ  
affiduè & cum gustu meditando contem-  
plémur: ut, quemadmodum manna omnium  
desiderabilium gustum filiis Israel exhibebat;  
ita illæ mihi instar mannae spiritalis, piis cordis  
mei DESIDERIIS & necessitatibus faciant satis,  
tibiique constanter adglutinent. Sap. 16



X. SPE-

X. SPECVLVM EXEMPLARE.



Lucet, et inflamat, SPECVLVM exemplaris honesti;  
Virtutem alterius si cupis esse tuam.

- A. Speculum exemplare.
- B.C. Duo luminaria magna, Iesus et Maria; ut sol et luna.
- D.E. Exemplaria virtutum contemplantes.
- F. S. Franciscus dans pauperi tunicam, exemplo ouis.

- G. Sanctus Martinus simili exemplo Christum in nudo veste.
- H. Elephas ad sanguinis mori et tua conspectum inflammatur ad bellum.
- I.K. Estote prudentes sicut serpentes, et simplices sicut columbis.

## X. SPECVLVM EXEMPLARE.

DESIDERIVS.



R A T E s diuinæ tuæ clementiæ immortales agimus , benignissime Domine, quòd nobis nostroqué usui tam salutare SPECVLVM S. SCRIPTVRÆ , quod iamiam tractauimus , sis elargitus . Quis enim laudes eius enumeret & valorem ? Nam, <sup>Chrys.</sup>  
iuxta aurei illius oris sententiam , cùm inter <sup>super</sup>  
mille sæcularium sermonum talenta , vix centum denarios spiritualium possis inuenire verborum imò ne decem quidem obolos : in Scripturis sacris , ignorans inuenit quod discat : contumax , quod timeat : laborans , præmia : pusillanimis , mediocris iustitiae cibos ; qui , etsi pingue non faciunt animam , mori tamen non permittunt : qui autem magni animi est , inuenit ibi spirituales escas , quæ perducunt eum propè ad angelorum naturam : qui verò est vulneratus à diabolo , inuenit ibi cibos medicinales , & salutem per pœnitentiam . Et , quemadmodum sublimis ille speculi Biblici contemplator Hieronymus inquit ; Si , iuxta Apostolum Paulum , Christus Dei virtus est , & Dei sapientia : qui nescit Scripturas , nescit Dei virtutem , eiusque sapientiam . Ignorantia Scripturarum , ignorantia Christi est . Cumque tu Domine in illis voluntatem tuam & intima cogitationum tuarum arcana , totumque teipsum nobis , ut in speculo , demonstraris , quid proderit illi qui cetera cuncta perspecta habuerit , te autem solum ignorarit ?

Quo-

Quocircà, ô anima mea, sæpiùs illas legamus & relegamus , imò numquam de manibus nostris sacra lectio deponatur : vt assiduè in hoc speculo Dei voluntatem contempliemur ; nösque semper ad eam conformare studeamus . Donec ipse , qui aperit sensum ad illas intelligendas, & cor nostrum ardens facit in viâ, dum nobis sic aperit Scripturas ; aliquando rem ipsam nobis aperiat , ostendat & donet in patriâ, totoisque nos cælesti amore inflammet.

### A N I M A .

Ita tecum, mi frater , per omnia sentio , voloqué : siqué aliquando ad. contemplandum illum vultum nostri Salomonis (quod intendimus) peruenire est animus ; planè nobis, vt dixisti, factò est opus.

At, nónne dolendum summopere, diuinum hoc sacri voluminis speculum , tam impie ac sacrilegè à quibusdam pessimæ sortis hominibus, hæreticis inquam , commaculari ac depravari ? Quàm simile est istud ei, quod de artificialium speculorum corruptione quidam scribunt ? Putat siquidem Plinius , hominum dentibus quoddam inesse virus ; quo speculinatorem, ex aduerso nudati, hebetent . At ego quidem de liuore ac virulentiâ dentium hæreticorum plus damni S C R I P T V R Æ S A C R Æ S P E C V L O inferri existimo; idque esse certius . Hebescit maculaturque speculi nitor , mulieris inspectu, cui eant menses : repente namque velut sanguinis prætenditur nubecula . vtque aliqui arbitrantur , à lippitudine quoque oculorum : dum scilicet ex concavitate,

tibus, oculis vicinis, & effusione mixtis spiritibus contagiosis, noxiæ labes in speculi leuorem exuberant. Quidquid id est: Hæretici saltem, quantum in se est, SACRORVM BIBLIORVM illustre SPECVLVM, ex virulentia animi, oris, dentium liuidoruim, atque oculorum suorum, indignis modis inficiunt, sicque deprauatum obtrudunt simplicibus, ut sicut dumque, tam quoad fidem, quam quoad mores, distortas in eo species contemplantur: necesse est, nisi tempori sapient, sibiique caueant, in varios opinionum errores incidere; circa fidem naufragari, atque à morum rectitudine in vias prauas & inuia declinare.

## DESIDERIUS.

Rectè dicis, ô soror, & vnica dilecta mea: sed agendæ gratiæ Deo, quod in primo suo nitore & candore SPECVLVM hoc SACRAE SCRIPTVRÆ in Ecclesiâ Catholicâ possidemus. hoc itaque vt amur, vt diximus, & de manibus nostris non recedat; quia tamquam PANIS VITÆ est <sup>Ecclesi.</sup> 15. nobis.

Sed nunc, ad aliud, admirandum, excellens, & efficax SPECVLVM procedamus; quod ita præcedenti est consentaneum, vt quamplurimis etiam locis eidem insertum reperiatur. Est autem hoc EXEMPLARE: cuius adminiculo, virtutum vniuersarum factorumque insigniorum exempla nobis ob oculos statuuntur: quibus sacram Scripturam abundare qui nescit, Scripturam ipsam ignoret oportet. Et quidem non solum in eâ, quæ facienda sunt nobis, verum etiam quæ fugienda edocemur.

## ANIMA.

Dubium non est, quin excellens & efficax sit hoc SPECVLVM EXEMPLORVM, vt cœpisti differere: sed priusquam illud expandamus, dic obsecro: Quænam tibi videtur esse ratio, cur res visibilis in tantâ profunditate speculi artifcialis apparet, quanta est eiusdem rei à speculo distantia: atque rationem illam exemplari huic speculo applica, si quo modo potes: nam, quantum quidem mihi videtur, in hac speculatione aliquid latet, quod ad moralem considerationem non incongruè reduci queat.

## DESIDERIVS.

Optimè moueris & moues, ô anima; sed non tam obvia est respōsio, quām res in se certa est, de qua quæris. Certum est siquidem (quod ipsa docet experientia) te à speculo retrocedente, ipsam quoque tuam faciem, in speculo apparentem, videri tantumdeim introrsum recedere: teque iterūm accedente, accedere: atque adeò in retrocedendo minui, augeri verò in accessu. Non occurrit autem istius speculationis in præsens vero similior ratio, quām, quod, quemadmodum quæ ab oculo nostro remotiora fiunt, minora apparent; ita quoque, quod remotior est facies nostra à speculo, tamquam ab oculo, eò quoque in speculo minor apparet: & econtrà maior, quò vicinior. Nam hīc, & speculi & oculi, eadem est ratio perspectiuae: distantia enim, rei obiectæ imminuit species, vicinitas augerit.

Et

Et quis ignorat, quin ita eò maiori contemtu digna sint omnia ista inferiora, mundana, ac terrena; quò è cælo despecta minora apparent? Tota namque terra, cum omni suo auro ( vt Seneca loquitur) & gloriâ, vix punctum apparet: & econtrà maior, quò vicinior est. Cominus autem visa, quia magna videtur, à suis amatori-bus magni fit. Eodem planè modo, si nos ipsos eminus intueremur ( remoti scilicet ab omni proprio & carnali affectu, atque amore sensuali) parui atque humiles essemus in oculis nostris: nunc verò quando nos è vicino conspicimus, oculis cum affectu contiguis, in proprio adspectu nobis ipsi grandescimus. Quapropter, quemadmodum cælo renati, cælestemque in terris conuersationem meditantes, imò quodammodo in cælis versantes, terram terrenaq; vniuersa despicer ac paruifacere debemus: ita nos ipsi supra nos & genere & studio sublimati, in propriis oculis, quasi ab alto despecti, contemptibiles quoque esse debemus. Ad hoc porrò nos admodum mirificè adiuuat S P E C V L V M istud EX E M P L A R E . Nam, quanto magis eximiam excellentemque sanctorum vitam suspicimus, tanto magis apud nos ipsos vilescimus.

B Huic autem præsenti speculationi non tantùm viam munit, sed quodammodo statuit fundamentum, imitatio Christi; ab ipsomet nobis tanto cum affectu commendata. Quam D. Leo, non minus doctè quam eleganter, vt omnia, hisce verbis nobis ob oculos ponit: Si fideliter, dilectissimi, atque sapienter creationis nostræ intelligamus exordium; inueniemus, ho-

Ser. I.  
de Ieius.

minem ideò ad imaginem Dei conditum , vt imitator sui esset auctoris: & hanc esse nostri generis dignitatem , si in nobis , quasi in quodam SPECVL O, diuinitatis forma resplendeat. Ad quam quotidie nos vtique reparat gratia Saluatoris: dum quod cecidit in Adam primo , erigitur in secundo . Nos ergo diligamus Deum, quoniam ipse prior dilexit nos . Diligendo itaque nos Deus, ad imaginem suam nos reparat: & vt in nobis formam suæ bonitatis inueniat, dat, vt ipsi quoque quod operatur operemur.

Quàm autem, ô anima mea, singulare sit hoc speculum, quoad Domini nostri, Saluatoris, ac sponsi nostri, imitationem; ac planè, vt ita dicam, alterius mundi inuentum, procul & de ultimis finibus adportatum; ex Sancti cuiusdam dictis, sic accipe: SPECVLVM, inquit, præclarissimum, omni carens imperfectionis maculâ, omnique deformitate virtutis, Christi vita fuisse dignoscitur. Atque idem alibi: Est namque VITA Domini IESV, liber vitae, EXEMPLAR VERVM, PERFECTIONIS SPECVLVM, forma recte viuendi, perlucida via, religionis magisterium, cunctarumque norma virtutum.

At vide (te obsecro) quàm hisce dictis mirificè congruit pia D. Bernardi speculatio: Siquidem, inquit, cum nomino IESV M; hominem mihi propono mitem & humilem corde, benignum, sobrium, castum, misericordem, & omni denique honestate ac sanctitate conspicuum, eumdemque ipsum Deum omnipotentem: qui suo me & EXEMPL O sanet, & roboret adiutorio. Hæc omnia simul mihi sonant, cum

Laur.  
Iust. in  
Fascic.  
amoris  
cap. 2.  
Lib. de  
humil.  
cap. 21.

PLAR VERVM, PERFECTIONIS SPECVLVM, forma recte viuendi, perlucida via, religionis magisterium, cunctarumque norma virtutum.

cùm insonuerit I E S V s. Sumo itaque EX E M P L A de homine,& auxilium à potente . Ita Sanctus ille, verè mellifluus.

Hoc tibi ecce S P E C V L V M habes, ô anima mea,in dilecti tui nomenclaturâ, virtutum omnium EX E M P L A nobis repræsentante . Sit illud tibi semper in sinu , semper in manu , semper in oculis: quò tui omnes in I E S V M & sensus dirigantur & actus . Habes hîc namque, vt actus tuos vel prauos corrigas , vel minus perfectos adimpleas ; & in rectis ac bonis augearis. Itemque,vnde sensus tuos,aut serues ne corrumpantur, aut corruptos restaures.

Sed quomodo clariùs hoc S P E C V L V M EX E M P L A R E , in eodem Domino nostro, mundi luce , sole iustitiæ , ac Patris lumen splendore , resplendeat , quàm dum ipsemet , nos ad se contemplandum atque imitandum inuitans , sic inquit : E X E M P L V M dedi vobis ; vt quemadmodum ego feci , ita & vos faciatis? I. 13

Desideras autem, ô anima, E X E M P L I hu-  
ius & S P E C V L I primarium nosse funda-  
mentum , atque adeò opus totum ? audias,  
videas , apprehendas : Discite à me, quia mitis Matth. 11.  
sum , & humilis corde. Mitis in tolerandis  
aliorum defectibus & iniuriis : & humilis in  
præstanto cunctis obsequio . Quid enim aliud  
sonat, Discite à me; quàm, Attendite quomodo  
agam & imitamini ? Quid? inquit D. Augusti-  
nus, non mundum fabricare, non in ipso mun-  
do mirabilia facere; sed , quia mitis sum , & Aug.  
Ser. 10.  
de ver.  
Dom.  
humilis corde . Magnus esse vis ? à minimo in-  
cipe . Cogitas magnam fabricam construere

celsitudinis? de fundamento prius cogita hu-  
miliis. Et quantò quisque vult superimponere  
maiis ædificium , tanto altius fodiat funda-  
mentum. Quò autem peruenturum est cacu-  
men nostri ædificij? Usque ad conspectum Dei.

## ANIMA.

O mi dilecte , nónne hoc est quod quæri-  
mus , vt conspeçtu Dei aliquando in cælis frua-  
mur? Nónne hanc ob causam diuersa SPECV-  
LORVM genera perscrutamur , vt aliquando veri  
ipsius SPECVLATORES efficiamur ? Omnino.  
Itaque huic speculo incumbamus , quo dilectus  
noster suam nobis vitam , vt regulam eò felici-  
tatis pertingendi , proponit . Credo equidem  
id ipsum & Moysi olim indicasse , cùm ipsi &  
EXEMPLAR tabernaculi conficiendi , visibiliter  
intuendum exhibuit , & seriis insuper verbis ad-  
monuit : Vide vt omnia facias , secundùm EX-  
Exo. 25 E M P L A R , quod tibi in monte monstratum  
est. Discendum igitur sedulò à nostro Salua-  
tore ; vt SPECVLI tam salutaris inspectores , ipsi  
quantum licet , reddamur conformes . Hac  
enim prærogatiâ pollet hoc SPECVLVM in  
virtute prototypi , vt suos contemplatores sibi  
faciat similes.

## DESIDERIVS.

Vtinam , ô mea soror , ita quoque inter tot li-  
brorum ac voluminum millia , qui de virtuti-  
bus , humilitate præsertim , scribunt , vel vnicus  
saltem libellus inueniatur , qui veram humilita-  
tem lectori suo conferat . Sed Dominus noster ,  
liber hic vitæ est , intus & foris descriptus : qui  
docet , tamquam auctoritatem dandi quod do-  
cet

cet solus habens . Et hic ipse est præsens speculum exemplare, quod ex deformibus pulchros facit ; & viuos ex mortuis.

C Alterum admirabile opus excelsi, ac SPECVLVM EXEMPLARE virtutum, est beatissima Virgo, C H R I S T I Domini nostri mater MARIA. Sic enim per speculi typum depingit eam Ambrosius : In MARIA velut in SPECVLO, refulget species castitatis, & forma virtutis. Hinc sumatis EXEMPLA viuendi ; vbi tamquam in EXEMPLARI magisteria expressa probitatis, quid corriger , quid effugere , quid tenere debeatis , ostendunt . Talis fuit MARIA, vt eius vnius vita, omnium disciplina sit.

*Lib. 2.  
de Vir-  
gin.*

Vt autem omnimodam virtutum speciem in præclaro hoc SPECVLO contemplemur; rectius facturi sumus , si Doctoris eiusdem eleganti radio designata legamus : sic habet: Vt de ceteris eius virtutibus taceam ; Virgo erat , non solum corpore, sed etiam mente : corde humilis, verbis grauis , animo prudens , loquendi parcior; non in cumulo diuitiarum, sed in prece pauperum, spem reponens : intenta operi, verecunda sermone ; arbitrum mentis solita non hominem, sed Deum quærere ; nullum lædere, omnibus benè velle, maioribus assurgere, equalibus non inuidere, iactantiā fugere, rationem sequi & amare . Quando ista studiuit humile? quando risit debilem? quando vitauit inopem? Nihil in oculis toruū, nihil in verbis procax, nihil in actu inuercundum : non gestus fractior, non incessus solutior, non vox petulantior, vt ipsa corporis species , simulacrum fuerit mentis , figura probitatis . Talem hanc Euangelista monstrauit,

talem Angelus reperit, talem Spiritus sanctus elegit.

Quot & quantæ in vnâ Virgine SPECIES VIRTVTVM emicant ! vt eapropter non im-  
meritò illam sancta Ecclesia illustri illo Filij Dei  
eiusdemque Virginis Vnigeniti titulo cohone-  
stet ; SPECVLVM SINE MACVLA nuncu-  
pando. Nam, præterquam quod omni homi-  
num generi in vniuersâ virtutum SPECIE,  
EXEMPLO fuit & SPECULO: etiam ipsamet  
nullâ vñquam peccati labe fuit respersa . Ut  
hac quoque de causâ, quemadmodum Filius  
eius IESVS , Dominus noster, in eiusdem Ec-  
clesiæ firmamento LVMINARE MAIVS ex-  
sttit : ita ipsa Dei mater MARIA , rectè LV-  
MINARE MINVS perhibeat. Christus sol,  
Maria luna: duo luminaria magna: instar specu-  
lorum, toti in mundo lucentia ; atque in suis Spe-  
culatoribus virtutes magnas operantia.

### ANIMA.

Paulatim me sentio magis ac magis D E S I-  
D E R I O æternorum ad superna quærenda in-  
flammari; & præ illorum amore plusquam vñ-  
quam terrena despicere. Credo equidem , vim  
quamdam interius in cor nostrum immitti  
SPECVLORVM tam diuinorum virtute &  
efficaciâ . Domine Deus , creator & recreator  
meus; nisi multùm me mea fallat opinio ; iam  
cuperem dissolui,& esse tecum . Nam , si tan-  
topere me specula ista virtutum inspecta affi-  
ciunt : quid futurum arbitrabimur, si virtutum  
coronâ & gloriâ, cum iisdem & omnibus San-  
ctis tuis, frui concederis?

DESI-

## DESIDERIVS.

Quoniam quæso abriperis, ô dilecta, ambitiosa cælestium honorum & opum? Non sic, quod scias, itur ad astra, vitæ huius viâ neglectâ. Seriò priùs cogita, de Sanctorum vitâ in viâ; ut illorum secuta vestigia, cum iisdem læteris in patriâ. VESTIGIA autem Sanctorum, EXEMPLA virtutum sunt. quæ vt in dilecto tuo, eiúsque matre MARIA, velut in SPECULO, docti sumus contemplari: ita in Sanctorum EXEMPLA spectandum est; quæ ipsi quoque à Saluatoris luce accepta, nobis etiam imitanda reliquerunt. Nam vt rectè Hieronymus; Ab In qua- omni nequitia mundum necesse est esse & vi-dam e- tio, qui cupit regnare cum Christo. Si vis habere partem cum Christo, Christi exemplo tibi vi- uendum est. Si Sanctorum cupis habere con- sortium, à malitiæ & nequitia cogitatu pe- catus emunda: quia non nisi sanctos, & iustos, simplices, innocentes & puros, cælestis aula suscipiet.

Itaque SANCTORVM EXEMPLA, tamquam in SPECULO nobis obiecta contemplemur, & imitemur; vt cum Sanctis coronemur. Alioqui, vt verè & seuerè Chrysostomus, quæ est ista iustitia, Sanctos colere, & sanctitatem contemnere? Primus gradus est, sanctitatem diligere; posteà Sanctos: quia, non sancti ante sanctitatem fuerunt; sed sanctitas ante eos. Sine causâ ergo iustos honorat, qui iustitiam spernit.

D Atque idem alibi: Qui Sanctorum merita reli- Ser. de giosâ charitate miratur, quicumque iustorum Confes. E glorias frequenti laude colloquitur, eorum mo- I 5 res

res sanctos atque iustitiam imitetur. Quoniam, quem delectat alicuius Sancti meritum; delectare debet par, circa cultum Dei, obsequium. Quare aut imitari debet, si laudat; aut laudare non debet, si imitari detrectat: ut, qui Sanctorum merita admiratur, mirabilis ipse vitæ sanctitate reddatur.

Hinc meritò Theodora Theophili Imperatoris iconomachi vxor Catholica, clàm à Vendere Imperatoris mimo & parasito reperta quòd Sanctorum imagunculas haberet, & ob id à marito probrosè correpta atque idolorum cultrix appellata; furorem Imperatoris deliniens, SPECVLA esse dixit, in quibus faciem ipsius & ancillarū Denderis conspicatus, imagines esse existimauit: & ita verum dicens, & Imperatoris elusit scrutinium, & Denderis delationem.

Tam verò efficax est huiusmodi EXEMPLARIS SPECVLI contemplatio, ut sanctus quoque ipsius inspectu sanctior efficiatur. Hinc; 31. Mo<sup>o</sup> ral. ut inquit D. Gregorius, Consideratio meliorum, multum prodest ad humilitatem Sanctorum; atque ita ad certum & indubitatum in sanctitate profectum. Vnde, cùm sancto Antonio reuelatus à Deo fuit, & antiquitate prior, & potior sanctimoniam, Paulus; magnum sanctioris philosophiæ ac sublimioris viæ incrementum percepit, ex tam raro vitæ cœlestis in terris SPECVLO.

Idem hoc speculum exemplare magnam vim habet, ad Gentiles quoque Christo lucrificiendos; teste Apostolo Petro, cùm sic ait: 1. Pet. 2 Charissimi, obsecro vos abstinere à carnalibus desideriis, conuersationem vestram inter Gentes

tes habentes bonam ; vt ex bonis operibus vos CONSIDERANTES , glorificant Deum (per conuersionem) nimirum ad ipsum , & vitam sanctam ) in die visitationis.

Huc etiam illud spectat, quod Poëta, EXEMPLORVM energiam tam in malo quam in bono considerans, inquit:

*Segnius irritant animos immissa per aurem:*

*Quam quæ sunt ocalis subiecta fidelibus.*

Vnde recte D. Gregorius : Qui plenissimè, inquit, intelligere appetit qualis est, tales nimirum debet conspicere qualis non est : vt ex bonorum FORMA metiatur, quanto ipse deserto bono deformis est.

Eapropter non minùs facetè quam patheticè D. Augustinus Continentiam per modum prosopopœiæ secum expostulantem, exemplique aliorum conuincentem , introducit: quæ ipsi quasi iuxta adstantes Sanctos & Sanctas, eiusdem cōditionis , imò tenerioris complexionis, ostendit ; qui tamen omnes tyrannide carnis edomitâ castè se gesserant : sicque illum excipiebat : Ecce, hi omnes vixerunt pudicè, sequè pro regno Dei castrarunt ; & tu non poteris? Deus illis concessit ; & tibi negabit ? & similia plura in illum sensum: quod illum vehementer permouit.

Quocircà etiam D. Paulus, vt viam compendiosam & commodam , magnæque efficaciam, toties seipsum imitandum exhibuit ; dicens: Imitatores mei estote , sicut & ego I E S V C H R I S T I . Et, Obseruate qui ita ambulant, sicut habetis formam nostram : secundūm regulam nostram : non in alienâ regulâ , inquit.

Horat.  
arie  
Poët.

Gre. 24  
Moral.  
cap. 9.

Cōfess.  
lib. 8.  
cap. 11.

I. Cor.  
4. & 11  
Phil. 3.

Ep. 6.

quit. Et, quicumque hanc regulam nostram  
secuti fuerint, pax super illos, & misericordia.

## ANIMA.

Hanc imitationis ac practicæ speculationis EXEMPLORVM industriam accuratè sectemur, & diligenter obseruemus: quandoquidem tam expeditum nobis iter hoc SPECVLVM demonstret, & connitentes ad pacem illam æternam cœlestis Ierusalem adducat. Credo prorsus S. Franciscum tali mente speculatum atque imitatum fuisse ouiculam, duas tunicas habentem, & alteram dum tonderetur dantem non habenti: atque S. Martinum EXEMPLARI hoc SPECVLO vsum, quando partem chlamydis nudo stipem postulanti porrexit. Non dubium quoque quin & Martyres, bellatores egregij, ducis sui Christi strenui IMITATORES, fortes in bello effecti sint, tum in primis Christi strategi nostri, vt dixi, tum aliorum Sanctorum prædecessorum EXEMPLO: quemadmodum tempore Machabæorum ele- H chab. 6. phantes, sanguine vuæ & mori conspecto, in prælium acui consueverunt. Sic enim & insignioris familiae nobiles præclara suorum facinora depicta habere solent; quæ ipsos suoque filios ac nepotes, ad eadem imitanda provocarent.

Sic de Frederico Principe legimus; quoties faciem suam in SPECVLO contemplaretur, nullo amissi luminis desiderio affici solitum: sed læto ac sereno vultu, dixisse: Bono animo sis Frederice, teque ipsum manifestè adspice, ac virtutis tuæ continuè memineris.

Item:

Item: Dij boni! quos ego vel virtutis vel formæ socios habeo; Philippos, Horatios, Hannibales, Sertorios! Expergiscere, expergiscere aliquando Frederice; & illos nō modò vnius oculi lumine, sed factis etiam ac rerum gestarum gloriâ, æquiparare contendere. Hæc ille, more maiorum. At nos multo magis Sanctorum exempla ad heroica facta debent permouere.

Da, obsecro Dominc, munerum dator, hanc nobis gratiam, vt huius S P E C V L I E X E M P L O R V M præstantiâ assiduè delectemur. Vt K iuxta tuum consilium, etiam S E R P E N T E S in prudentiâ, & in simplicitate C O L V M B A S imitantes, in vita sanctitate tibi placeamus; & tandem purificatæ mentis intelligentiâ, conspectum tuæ gloriæ consequamur.



XI. SPECVLVM ÆNIGMATICVM.



C



E



D



G



L



K



F



K



H



B

B

B

Qui fit, ut obscurâ certos sub imagine sensus  
Hic ÆNIGMATICVM mi generet SPECVLVM?

A.B: Per parabolas et ænigmata,  
calestia Specularum.

C. Christus in ænigmate, tanquam hortulanus, Magdalena apparuit.

D. Ita quasi in ænigmate, duobus discipulis  
visus est peregrinus.

E. Christi transfiguratio, quasi ænigma fuit.

F.G. Gaudium reuersi filij prodigi,  
gaudij angelorum ænigma.

H.I. Parabola virginum prudentum,  
gaudij beatorum ænigma.

K.L. Nuptiae filij regis, coniuncti  
caelis, Christo ministrante,  
ænigma dici possunt.

## XI. SPECVLVM ÆNIGMATICVM.

DESIDERIVS.

**P**UTAS NE, ô anima mea, nos dignam aliquam, pro rei existimatione, in SPECVLO EXEMPLARI, assecutos portionem? Procul, ne nescias, absimus, à tam inexhausti maris profunditate. Nam, præter communem vitæ Sanctorum excellentiam, quæ nobis speculi loco proposita est; etiam peculiaris alicuius virtutis respectu, singulari quadam ratione SPECVLI titulo decorantur. Quisenim enumaret, satisve admiretur diuinæ sapientiæ ac bonitatis thesaurum: quo, sicut stellas innumeras reddidit, utque stella à stellâ claritate differret, effecit: ita in Sanctis, & multitudinem & splendoris diuersitatem fecit incomprehensam: & tot fixit in cælo SANCTORVM SPECVLA, quot fixit in firmamento splendentia sidera?

Quis siquidem satis admiretur effulgentem Abrahæ fidem, ob quam pater credentium est appellatus? Quis Isaac obedientiam, in Christo usque ad mortem, mortem autem crucis, obediens adimpletam? Quis Jacob mansuetudinem, lethalem minacis Esau bilem vertente in lacrymas? Quis Joseph admirabilem castitatem, prudentiam, virtutem imperio dignam? Quis mitissimam Moysis animam, quæ Dei conspectu & alloquio dignus fuit? Quis inauditam bellacis Iosue confidentiam, quæ solem stare præcepit, suoque habuit obsequentem imperio? Quis Phinees zelum, quæ Deum pla-

placauit, & cessauit quassatio? Quis Dauidis eximiam pietatem; ob quam, teste ipsomet Domino, vir secundum cor Dei fuit inuentus & appellatus? Quis Mathathiæ æmulationem legis, Iude Machabæi ceterorumque virtutem in bello, & mortem non minus gloriosam? Quis Iob & Tobiæ tolerantiam, misericordiam, atque insignem in Deum amorem; ceterorumque virorum præstantium decora, instar **S P E C V L I** resplendentis micantia?

Et, ne in sexu femineo hanc quisquam laudem desiderari arbitretur: quis satis suspiciat Saræ modestiam & reuerentiam coniugalem, virum suum, Dominum appellantis? Quis Rebeccæ prudentiam, Rachelis industriam, Judith castitatem, atque inde prognatam fortitudinem ac victoriam? quis Esther sollicitudinem in gentis suæ salutem, aliarumque Heroinarum veteris Testamenti præstantiam dignè recenseat?

Iam autem, quemadmodum vetus illud noui Testimenti tantummodo vimbra fuit: ita & virorum & mulierum præclara specimina istius, longo interuallo prioris **E X E M P L A** exsuperant. Quonam enim modo (vt iam Christum eiusq; Matrem, tamquam omni comparatione maiores, imò & Ioannem Baptistam, omissimus) cädorem eximiæ castitatis, in noui Testimenti sanctis vtriusque sexus virginibus dignè describamus, aut admiremur? Nónne speculum immaculatum est etiam illud? Quâ item facultate dicendi fortitudinem illam inuictam sanctorum Martyrum assequamur; quâ de mundo, diabolo, & carne, in sexu quoque fragili

gili triumpharunt? Quis nobis explicet sanctorum Confessorum sinceram simplicitatem, sobrietatem, continentiam, modestiam, mentis rectitudinem, pietatis ferorem, & in fide Christianâ constantiam? Quis tot millium excellentem sanctimoniam vitæque prorsus angelicæ puritatem, ut par est, suspiciat; quâ toti mundo, & in viuis agentes, & nunc astra teneentes, tot B O N I E X E M P L I S P E C V L A de se statuerunt, quot in vitâ virtutum ornamenti abundarunt?

## A N I M A.

O maiestatem eximiam nostri Saluatoris! qui pro suis moriens, tot mortuos viuificauit, & gloriosos victores ac triumphatores effecit, quot E X E M P L I ac spiritus sui imitatores & heredes reliquit. Verè, ô Domine, dicere possumus, ad laudem sanctissimi nominis tui, tuorumque tam strenuorum militum, dignum encomium, tot tamque præclara de se, à te, virtutum fortiumque gestorum præbentium specula; quod de fortibus illis Machabæis legimus: Refulsa sol in clypeos aureos; & resplenduerunt montes ab eis: & resplenduerunt sicut lampades signis. Quando namque te Solem iustitiae in terris secuti sunt, tuaque eos virtute induisti ab alto: fortes facti sunt in bello, castra verterunt exterorum; nempe angelorum apostatarum, gentilium, & hæreticorum; tibi tuaque Ecclesiæ validi facti sunt protectores, ac fideles turris Dauidicæ propugnatores: de quâ, quot eluent in illis virtutum exempla, tot clypei aurei propendent ab illâ, omnis arma-

, Ma-  
chab. 6.

Heb. 11

K Cant. 4 tura

tura fortium. Teque insuper diuinæ tuæ gratiæ fulgore in illos assiduè irradiante, resplenduerunt montes ab eis: quia multi magni Sancti, montium instar, virtutum exempla ab illis sumentes, etiam S P E C V L O R V M in modum effecti sunt reliquis. Et resplenderunt tam isti quam illi, quasi lampades ignis: quia exemplari suâ vitâ & sibi & aliis resplenderunt, & incaluerunt, lucentes & ardentes: adeò, ut qui videarent opera ipsorum bona, glorificarent Patrem qui in cælis est.

## D E S I D E R I V S.

Sit Deus benedictus in sæcula, & laudabilis nimis in S A N C T I S suis, ô mea soror, S P E C V L O R V M amatrix, & D E S I D E R I O R V M cælestium faatrix amabilis; quia verè videntur, totum mundum tot speculis quot Sanctorum exemplis exornatum. Sed nunc aliud adhuc speculi genus se nobis obtendit: quo, certâ quadam ratione speculandi, magis ad arcana quæ quærimus, rimando iuuabimur; si tamen illa ritè fuerimus vsi, fixumque illud, astrolabij more, tenuerimus: nam perspectiva hîc multùm valet.

## A N I M A.

Quodnam est illud, ô mi fidelis vitæ huius comes & consors? Illud mihi nomina obsecro; virtutemque eius ac usum, ut vales, edissere.

## D E S I D E R I V S.

S P E C V L V M istud ÆNIGMATICVM appellatur: eiusque fabricæ rationem, in dictis Apo-

B Apostoli licet animaduertere; quando sic inquit: Vidēmus nunc, per SPECVLVM IN <sup>1. Cor.</sup> ÆNIGMATE: tunc autem facie ad faciem. <sup>13.</sup> Tametsi autem duo & quidem diuersa sint, speculum & ænigma (quia in speculo similitudo reluentis est clara & aperta, quemadmodum D. Thomas distinguit, in ænigmate verò obscura & occulta) hīc tamen illa duo ita sibi inuicem coaptamus & in vnum coniungimus, ut SPECVLVM ÆNIGMATICVM simul efficiant; quodque per illud ipso vſu consequimur, SPECULATIONEM ac VISIONEM ÆNIGMATICAM appellemus. Cumque Apostolus dicit, *tunc*, hoc est, in patriâ cælesti, nos visuros facie ad faciem: significat metaphoricâ locutione, nos visuros ipsam Dei essentiam, quam iam solummodo per creaturas, simulacra, speculum, perque ænigmata cognoscimus. Sicut, quando aliquem in propriâ facie videmus; tunc videmus eum reipsâ sicuti est, quem anteà solū per ipsius similitudinem in speculo cernebamus.

Huic & illud affine est, quod subdit: Nunc cognosco ex parte; id est, in hac vitâ cognosco obscurè & imperfectè: tunc autem, in cælis nimirum, cognoscam sicut & cognitus sum, nempe à Deo. Quia, quemadmodum Deus modò essentiam meam, & quidem absque vlo medio, cognoscit: ita & ego tunc Deum per essentiam cognoscam, neque mihi vlo opus erit intermedio, ad tam beatam ac claram ipsius visionem.

Vnde valdè appositè diuus Bernardus, in hæc <sup>Bern.</sup> verba: Non sapiens, non sanctus, non prophete-

ta, videre illum sicuti est, potest, aut potuit, in corpore hoc mortali : poterit autem in immortalis, qui dignus habebitur . Itaque, videtur & hic: sed sicut videtur & placet ipsis; & non sicuti est. Nam neque hoc luminare magnum ( solem istum loquor , quem quotidie vides ) vidisti tamen aliquando sicuti est, sed tantum sicut illuminat; verbi causam, aerem, montem , parietem . Quod autem Iacob , postquam cum angelo fuisset luctatus, inquit:

*Gen. 32.* Vidi Dominum facie ad faciem ; & salua facta est anima mea : visio illa non fuit nisi imaginaria, hoc est , per imaginem in angeli figuram , seu potius hominis secum colluctantis, in qua Deus ei apparebat : prout Scriptura loquitur : Vir luctabatur cum eo . Dumque tam magnificè Iacob de hac luctâ & visione loquitur; Vidi Dominum facie ad faciem: excellentiam huius visionis subindicat, non autem quod illum per essentiam vidisset . Quocircà Ioannes quoque Apostolus, æternæ hanc vitæ ac patriæ visionem reseruans , inquit:

*1. Ioan. 3.* Scimus , quia cum apparuerit , similes ei erimus, & videbimus eum sicuti est: sicut nimirum ipse Deus nos videt sicuti sumus , in ipsa essentiâ.

*Quod autem de speculo enigmatisco cœpimus dicere: nonne, verbi gratiam, qui nunc apparet quibus vult, & sicuti vult, tunc autem videbitur sicuti est; ille idem Dominus noster Magdalena quasi in speculo enigmatisco in horto iuxta monumentum apparuit, quando illa se putabat hortulanum videre? Nolebat videri, & volebat videri;*

&amp;

& quidem videbatur, sed non agnoscebatur. Domine, inquit illa; & erat vtique: sed hortulanum, vt credebat, tamquam horti dominum de suo Domino interrogabat: Si tu sustulisti eum, dic vbi posueris. Sustulerat eum verè quando de monumento surrexerat, seque in hortum transtulerat, ibi que posuerat & statuerat, vbi iam tunc erat: sed erat Magdalena totum hoc ænigmaticum, donec prolatu Mariæ vocabulo, tactoque corde eius amore intrinsecus, se agnosci volebat.

Nónne similiter in ÆNIGMATE duobus discipulis euntibus in Emmaus apparuit; Luc. 24 quando tamquam viatorem, externum, ac peregrinum viderunt foris, qui verè ipsis peregrinus erat intus? Neque ænigma illud ipsis solutum fuit, nisi quando illum in fractione panis agnouerunt: neque tunc tamen eum viderunt sicuti est, sed sicut in humannis apparuit illis, quibuscum fuerat conuersatus.

E Quinetiam ipsam eiusdem Domini transfigurationem in monte Thabor per modum Matth. 17. SPECVLI ÆNIGMATICI accidisse, licet aliquo modo interpretari. Nam tametsi ibi ipse verus Dei Filius, in gloriæ suæ maiestate apparuit: tamen ob SPECULATORVM imbecillitatem, qui tantæ visionis capaces non erant, ÆNIGMA illis per speculum hoc, tametsi præfulgidum, fuit exhibitum. Vnde & ille Apostolus, quasi coniectans de rei latentis præstantiâ, dixit: Domine, bonum est nos hîc esse: si vis, faciamus hîc tria tabernacula, &c.

## A N I M A .

*Ser. 31. Super Cant.* Rectè eapropter Bernardus ait : Indicā mihi quem diligit anima mea , vbi pascas, vbi cubes in meridie . Studiosis siquidem mentibus Verbum sponsus frequenter appetet ; & non sub vnâ spēcie . Quid ita ? Profectò, quia nondum videtur sicuti est . Quò autem quis clarior , eò vicinior : & quò vicinior illi aliquis fit, eò magis illuminatur.

## D E S I D E R I V S .

Accedamus igitur, ô anima , vt illuminemur : & illuminari rogemus , vt magis illi appropinquemus . Nónne ita & cæcus ille priùs videre poscebat ; & posteà exultans Christum sequebatur ? accedebat tamen , sed ab aliis ductus & adiutus, vt lumen acciperet . Esse autem clarissimum, peruenisse est : tuncque in patriâ, ei præsentibus , non aliud est videre sicuti est , quàm esse sicuti est , & aliquâ dissimilitudine non confundi . Sed, id tunc . Interim verò, tanta hæc formarum varietas, atque numerositas , species in rebus conditis, & certis ÆNIGMATEIS, nobis ab ipso propositis , quid nisi quidam sunt radij deitatis, monstrantes quidem, quod verè sit, à quo sunt ; non tamen quid sit prorsus definientes ? Itaque , de ipso vides, sed non ipsum: nisi , vt dixi , per SPECVLVM IN ÆNIGMATE .

Nónne rectè enigmatica eiusmodi specula dicemus, omnes illas parabolas, quibus Christus in Euangeliō, præsertim celi desiderabilia atque æterna bona sic occultat , vt tamen ad inuestigandum

gandum occultando inuitet? Non enim aliter h̄ic se habet Dominus noster, quām cūm mater quædam dilectis filiis suis delicata aut delectabilia quædam contecta atque inuoluta ostendit; & certo ostentandi ac loquendi modo, præstantiam ita latentium rerum subindicat; vt appetitum habendi exacuat, & voluntatem, ad promptius agendum quod opus est, tali arte inflammet.

Nōnne tali modo quandoque de absconditis Regni cælorum, ac virtutum præmiis in cælo paratis, locutus est Christus? dicens: O mulier, si scires donum Dei: & quis est, qui tibi dicit; Da mihi bibere. Item: Scio vnde veni; & quò vado. Vado parare vobis locum. Si me sciretis: forsitan & Patrem meum sciretis. Item: Si autem sciretis quid est; Misericordiam volo, & non sacrificium. Adeò ut aliquando sine parabolis non loqueretur ad turbas. Et tametsi indignis eiusmodi velo margaritas thesaurūmque cælestem occultabat: simpliciores tamen ac sese dignos exhibere conantes, ad salutarem mysteriorum reuelationem tam gratioſo velamento parabolaruim allectos, dilucidâ explicatione illustrabat. Itaque, quasi per S P E C V L V M, & in Æ N I G M A T E parabolico, dignatus est I E S V S, magister, ac Dominus noster, Regni cælestis secreta, quæ suis promisit, amabili & admirabili modo, terrena adhuc inhabitantibus congruo, manifestare.

Quām porrò delectabile huiusmodi S P E C V L V M Æ N I G M A T I C V M, inter tot alias innumerās, est illa parabola, & quidem varia ac multiplex, gaudij illius inexplicabilis, quod

angelis est in cælo , super vno peccatore pœnitentiam agente ! Talibus namque verborum ac similitudinum inuolucris ob oculos illud po-

*Luc. 15* suit : Quis ex vobis homo , qui habet centum oues , &c . Aut quæ mulier habens drachmas decem , &c . Illis autem repertis , quas perdiderant , ille ouem , ista drachmam : conuocatis amicis & vicinis , dicunt : Congratulamini mihi , quia inueni ouem ; altera , quia inueni drachmam , quam perdideram . Ita dico vobis , gaudium erit in cælo super vno peccatore pœnitentiam agente , quam super nonagintanouem iustis , qui non indigent pœnitentiâ .

Sed idem adhuc magis eximio modo desi-  
*Ibidem* gnans Dominus , filij perditî & inuenti subiungit parabolam : per quam cælesti hoc angelorum & cælestium ciuium gaudium ac iubilum G lucidiùs , velut in speculo , contemplandum proponit : quando patris personam sic vice ac typo suimet inducit gaudentem , exultantem , ac prælætitiâ gestientem , dicentemque : Adducite vitulum saginatum , & occidite : & manducemus , & epulemur : quia hic filius meus mortuus erat , & reuixit ; perierat , & inuentus est . Quin & fratri seniori de agro venienti , ac deforis audienti symphoniam & chorum , præter epulantium intus iucunditatem , quam non videbat , & indignè ferenti , nec non cum patre proterue expostulanti , iteratò respondit pater : Epulari & gaudere oportebat : quia frater tuus hic mortuus erat , & reuixit ; perierat , & inuentus est . Vnde pulchrè Ambrosius : Epularem , inquit , Patrem inducit , ut ostenderet , quoniam paternus est cibus

cibus salus nostra; & Patris est gaudium, nostrorum redemptio peccatorum.

## A N I M A .

Sed nōnne rectē dixerimus, si quoque iudicauerimus eiusmodi peccatorum conuersiōnem escam esse, quā pater Isaac libenter in figurā cælestis Patris vescebatur; & pœnitentiū lacrymas vinum angelorum? Hoc igitur S P E C V L O Æ N I G M A T I C O mediante, videmus oculis mentis, existentes in terris, gaudium & exultationem angelorum in cælis: quod ingentis solatij loco nobis seruit, donec & nos in gaudium Domini introeamus.

Sed, ad aliam eiusmodi S P E C V L A T I O N E M edifferendam accingere: nam spiritalis hæc, quantum sentio, perspectiva, mirificè in amorem visendi cælestia nos inducit.

## D E S I D E R I V S .

**H** *Quid mirum, ô anima, nos illa mirificè inflammare, quæ ex igne illo desumpta sunt, quem ipse met sponsus noster de cælo venit in terram, imò in medullas ossium nostrorum, immittere: de quo, quid aliud volo, inquit, quām ut ardeat?* Itaque digno huic igni fomento, aliam parabolam in S P E C V L I morem compositam proferamus. Est autem illa de decem Virginibus: in quā per quinque prudentes, quæ venienti sponso cum lampadibus occurrentes, intrauerunt cum eo ad nuptias; non obscurè, quasi per S P E C V L V M tamen & in Æ N I G M A T E , videre est, quanta sit exultatio ciuium supernorum, dum in loco nuptiarum

Cant. 8 cælestium Agni , vident Deiparam virginem sponsam Agni, deliciis affluentem, innixam super dilectum suum : & chorū prudentium virginum, ceterorumque Sanctorum, & Angelorum exercitum, cum ineffabili iubilo , tam sancto ac lætantium omnium contubernio assistentem . Nónne tibi, ô anima mea, mens istud ob oculos ponit, & quasi in medio tam desiderabilis gaudij statuit ; quandocumque iucundum illum quinque virginum in cælos ingressum vel audis , vel tecum recogitas ? Nónne interiorem obtutum trans nubes abripit isthèc SPECVLATIO , & chorū exultantium in cælesti Ierusalem tibi interesse videris ? Crediderim equidem : nam gratum id est , ac obuium, desideranti animæ; & intentioni diætantis parabolam planè conforme.

## ANIMA.

Vt dicis , ita mihi accidere fateor : sed , non minus terret adiuncta quinque fatuarum virginum infelix exclusio ; & , clausâ misericordiæ ac spei salutis ianuâ , cum æternâ confusione abiectio.

## DESIDERIVS.

Meritò (mi chara soror, & dilecta columba) nos & omnes tristis illa catastrophe terreat ; nam & in illum finem à Domino nostro tota illa parabola potissimum fuit proposita : quod postrema illa præcedentis capituli dicta subindicant : Illic erit fletus & stridor dentium . subditque illis statim initio sequentis capitlis parabolam istam, tali exordio: Tunc simile erit regnum

regnum cælorum decem virginibus. quod & conclusio parabolæ satis confirmat ; quæ sic sonat: Vigilate itaque: quia nescitis diem neque horam. Sed tametsi sic sua temperet Dominus, ut malî negligentioresque habeant, quo territi exstimentur ; & quo qui bona sunt voluntatis, allecti inuitentur : mauult tamen nos duci dulcedine, quam trahi terrore: quia timor pœnam habet, amoris dulcedo suavitatem.

Itaque, saluo semper Christiano timore, nihil obstat, quo minùs toti feramur in cælestium desiderium gaudiorum. Hanc autem ob causam , & scopum , tertiam parabolam atque

**ÆNIGMATICVM** **SPECULVM** contem-  
plemur : cuius obsequio penitus in felicitatem & splendorem cælestis Ierusalem mentis oculos inferamus . Est autem ista , quâ Dominus Iesus exuberans gaudium æternæ beatitudinis regalibus nuptiis atque epulis quasi per ænigma proponit ; dum sic inquit : Simile est regnum cælorum homini Regi ; qui fecit nuptias filio suo . Et impletæ sunt nuptiæ discubentium: intravitque Rex, vt videret discubentes . Scio hîc, sensu primario nuptiale conuiuum depingi, quo fideles in Ecclesiâ militâ fruuntur : sed cum illa quoque sit regnum cælorum in terris; speciali mysterij communicatione etiam parabolam hanc cælesti gaudio, quantum permittit similitudo, coaptamus.

Quis hîc itaque non videatur sibi videre Regem ipsum, filium Regis , sponsum animarum nostrarum , cum maximâ animi sui voluptate, per tam grata epulantium contubernia obambulare , congratulari conuiuis , hortari ad delicias

*Mattb.  
22.*

ciās illas cælestes & angelicū epulum cum summā hilaritate sumendum? Quinimodo, quomodo non hīc videamus, exultantibus animis, & fluentibus præ lētitiā lacrymis ipsummet Regem, summā cum affectus testificatione, conuiuis nuptialibus ministrantem? Sic enim se facturum promisit, quando in aliā parabolā Lxx. 12 dixit: Amen dico vobis; præcinget se dominus seruorum fidelium, & faciet eos discumbere, & transiens ministrabit illis. Fessos, inquit Cyrius, refocillans, apponensque spiritales delicias, & statuens dapſilem donorum suorum mensam.

Sed, ô mi dilecte, quid agimus? nullam hīc illius facis mentionem, qui, ligatis manibus ac pedibus, iussu Regis in tenebras exteriores est proiectus; vbi erit fletus & stridor dentium. Non enim te illius, scio, cepit obliuio.

### DESIDERIVS.

Scio, dilecta, scio: sed, quemadmodum spinæ, quamdiu roſis coiunctæ sunt, locum suum atque uſum habent, non tamen simul cum roſis carpuntur: ita nobis, cælestium bonorum ingentemque lētitiam quasi per speculum contemplantibus, horror inferni simul cogitatus non ita seruit scopo. tamen, ut antè dicebam de quinque fatuarum dolendo casu, habent & tristia ac terribilia suum locum & efficaciam tempore suo maturè meditata, ut & spinæ.

### ANIMA.

Eia, agedum igitur mi confodalis & frater, dul-

dulcedinis huius ductum sequentes, iubilemus  
Deo salutari nostro: præoccupemus faciem  
eius (quam instanter quærimus) in confessio-  
ne: & in Psalmis iubilemus ei.

Domine I E S V , saluator & consolator tuo-  
rum, qui in cælis præparasti timentibus & dili-  
gentibus te, quod nec oculus vidit, nec auris  
audiuit, nec in cor hominis ascendit; quia dis-  
posuisti illis regnum, summum, æternum, ac  
ineffabilibus bonis abundans: Tu nosti cor  
nostrum, ac voluntas nostra in manu tuâ est.  
Illumina vultum tuum super nos; & in pectus  
nostrū irradia, vt discussâ omni hallucinatione,  
propriique amoris velamine, clarè in nobis vi-  
deamus, quidquid tibi displicet, & quidquid  
ad tibi placendum factò est opus. Sicque hisce  
S P E C V L I S vti concede, vt idonei aliquando  
efficiamur gloriæ tuæ S P E C V L A T O R E S .



XII. SPECVLVM VISIONIS BEATIFICAÆ.



Purga aciem mentis; Diuinum lumine recto,  
Sedibus æthereis, ut SPECVLÈRE iubar.

- A. Diuinæ gloria splendor et fructio.
- B. Beatitudo patris, in visione Dei.
- C. Deus lucem macerabilem et caliginem inhabitat.
- D.F.G. Exemplo Danielis, ab Angelo in spem et pedes erexit, animæ consolatio.

- E. Socj Danielis præ terrore fugientes.
- H. Implicit orante Salomone gloria Domini templum Domini.
- I. Rex Salomon in omni gloria sua, et Regina Saba præ stupore deficiens.
- K. Sancrorum beatitudo, qua introierunt in gaudium Domini.

## XII. SPECVLVM VISIONIS

BEATIFICAÆ.

DESIDERIVS.



ENI, veni, ô anima mea, SPECULATIONE cælestium ebria; quæ tibi modò SPECVLVM ÆNIGMATICVM, admirabili quadam PERSPECTIVA, contemplanda proposuit. Nónne rectè cum Prophetâ, dilecto IESU nostro, Christo Domino nostro; dicere possumus: Spiritus oris nostri Christus Dominus: in umbrâ tuâ viuemus in gentibus? Et tu ergo, ô soror dilecta, vide ut viuas exemplo Prophetæ in umbrâ ipsius; ut aliquando regnes in lumine eius. Nos etenim qui nondum in paradisum, nondum ad tertium ne ad primum quidem cælum ascendimus, vel rapi meruimus, Christi interim mysteria veneremur, sectemur exempla, fidem seruemus; per tropos & parabolas, tamquam per SPECVLVM, cæli secreta rimemur: & profectò in eius umbrâ viuemus. Imò, ut & sponsæ prærogatiâ aliquatenus ut nobis donetur; etiam in umbrâ eius, quem desideramus, sedebimus; & expectantes beatam spem, in eâ tantisper quiescemos.

Thren.  
4.

Verumtamen istud, in umbrâ seu viuere seu sedere, in umbrâ tamen est; quia per SPECVLVM IN ÆNIGMATE. Erit enim cum declinauerint A umbræ, crescente lumine, imò cum penitus disparuerint: & subintrabit sicut perspicua ita perpetua visio; & erit non modò suauitas gutturi

turi nostro, gustum contemplationis significás, verum etiam satietas ventri, sine fastidio fruitionem beatam adimplens: iuxta illud Prophetæ; Tunc satiabor, cùm apparuerit gloria tua.

## A N I M A.

Dictis tuis non solùm assentior, verum etiam totâ mentis capidine conor complecti, quæcumque tam amabili fistulâ, argenteo velut epistomio, in meum vsum ex ore tuo promanant. Utq[ue] verum fatear, sentio illud mihi euenire, quod Deo dilectis nonnumquā audiui accidere; ut scilicet in præsenti vitâ, gustus illis diuinæ præsentiaæ varietur, pro variis ipsorum animæ desideriis, non secūs quâm mulieri corporaliter, vterum gestanti. Sentioq[ue] verum illud esse, quod D. Augustinus, agens de **SPECVL**o,  
August in quo Deus videtur, sic inquit: Incorporalem substantiam, scio esse sapientiam, & lumen esse, in quo videntur, quæ oculis carnalibus non videntur. Et tamen, inquit, vir tan<sup>s</sup> tamq[ue] spiritualis (Apostolus, puta) dixit: Videmus nunc per **SPECVLVM IN ÆNIGMATE**; tunc autem facie ad faciem. Quale sit, inquit, hoc speculum, si quæramus; profectò illud occurrit, quod in speculo nisi imago non cernitur. Hoc ergo conati facere sumus: ut per imaginē hanc, quod nos sumus, videremus vt cumque, à quo facti sumus, tamquam per **S P E C V L V M**. Hoc significat etiam illud, quod ait idem Apostolus: Nos autem reuelatâ facie gloriam Domini **SPECVLANTES**, in eamdem imaginem transformamur de gloriâ in gloriam, tamquam à Domini spiritu. **SPECVLANTES**, dixit, per spe-

SPECULVM videntes, non autem de speculâ aliquâ prospicientes.

## DESIDERIVS.

Vidésne itaque (ô dilecta, sponsi dilecti nostri foror & spôsa) SPECVLORVM istorum omnium efficaciam in hoc esse sitam; ut assiduâ eorumdem contemplatione formetur in nobis Christus, & perfectius perfectiusque signetur lumen vultus ipsius super nos? Quocircà, ad hoc admittendum est nobis; ut quandocumque introrsum oculos mentis conuertimus, illic expressam dilecti nostri faciem inueniamus: iuxta illud S. Cypriani elogium: Nos, qui Deo *Cypr.* credimus, Christum in nobis tamquam in SPECULO quodam videmus.

Nónne etiam, ô foror mea, hoc ipsum à nobis dilectum nostrum efflagitantem audimus? Pone me ut signaculum super cor tuum. Ipsius *Cant. 8* est quidem gratiam dare, & præbere signaculum; sed nostrum est illud apponere. Ideoque non dicit, Sine apponam; sed, Pone. Pete, & dabitur tibi abundantiter, & non improperabitur: oblatum accipe beneficium, & manus extende, tene quod habes, & vttere concessis, atque applica ubi est opus. Pone me ut signaculum super cor tuum; ut illud illuminetur, totumque sit Deo plenum. Et pone me ut signaculum super brachium tuum: ut quod corde diuinum sanctumque conceperis, opere exequaris, & parias.

Itaque, animosè agamus, ô anima: & si SPECULVM ÆNIGMATICVM, nos quasi per umbram, certamque perspectivam, cælestium

L

appe-

appetitu ac desiderio incendit , atque aliquousque in altum euexit ; tam salutari huic operi gnauiter incumbamus : demusque operam , vt ope diuinâ suffulti , quod proximè nunc ab illo nobis in manus venit S P E C V L V M , summam ceterorum complectens & perficiens , meditationis sublimioris adminiculo , vtcumque contemplari valeamus .

Scio , ô mea anima , magnæ istud est opis & operæ , quod molimur in præsens ; & non nisi valdè spiritualium hic vigor est animarum . Nam , vt verum fatear , non multùm absimile est ei quod de sancto protomartyre Stephano legimus : Ecce video cælos apertos ; & Filium hominis stantem à dextris Dei . Quapropter etiam opus foret , tantam ( si fieri possit ) induere virtutem ab alto , & quasi in nouam creaturam transformari : vt , qui nos luminis eius effectos participes cerneret , videret ille faciem nostram tamquam faciem Angeli .

### A N I M A .

Quid igitur , ô dilecte , consilij ; cùm tam procul ablimus ab illâ & sanctimoniaz sublimitate , & à tam angelicâ puritate ? Vtinam nunc Deus noster , nos digneris interius per temetipsum inuisere , & penetralia nostra omnia purificare , illuminare , & in temetipsum trâsfundere : nam scio te hoc indulgere consueuisse talibus animabus , quæ ad te quærendum toto se desiderio & amore solent effundere ac deuouere . Taliter suspiranti , taliter anhelanti , ac sine intermissione oranti , seque præ D E S I D E R I O afflictanti animæ , scio , scio inquam , ab expertis edocita , quòd

quòd frequenter miseratus occurras; dicasque illi, quod Zacchæo te videre quærenti: Festi-<sup>Luc. 19</sup>  
nans descendere, quia hodie in domo tuâ oportet me manere. Sicque cum illâ, cuicunque acci-  
derit, tunc deinceps agitur, ut verè dici possit: Hodie salus huic domui facta est. cantetque tum lætabunda talis anima, cum Ieremiâ pro-<sup>Thre. 3</sup>  
phetâ: Bonus es Domine sperantibus in te;  
ANIMÆ quærentite.

## DESIDERIVS.

Saluberrima sunt ista, quæ differis, anima;  
sunt & iucunda, & proposito operi perquam  
accommoda. Neque aliam video rationem:  
quia, quemadmodum nihil visibilium horum  
sine oculis & lumine videri potest; ita quoque  
nulla spes speculandi cælestia, citra illam, quam  
modò descripsisti facultatem, atque **A N I M Æ**  
**D E S I D E R A N T I S** dispositionem. Quapro-  
pter in huius tam optati conatus obsequiuū, ad-  
hibeamus (Sancto quodam id suggerente) An-  
geli quoque nostri custodis, sponsique nostri  
paranymphi consilium, & auxilium. Angelus,  
inquit, talis **A N I M Æ D E S I D E R A N T I S**,  
qui vnus est de sodalibus sponsi, in hoc ipsum  
deputatus, minister profecto & arbiter secretæ  
mutuæque salutationis; is, inquam, angelus,  
quomodo tripudiat! quomodo collætatur, &  
eiusmodi animæ condelectatur! Et conuersus  
ad Dominum, dicit: Gratias ago tibi, Domine  
maiestatis: quia **D E S I D E R I V M** cordis eius  
tribuisti ei; & voluntate labiorum eius non  
fraudasti eam. Idemque ipse est angelus noster,  
qui in omni loco, sedulus quidam pedissequus

Bern.  
Ser. 1.  
super  
Cant.

Ps. 20.

**A N I M Æ**, non cessat sollicitare eam, & assiduis  
**Pſ. 36.** suggestionibus monere , dicens : Delectare in  
 Domino : & dabit tibi petitiones cordis tui. Et  
 rursum : Expecta Dominum, & custodi viam  
**Abbr.** eius . Item : Si moram fecerit, expecta eum:  
 2. quia veniens veniet , & non tardabit . Ad Do-  
**Pſ. 41.** minum autem inquit identidem : Sicut ceruus  
 desiderat ad fontes aquarum , ita D E S I D E -  
 R A T A N I M A ista ad te Deus. Desiderauit te  
 in nocte : sed & spiritus tuus in præcordiis eius,  
**Pſ. 87.** de mane vigilauit ad te . Et iterum : Totâ die  
**Matt. 15.** expandit ad te manus suas : dimitte illam, quia  
 clamat post te . Conuertere aliquando , & de-  
**Pſ. 89.** precabilis esto super eam . Respice de cælo , &  
 visita desolatam.

Fidelis verè paranympthus, qui mutui amoris  
 conscius, sed non inuidus, non suam, sed Domini  
 gratiam quærit : discurrit mediis inter dilec-  
 tum & dilectam ; vota offerens, referens dona.  
 Excitat illam , placat illum. Interdum quoque,  
 licet raro, repræsentat eos pariter sibi : siue hanc  
 rapiens, siue illum adducens.

Hoc ecce, ô anima, est, quod volumus, quod  
 intendimus , quod toto D E S I D E R I I cordis  
 nostri sinu & complexu ambimus & concu-  
 piscimus : neque alio, quām tali pacto S P E C V -  
 L I iam nobis oblati debitum vsum & fructum  
 consequemur. Nam speculationis huius in eo  
 consistit conditio , non vt tam sensibiliter am-  
 plius per creatarū rerum species, aut parabolas,  
 & enigmatū simulacra, beatam illam visionem,  
 summiq[ue] boni fruitionem , vmbriticè con-  
 templemur; vt hactenus fecimus : neque tamen  
 sic etiam vt eam videamus , sicuti est , quod  
 viuen-

viuentibus adhuc in terris non datur: verūm, vt  
in viā ac vitâ adhuc mortali peregrinātes, quan-  
tum fieri potest, internâ mentis acie liceat in-  
tueri, sinceroque cordis affectu gustare, extre-  
misque quasi labris delibare, quām suavis sit  
Dominus; quamque bonum; & quām iucun-  
dum sit gaudium eorum, quorum sicut lætan-  
tium omnium habitatio est in te, ô Ierusalem,  
ciuitas Dei!

Rem magnam, non nescio, postulamus: sed  
tamen, ô Domine, in potestate tuâ cuncta sunt  
posita: quiisque diues es in omnibus, ac nullius  
indiges; nihilque tibi deperit, cunctis elargienti:  
nec tam quid humiles tui petitores mereantur  
attendis, quām quid tuam deceat maiestatem  
concedere.

Neque id postulamus, ô misericors Deus, vt  
altūm sapiamus, neque ambulemus in magnis  
aut in mirabilibus super nos, & nos super nos-  
ipsos subleuantes, inaniter gloriemur, aliōsve  
contemnamus: sed vt taliter in te ac per te col-  
lustrati, viuamus, iam non nos, sed tu in nobis:  
tantoque cælestium amore ac D E S I D E R I O  
deinceps flagremus, vt terrenis omnibus despe-  
ctis, omniisque vitiorum cupiditate per hanc gra-  
tiam refrenatā, imò prorsus restinctā, tibi soli  
placere studeamus: & cælestem in terrâ con-  
uersationem seçtemur.

### ANIMA.

Sed, nónne tu Domine nobis ostendis viam  
ad hanc beatitudinis vitam, tum quæ in viâ  
obtineri potest, tum quæ solum in patriâ re-  
peritur, quando aīs: Hæc est vita æterna: ve-

**104. 17** cognoscant te solum Deum verum, & quem misisti I E S V M C H R I S T V M ? Vita siquidem gratiæ , vitæ gloriæ & æternæ principium est: quia iuxta mensuram gratiæ , erit & gloriæ remuneratio.

## D E S I D E R I V S.

Rectè , ô anima : nam cognitionem Dei hîc per gratiam , beatitudinem viæ esse didicimus; cognitionem verò Dei per gloriam , esse beatitudinem patriæ . Et, quoniam cognoscere, actus intellectus est; constat, videre Deum esse intelligere. iuxta quod Sanctus quidā dicit; Summam mercedem animæ esse, intueri Deum : adeò ut visio sit tota merces. Et tametsi in hac viâ & viâ mortali, dilectio Dei perfectior sit magisque meritoria cognitione eiusdem: eò quòd intellectus in viâ non fertur immediatè in Deū, sed per speciem; voluntas autē sine vllâ specie vel similitudine in se receptâ, sed immediatè in eū referatur: non tamen idcircò in patriâ quoque dilectio vel fruitio est cognitione perfectior: quia ibi intellectus immediatè & absq; similitudine fertur & terminatur in Deum; præsupponitq; fruitio visionem, ab illaq; dependet, & non econtrariò.

**Quandoquidem** igitur clara Dei visio beatifica, immediata est visio diuinæ essentiæ ; quádo nempe intellectus illam per ipsammet videt; vt scilicet in eiusmodi visione, essentia diuina, & id sit quod videtur, & quo videtur: constat, tunc adimpletum iri, quod dicit Apostolus: **Cùm apparuerit, similes ei erimus:** & videbimus eum sicuti est. Et Paulus: Videbimus eum facie ad faciem . Item: Nunc cognosco ex parte: tunc autem

**1. Ioan.**  
**3.**  
**1. Cor.**  
**13.**

autem cognoscam, sicut & cognitus sum. **Quia**, sicut Deus nos cognoscit, absque ullâ interme-  
diâ specie aut similitudine: ita & Sancti eum vi-  
debunt, & in eo erunt ipsi similes. **Quod** &  
**D.** Petrus testatur: Per quem maxima & pre-  
tiosa nobis promissa donauit: ut per hoc efficia-  
mini diuinæ consortes naturæ. Non autem  
apparet, quomodo simus consortes diuinæ na-  
turæ; nisi ipsi immodicè vniuersamur: sicut Christus ipse Patrem orabat. Rogo Pater, ut omnes  
vnum sint; sicut & nos vnum sumus. Et quemadmodum ipse per essentiam videt se; ita nos  
quoque per eius essentiam ipsum videamus, &  
cognoscamus eum, sicut & nos ab eo cogniti sumus.

## A N I M A.

Sed, Domine Deus, quid agimus? quid quasi  
cæcutientes palpamus parietem in meridie? Da  
obsecro, ut videamus lumen: ut, quemadmo-  
dum intellectus in Sanctis in celis, ad videndum  
tuam immodicè essentiam, per suam naturam  
non potest assurgere (cum teste Philosopho, sic  
se habeat intellectus noster ad manifestissima  
naturæ, sicut oculi noctuæ ad lumen solis) de-  
beatque eapropter per aliquod donum gratui-  
tum, lumen scilicet gloriæ ad te clarè viden-  
dum eleuari; ita quoque hic adhuc in terris  
degentibus necesse sit illustrari intellectum tuæ  
gratiæ lumine, tibiique coniungi: obsecro, ne  
nos despicias in istis necessitatibus palpitantes;  
sed esto gratiæ tuæ munificus elargitor: cum  
nihil nobis aliud sit in cælo, neque præter te  
quidpiam velimus super terram. Et quemad-

modum beatitudo tua est, Domine, quâ cognoscis te; si enim non cognosceres, beatus non es: ita quæsumus tuam nobis communices gratiam & charitatem; ut in lumine tuo videamus lumen. Et quemadmodum (teste Sancto tuo) Deus, dum seipso perfruitur, perfèctè gloriosus est; sicque erit sanctis in gloriæ communicatione: ita concede, nos te hîc perfrui per gratiam, tecumque vñiri: & in te, & per te, te contemplemur; si non vt voluerimus, vt possumus tamen. Tu es enim S P E C V L V M hoc sine maculâ, quod modò habemus præ manibus.

## D E S I D E R I V S.

Sublimè tu quoque volas, ô anima: vide ea propter, ne in lucem tanti splendoris impingas, & dum nimis altiuola scrutatrix es maiestatis, opprimaris à gloriâ. Sed, benè habet, quòd tuæ conditionis memor, statim ad terram tuæ peregrinationis hospitium, te suauiter demissisti. Itaque, quandoquidem intellectu nostro non valemus comprehendere Deum, vt cognoscamus quid sit, qualique modo est incomprehensibilis: accedamus ad eum, attingamus eum, vniāmūr ei; atque ita per gratiam cum hîc cognoscemus, & in futuro per gloriam. Neque hîc quidquam corpori nobis est imaginandum, in istâ tam suavi sponsi cum sponsâ, animæ cum Deo commixtione. Illud enim hîc accidit, quod dicit Apostolus: Quoniam qui adhæret Deo, vñus spiritus est. Excessum puræ mentis in Deum, siue Dei pium descensum in animam, quibus possumus verbis, exprimimus.

Ita-

Itaque in spiritu fit ista coniunctio : quia spiritus est Deus ; & concupiscit decorem animæ illius , quam forte aduerterit in spiritu ambulantem , & curam carnis non perficientem in desiderio : præsertim , si sui amore flagrantem conspexerit.

Veni propterea dilecta mea , vnica columba mea: & cordis nostri thalamum adornemus, vt ad nos cælesti illapsu descendat ; & vnu spiritus cum ipso effecti, quæ sursum sunt , semper quæramus & sapiamus : vt puri puro iungamur , & pulchri pulchro; eiisque perpetuò sic commoremur : quia bonum est , ita cum ipso & in ipso esse, & numquam inde separari. Quò enim à te Domine ibimus ? Nam verba & dona bona æternæ vitæ habes.

### ANIMA.

Iucundissima quidem hæc vniuersa , mi frater , & delectabilia vehementer: sed , quanam viâ moliemur accessum hunc & ascensum , quem tantopere commendasti , & vnicum esse docuisti , vt Deum hîc per gratiam , & in cælis per gloriam intueamur; vt nimirum accessione istud fiat , iuxta Prophetæ consilium, Accedite & illuminamini : quonam pacto,inquam,id attentabimus? quam in partem tendemus; ad lumenne, vel ad caliginem? nam vtramque prohibetur inhabitare. Si ad lucem:lucem (inquit <sup>1. Tim.</sup> Apostolus) inhabitat inaccessibilem : quinam igitur accedemus ad eam ? Sin ad caliginem; quonam modo eum inueniemus? imò, quomo- do non enormiter offendemus , si in tenebris ambulauerimus? Edissere quæso hanc nobis

ambiguitatem: & diuide, si quo modo potes, lucem à tenebris: ut discussa hac quoque mentis nostræ caligine, lucifer in cordibus nostris oriatur; & fiat lux.

## DESIDERIVS.

Vtrumque esse verissimum, inficiari non C  
 1. Tim. possum; quia testatur Apostolus, Deum lucem  
 6. inhabitare inaccessibilem: & Psalmista similiter  
 Ps. 96. dicit: Nubes & caligo in circuitu eius: & Moy-  
 Exo. 19 ses accessit ad caliginem, in quâ erat Deus. Sed  
 Diony. respondet nobis adhæc quidam Sanctus, valde  
 diuino lumine collistratus; taliterque hanc nu-  
 bem discutit, ac vtrumque conciliat: Omnis,  
 inquit, caligo est, inaccessibile lumen. Est ergo  
 idem, quod hic lumen, ibi caligo. Sed caligo est,  
 in quantum non videtur; lumen verò, inquan-  
 tum videtur. Si que consideremus, duobus mo-  
 dis aliquid esse inuisibile; facilius ista dubij tuū  
 obscuritas dissipabitur. Vno namque modo res  
 inuisibilis est, propter se; vt sunt opaca: alio au-  
 tem modo propter rei ipsius excellentem splen-  
 dorē; sicut sol nec ab oculo noctuæ, nec quidem  
 à nostro, potest videri. Lux itaque Dei nobis  
 inaccessibilis est atque inuisibilis; partim pro-  
 pter excessu fulgoris, partim verò propter ocu-  
 lorum nostrorum internorum hebetudinem,  
 tamquam noctuarum. Itaque, ipse sibi met lux  
 est, nobis autem caligo & tenebrae: ipsi, sicut te-  
 nebrae eius, ita & lumen eius: quia vnum &  
 idem est; nobis verò duo apparent: quia in ipso  
 lumen immensum esse conspicimus, & in no-  
 bis densam caliginem, à tanto splendore reper-  
 cussam & accessu prohibitam.

Quo-

Quocircà, quamdiu, quod de Deo dicimus, etiam intelligimus & vt cumque comprehen-dimus; in luce quadam versamur: Deus autem posuit tenebras latibulum suum: atque ideo ignorantiæ nostræ lucem intrare necesse est, donec diuini splendoris caligine occæcati, cum Prophetâ clamemus: Cor meum & caro mea defecerunt in Deum meum. Vnde Plato, diuinus quibusdam philosophus, propter eximiam eiusmodi rerum altiorum indaginem, appellatus; cognitionem veritatis summum hominibus bonum esse affirmat: quæ cùm perfectè contingere in hac vitâ nequeat, fit, vt difficile putet, viuentem aliquem verè posse beatum dici: magnam tamen esse spem, vt eam cognitione assūquamur vitâ functi, liberi iam corporis vinculis, & impedimento ad res mente comprehendendas maximo. Cùm ergo vitâ discesserimus, si modò purgati exeamus, tunc VERVM ipsum, & id quod verè est, Deum videlicet, intuentes, fruemur re nobis tantopere concupitâ.

Sed, ybinam es, anima mea? quid agis? quid ad hæc inaudita respondes? An sicut qui ex resplendentis lumine solis in domum repente regrediens cæcutit & in tenebris versari sibi videntur; ita tibi à tam micanti S P E C V L A T A R V M R E R V M fulgore in temetipsam reuersæ, caligo oboritur, acie oculorum perstrictâ, maiorisque lucis offensione hebetatâ? An verò, dum ista quæ supra te sunt, te sursum abripiunt; & vicissim, quæ iuxta vel infra te sunt, deorsum trahunt; inter utrumque quasi suspensa hærens, an in corpore, an extra corpus tibi eueniant, nescis?

Exurge, exurge, mirabilis contemplatrix, & in

in pedes te erige. An modum inquiris? Danielis D prophetæ deliquum & erectionem tibi ob oculos pone, certo boni successus solatio, atque adeò argumento; cùm vehemens D E S I D E R I V M vtrique hanc animi viriumque defectionem procurarit. Sic ipse de se fiderenter testatur & candidè: Vidi ego Daniel solus visionem. Porrò, viri qui erant mecum, non viderunt; sed terror nimius irruit super eos, & fugerūt in absconditum. Ego autē relictus solus vidi visionem grandem hanc: & non remansit in me fortitudo: sed & species mea immutata est in me, & emarcui; nec habui quidquam virium. Et audiui vocem sermonum eius; & audiens, iacebam F consternatus super faciem meam; & vultus G meus hærebat terræ. Et ecce: manus tetigit me, & erexit me super genua mea, & super articulos manuum mearum. Et dixit ad me: Daniel, V I R D E S I D E R I O R V M, intellige verba, quæ ego loquor ad te; & sta in gradu tuo: nunc enim sum missus ad te. Cumque dixisset mihi sermonem istum, steti tremens. Et ait ad me: Noli metuere Daniel: quia ex die primo, quo posuisti cortuum AD INTELLIGENDVM, vt te affligeres in conspectu Dei tui, exaudita sunt verba tua, & ego veni propter sermones tuos. Noli timere, V I R D E S I D E R I O R V M; pax tibi. Confortare, & esto robustus. Cumque loqueretur tecum, conualui, & dixi: Loquere Domine mi; quia C O N F O R T A S T I me. Ita tu quoque, ô anima mea, confortare, & esto robusta: & audi loquentem in te Dominum tuum, qui te debilem & pusillanimem restauabit consolidabitque.

## ANIMA.

Sit nomen Domini benedictum in sæcula; qui facit mirabilia solus: & benedictum nomen maiestatis eius in æternum; quia repletur maiestate eius omnis terra.

## DESIDERIUS.

Fiat, fiat: nam verè benedictus Dominus Deus Israël: & laudabilis, & gloriosus in sæcula.

At nunc, ô anima, quandoquidem (vt iam antè plus seimel audiuimus) adhuc istâ mole corporis grauati, ad superna SPECVLANA, quantumuis nitamur, subuolare non possumus, vt ibi SPECVLVM SINE MACVLA, Dei maiestatis, qui est candor lucis æternæ, & imago bonitatis illius, contemplemur; ad speculi tam illustris ac incomprehensibilis specimen ac speculum humiles reuertamur, propriæque infirmitati condescendentes, vnum per alterum, vt homini datum est, consideremus. Admiremur, obstupeciamus, ac veneremur figuram; atque ex eâ rem ipsam repræsentatam maiori quoque honore & amore prosequamur, tametsi adhuc à nobis remotam.

H Modum huiusmodi SPECVLATIONIS nosse desideras? Audi, quid de templo Salomonis, atque admirandâ diuinæ præsentiae maiestate, Scriptura commemoret: Factum est, cùm exissent sacerdotes de sanctuario, nebula imp. reg. pleuit domum Domini: & non poterant sacerdotes stare & ministrare propter nebulam. Sed hæc, quæsto, quæ nebula? quæve tanta caligo? Non alia, quam illa quam suprà meminimus: lucis

2. Par. 5. lucis videlicet , modum omnem humanum excedentis . Audi Scripturam : Impleuerat enim gloria Domini , domum Domini . Atque ut idem admirabile factum describitur: Cūctis pariter & tubis, & voce, & cymbalis, & organis, & diuersi generis musicorum concinentibus, & vocem in sublime tollentibus ; longè sonitus audiebatur : ita , vt , cūm Dominum laudare cœpissent , & dicere ; Confitemini Domino, quoniam bonus, quoniam in æternum misericordia eius ; impleretur domus Dei nube , ne possent sacerdotes stare & ministrare , propter caliginem . Compleuerat enim gloria Domini , domum Domini . Vidēsne , ô Anima , specimen non obscurum cælestis gloriæ in terrâ resplendescens?

## ANIMA.

Pf. 83. 3. Reg. 10. Matt. 25. Quām dilecta tabernacula tua, Domine virtutum ! Concupiscit & deficit spiritus meus in atria Domini . Non solūm etenim mihi , dum hæc audio, videre videor Regem Salomonem in omni gloriâ suâ , atque in inenarrabilisapien- tiâ, varietate, ordine, splendore, atque omnium rerum opulentiaâ , ob quorum omnium excellētiam Regina Saba non habuit vlrâ spiri- tum , vt exclamaret ; Beati viri tui , & beati serui tui hi , qui stant coram te semper , & audiunt sapientiam tuam : verumetiam mihi specimen aliquod atque exemplar intueri sum visa , admiri- randi illius ingressus in paradisum Dei , de quo ipse met Domine fidelibus seruis tuis dixisti: Euge serue bone & fidelis , INTRA in GAV- DIVM Domini tui.

Quem-

Quemadmodū enim cunctis pariter citharis, organis, vocibus, tubis & cymbalis, omnisque generis musicorum concinentibus, voce inque in sublime tollētibus, insuper etiam gloria Domini adimplebat domum Domini; adeò, ut plena essent omnia maiestate, melodiâ, suavitate & iubilo: ita quoque imaginor, (quamdiu Speculum utendum est nobis) intrare in gaudium, esse repleri gaudio, interius & exterius: sicut qui intrant in eiusmodi templum, plenum melodiâ, plenum ornatu, thymiamate fragrans, thure odorifero plenum, omniisque repletum decor & gratiâ; necesse est, introeuntes & intrare in medium illorum omnium, & illa similiter vniuersa intrare in ipsos, quâ datur viâ: quæque nimirum per organum suum: dulcem sonum per aures: per oculos amœnum adspectum ibi videndorum: odorem gratissimum per nares: per os verò omnesque corporis meatus & poros, delectabiles aromatum species; & quidquid vlo hominis sensu atque intellectu iucundum & gratum percipi potest.

Tunc enim iuxta Gregorium, ad Domini sui gaudium perfectè intromittitur; quando in æternam illam patriam assumptus, atque Angelorum cœtibus admixtus, sic interius gaudet de munere, ut non sit quod exterius doleat iam de corruptione. Quid enim, inquit Hieronymus, maius potest dari fideli seruo, quam esse cum Domino, & videre gaudium ipsius? Dominus namque, iuxta Chrysostomum, per hoc verbum ( gaudijs nempe ) omnem beatitudinem ostendit. Hoc enim, ait Augustinus, erit plenum gaudium nostrum, quo amplius non est: F R V I  
D E O,

DEO, TRINITATE; ad cuius imaginem facti sumus. Hæc, inquam, omnia in præsentí SPECVLO mihi visa sum contemplari.

## DESIDERIVS.

Quantum equidem existimare possum, ô anima, tale quid in æternâ Beatorum gloriâ liceat speculari; sicque fideles animas in gaudium Domini sui intrare, vt omnia quoque quæ cælestis sunt beatitudinis & gloriæ intrent in ipsas, & sit Deus omnia in omnibus. Sed, quis ita sapiens vt intelligat hæc? Existimabam equidem, vt  
 p. 72. cognoscerem hoc: verumtamen labor est ante me: donec intrem in sanctuarium Dei; & intelligam in nouissimis eorum: quæ beato fine laborem omnem, exilium, peregrinationem, & lugendam hanc afflictionem incolatus istius concludent: post quæ læta, luctus non erit ampliùs, nec ullus dolor, sed gaudium sine tristitia, bonum citra mali mixturam, regnum pacatum, securum, & æternum, felicitas citra ullam miseriā; vita beata, mortis & luctus expers; perpetua cum sanctis angelis choroque cælesti iubilatio, absque ullo mœrore: intrabunt Sancti in gaudium, in gloriam, in iubilum, in bonum incomparabile & summum; & ipsi pleni hisce vniuersis, sunt ita sine fine mansuri.

## ANIMA.

O mi Frater, vitæque huius fidelissime comes, & ad beatam illam vitam coniunctissime conspirator, ac D E S I D E R A T O R! Cor meum & caro mea exultauerunt in Deum viuum. Et quandoquidem vñanimi consensu ac studio in

in hunc scopum collimamus: absit procul ea-  
propter; absit inquam, fratris illius maioris in- Luc. 15  
grata & obstinata contemtio, nolentisque in  
domum paternam iubilo plenam intrare fasti-  
dium: sed potius festinemus ingredi in sanctâ Hebr. 4  
illam ciuitatem, in illam requiem. Nihilque sit,  
quod nos vlo modo ab hoc conamine rem o-  
retur: non caro, non mundus, neque ipse iuratus  
hostis salutis nostræ diabolus: sed, constanter,  
cum magnâ fiduciâ, spe pleni, ac charitate fer-  
uentes, nec à dextris nec à sinistris declinantes,  
regiâ crucis viâ, Deo duce, procedamus de vir-  
tute in virtutem; donec **V I D E A M V S D E V M**  
**D E O R V M I N S I O N;** hoc enim **D E S I D E-**  
**R I V M N O S T R V M.**



## CONCLVSI O,

*cum pio ad D E V M , ad B. M A R I A M  
V I R G I N E M , & ad A N G E L U M  
T V T E L A R E M Alloquio.*



V I D dicam tibi, Domine Deus, consummato iam tandem s p e c v l o r u m opusculo? Gratias tibi quidem ingentes ago, quod qualequale est illud, à te totum profectum sit: at ego, vt quod res est confitear, multum in memetipso confundor; quod tam parum, pro meo primo proposito, sim affecutus quod intendebam. Neque tamen id tam quoad s p e c v l a t i o n e m , & scriptum quod tibi, vt par est, acceptum fero; quam quoad executionem & p r a x i m , quæ meliorem meam operam requirebant. Animus siquidem erat (vt nosti Domine, quia te illum mihi indidisse confido) ita SPECVLORVM istorum naturam, artificium, varietatem, atque usum, mihi potius quam aliis adumbrare; vt illorum per ordinem contemplatione, sic me iuxta eorumdem consilium & auxilium, interius exteriusque compararem, quatenus nihil in me maneret, quod vel diuino tuo conspectui displiceret, vel quemquam proximorum offenderet: iuxta salutare illud Apo-

*2. Cor.* stoli monitum & exemplum: Prouidemus  
*3.* enim bona, non solùm coram Deo, sed etiam coram hominibus. Hoc inquam propositum: sed, qui praxis respondeat, tu scis Domine,

in

in cuius conspectu vniuersa sunt posita.

Quid igitur dicam , aut quid respondebo tibi , dicturo mihi : De ore tuo te iudico , serue nequam . Sanguis tuus super caput tuum : os enim tuum locutum est aduersum te : dixisti , & non fecisti . Qui ergo alium doces , teipsum non doces ? O Domine , totum verum est ; & culpam agnosco . Quia quemadmodum confunditur fur , quando deprehenditur : sic confusus sum ego , in errore meo tam cvidenti deprehensus . Nam dum per singula decurrendo , tandem visus sum aliquatenus nubes penetrare & cælum , visionemque beatificam diuini tui vultus à longè vel attingere vel saltem salutare ( quantum nempe cæcutienti licuit hallucinando palpare , atque aggrauatis auribus haurire , atque muto balbutiente lingua proferre ) ecce , vix benè primum & imum huius scalæ gradum , mei ipsius inquam cognitionem , PRACTICÆ vi- tæ vestigiis premere cœpi .

Consideravi quidem omnia SPECVL A : sed cheu ! postquam vidi in eis vultum natuitatis meæ , (vitæ nimirum meæ , quam ab ortu natalis mei in hunc usque diem deduxi ) tam fœdum , tam deformem , tam distortum , atque à suo prototypo vultus tui degenerantem ; erubui quidem , fateor , in memetipso vehementer , mihi que ipse displicui , & dolui non parum ; nam hoc totum tuum fuit : sed , quoad me ; statim abij , & ( heu miserum me ! ) oblitus sum , qualis fuerim . Nolo tamen , ô Domine , animuim despondere ; sed in infinita tua bonitate spem collocare .

Scio , quid faciam : si modò consilium meum

tuâ gratiâ, quasi manu opitulante, comitari ac dirigere non graueris : quod te facturum confido, cùm omne bonum à te sumat originem; & nolis mortem peccatoris, sed magis ut conuertatur & viuat. In primis, hoc faciam, ô clementissime Domine ; MEMINERO ME DEPREHENSVM: & inter tot SPECVLORVM (meliorum potissimè) claritatem, me adhuc in densâ mearum infirmitatum caligine mansisse palpantem. Eapropter, humiliter veniam depreccabor, quòd in terram prostratus facio; atque tali pacto, spem, animum, atque adeò rem ipsam neglectam sum resumturus. Idque hac lege & mente : vt, quod primariâ SPECVLO-RVM fabricâ ac dispositione me facturum speraram, illud saltem secundariâ eorumdem reuisione resarciam. Et, si sperata non venit ipsimet auctori inter scribendum vtilitas; ei saltem, communis cuius lectori, inter legendum proueniat.

Quocircà, piissime Domine, scrutator cordium & informator, ne deneges hanc seruo tuo misericordiam; in quâ solâ spes omnis mihi est reliqua : vt SPECVL A ista frequentius pertractando, & defectus proprios videam, visos agnoscam, & agnitos incessanter corrigere studeam: vt corde mundato, & purificatâ mentis intelligentiâ, ad tuæ voluntatis cognitionem magis magisque illuminer; atque ad eamdem opere adimplendam, quam promptissimè manus & pedes expediam. Cùm autem nihil de meispo, meisque viribus ac conatibus, possim præsumere ( nam præter bonam voluntatem, quæ à te quoque venit, nihil in me nisi defeturum

Qum inuenio) in multiplici tuâ gratiâ, ac immensâ bonitate, solatium meum omne requiescit. Tu namque mihi hoc. D E S I D E R I V M tibi placendi ac seruiendi tribuisti; à te quoque virtus perficiendi debet procedere. Testis namque es Domine conscientiæ meæ; quod per mille tormenta, ipsumque adèò pro te mortis supplicium, sincero videndi te aliquando in gloriâ D E S I D E R I O , meque ad beatificam illam & peroptatam visionem præparandi studio, de S P E C V L I S ista concipere cogitarim; sicut spôsa se ornat viro suo: sed, ô torporem meum, & inolitam deorsum trahentem, & terrena faciliùs quâm cælestia meditantem, consuetudinem, in alteram mihi quasi naturam versam; cùm propria plus satis faceffat negotij!

Quapropter, ô Domine Deus, Creator ac Redemptor meus; qui nihil odisti eorum quæ fecisti, quique solo nutu restauras vniuersa; suscipe piuum clientis tui votum, quod non nisi tuæ gloriæ, suæque salutis augmento concepit: quique dedisti velle, da quoque & perficere: ut in oculis tuis inueniam gratiam in terris, & à tuâ gloriâ non excludar in cælis.

## AD BEATAM MARIA M.

A D te quoque, cum quanta possum humilitate ac deuotione, me conuerto, ô sanctissima Dei genitrix, virgo MARIA! Ego siquidem indignus sum quem clementissimis tuæ pietatis oculis respicias: sed necessitates meæ multæ & magnæ me compellunt aliunde & foris opem implorare; cùm domi, & à memetipso

sim omnis inops auxiliij, & consilij expers: imò, cùm ego sim mihi metipsi grauis. Et, quò me post Deum, omnis boni auctorem & datorem, pro patrocínio conuertam consultiūs; quām ad te matrem gratiæ, matrem misericordiæ, plenam omni solatio ac dulcedine; quæ apud Dominum meum I E S V M C H R I S T V M, Verbum ex te incarnatum, verbum habes indulgentiæ ac prærogatiæ singularis plenissimum? Tu itaque, ô clemens, ô pia, ô dulcis virgo M A R I A! succurre nunc mihi misero & desolato; ut non confundar, cùm perspexero in omnibus mandatis Dei, neque reprober à filiis eius.

Composui, fateor, mihi quæ ipsi præfixi d v o D E C I M S P E C V L A, quorum adspectu & maculas mentis cognoscerem, & illis detersis nitidior coram Domino meo Rege vniuersorum, vero Salomone, filio tuo, apparerem; tali quæ modo in ipsius Regni consortium introitem: &, ecce, æquè deformis, imperfectus, & abominabilis maneo. Videor mihi quidem subinde defectus meos videre, præsertim dum S P E C V L V M P R O P R I A E V I L I T A T I S, & E X E M P L A R E S A N C T O R V M intueor: sed non solum non emaculo corrigóve; verum etiam credo, quamplurimas animi maculas me etiam examinatissimum fugere, neque umquam in proprium conspectum venire. Istud autem sic se maximâ veri similitudine habere, hoc mihi argumento persuadeo: quod ego quoque (& malè quidem) in aliis aliquando tamquam errata quædam considero, quæ ipsimet non solum non agnoscunt, sed quantum suomet indicio se ipsi produnt) sibi optimè illa fecisse vel dixisse videntur;

tur ; quod ego quoque , fateor , ita interpretari deberem , etiamsi forte forent illa non solum coram Deo , sed etiam coram peritis , reprehensioni obnoxia . Ita vice versâ , non dubito , quin alij quoque in me multa verè improbanda animaduertant ; in quibus equidem non solum nihil culpæ inesse existimo , verum etiam in quibus mihi bellè rem gessisse persuadeo . Ita ecce ,  
**S P E C V L V M C O M P L A C E N T I Æ** omnem iudicij boni ordinem in nobis inuertit : quod utinam non singulis momentis , singulis saltim rebus agendis , & obeundis muneribus , vsu veniat.

Hanc igitur , ô Domina mea , sancta M A R I A , mihi ab vnigenito tuo I E S U C H R I S T O , omnis gratiæ fonte , gratiam impetra ; (quid enim negabit tibi?) vt illo oculorum acuminè , quo in aliorum mores tam cerno acutum , proprios defectus expendam , deprehensos agnoscä , & agnitos oderim : vt , quod in me , propter Domini mei amore , odi ; eadem Dei gratiâ adiuuante fideliter corrigam . Hæc autem tria **S P E C V L O R V M** istorum adminiculo consequi , tuâ intercessione , desiderem : vt in primis salutis sim propriæ studiosus amator & obseruator : tum vt in proximi quoque salutem assiduâ flagrem charitate : postremò verò (quod tamen caput est) vt Dominum Deum in conspectu meo habeam semper , eiique verâ dilectione adhæream : vt hîc ipsi coniunctus per gratiam , in cælis eidem aliquando inhærescam per gloriam : te verò , ô Domina mea M A R I A , pro tali tantoque obsequio & beneficio , dignâ semper reuerear veneratione .

## AD ANGELVM TVTELAREM.

**T**Vque beate spiritus , Angele , mihi diuina disp̄satione ac benignitate custos deputate; hac in curâ ac sollicitudine meâ, mihi quæso specialiter auxiliari digneris. Scio, atq. confiteor; ingratitudo erga te meâ, non hanc quam modò deposco, meretur gratiam : verumtamen, quid necessitas in quâ constitutus sum postulet , potius quæso considera , quâm quid mea indignitas mereatur. Et quidem, te consule, duce, atque adiutore, spero in posteri in meliora me sectaturum, daturumque operam , vt conatus meus melius tuæ curæ respondeat.

Oro igitur te per illum, quem habetis omnes angelici spiritus, ciuesque cælici, erga genus nostrum, affectum , ardenterque charitatem ; vt hoc mihi cælestè donum te satagente donetur, quatenus hisce s p e c v l i s , sic à me digestis in ordinem, ipsemē taliter vti queam, vt vitiis & defectibus propriis detectis ac deprehensis, non cessem, donec exterminentur . Vt te instigante, adiuuante , & mecum contra nocentes & aduersantes mihi depugnante, dicam : Persequar inimicos meos, & comprehendam illos: & non conuertar, donec deficiant. Confringam illos , nec poterunt stare ; cadent subitus pedes meos . Vt instar Iosue , quinque sensibus meis (ceu quinque regibus , vitiorum cunctorum exercitus ductoribus ) substratis , triumphem: vincentique detur manna absconditum, & nomen nouum : quod nemo scit, nisi qui accipit: vt s p e c v l a t o r e s facti gloriæ Dei, tecum in æternum collætemur. Amen.

Apoc. 2

# INDEX R E R V M.

## A

- A**ccedendum ad Deum , ut illuminemur.  
fol. 88. & seq. 97.100.150.168.169.  
Acco vetula, sibi in speculo arridens & confabulans. 17  
Adhaerendum Deo, ut unus cum eo spiritus efficiaris.  
13.97. 109.168  
*Adolescentum vecordia, se consilio speculi refingentium  
in feminas.* 9.10.52.65  
*Adolescentum quorumdam vesanus erga mulieres amor.*  
35.37. & seq.  
*Adulans & simulata libertas.* 62  
*Adulatorum pernicios.* 59.60. & seqq.  
*Ænigmaticum speculum.* 143. & seqq.  
*Amani superbientis ruina.* 47  
*Amphora contrita, humilitatis figura.* 79.  
*Angelorum latitia, in peccatoris couersione.* 151. & seqq.  
*Angelus, animæ desiderantis patronus, & ad Christum  
paranymphus.* 16;  
*Animæ desolatae & peccatricis vastitas, & miseranda  
conditio.* 84  
*Animæ querentis Deum D E S I D E R I V M.* 1.69.89.  
90.97.99. Idem ferè in singulorū capitum exordio.  
*Animæ querentis Deum, deliquium.* 69.97. & seq.  
*Antiochi superbi depresso & clades.* 47  
*Antonius Pauli consideratione profecit.* 138  
*Archimedes speculo naues hostium incendit.* 30  
*Ardentia virtutum specula.* 38.39  
*Auditores & non factores verbi, S P E C V L A T O R E S  
mali.* 3.76

## B

- Basilisci conditio, visu necantis.* 33. & seq.  
*Beatitudo, & beatifica visio, in quo consistat.* 166. & seq.  
175

INDEX RERUM.

- |   |     |
|---|-----|
| <i>S. Bernardinus adhuc puer, de mulierum periculis mo-</i> | 35  |
| <i>nitus.</i>   |     |
| <i>S. Bernardo arbores magistri suere.</i>                  | 103 |

C.

- |  |                 |
|--|-----------------|
| <i>Cæci loti videntisque sequendum exemplum.</i>                     | 87              |
| <i>Carbunculus, lapis, morbus, &amp; vitis exitium.</i>              | 30. & seq.      |
| <i>Cautela aduersus laudem propriam.</i>                             | 50. 58. 64      |
| <i>Chamaleontis &amp; polypi fraudes.</i>                            | 24. & seq.      |
| <i>Charitas timorem expellit.</i>                                    | 154. & seq.     |
| <i>Christi mors, vita multorum.</i>                                  | 145.            |
| <i>Christus in Sanctos refulxit, ut sol in clypeos aureos, &amp;</i> |                 |
| <i>resplenderunt montes ab eis.</i>                                  | 145             |
| <i>Christus Magdalena, &amp; duobus discipulis in Emmaus,</i>        |                 |
| <i>quasi per SPECULVM ENIGMATICVM appa-</i>                          |                 |
| <i>puit.</i>   | 148. 149        |
| <i>Christus se occultando, feruentius inquiri facit.</i>             | 150             |
| <i>Christiane femina speculis uti non solent.</i>                    | 16              |
| <i>Christianus, speculum Christi &amp; Dei.</i>                      | 131. & seq. 161 |
| <i>Cineram cærenonia inculcatur.</i>                                 | 77. & seq.      |
| <i>Cinis, typus humilitatis.</i>                                     | 78              |
| <i>Cognitionis Dei, hic &amp; in patriâ, differentia.</i>            | 159. & seq.     |
|  | 147.            |
| <i>Complacentia surculus semper repullulans.</i>                     | 49              |
| <i>Complacentia fraus ac detrimentum</i>                             | 43. & seq.      |
| <i>Complacendum Deo.</i>   | 41              |
| <i>Concaui &amp; conuexi speculi differentia.</i>                    | 28              |
| <i>Conformatitate opus ad videndum Deum. In Preambulo.</i>           |                 |
| <i>Conflagratio domus, solari radio per fenestram vitream</i>        |                 |
| <i>vstulante materiam.</i>   | 30              |
| <i>Conflagratio nauium hostilium, speculi ope.</i>                   | 30              |
| <i>Conscientia rigida disquisitio.</i>                               | 78. 80. & seq.  |
| <i>Consolatio animæ desolatae.</i>                                   | 69. 100. & seq. |
| <i>Consolatio, in omni angustiâ &amp; casu parata.</i>               | 111. & seq.     |
| <i>Contemplari, quid sit, &amp; unde dicatur.</i>                    | 67              |
| <i>Continentia, per modum prosopopœia, Augustinum ad</i>             |                 |
| <i>sui amorem &amp; cultum exhortans.</i>                            | 139             |
|  | Con-            |

INDEX RERUM.

- Conuersio peccatoris Angelis gaudium parit. 151. & seq.  
 Conuinum caeleste, Christo ministranti. 155  
 Cordis sanatio, purgatio, incensio, rectificatio & corona-  
     tio, per S. Scripturæ præsidium. 124  
 Creatura, speculi vice nobis subseruiunt. 101. 106.  
     & seqq. 114  
 Creaturarum consideratio, scala instar, exulibus. 101.  
     102. & seq.  
 Crocodili lacryma, adulantium blanda nocentia. 60

D

- Demonis præstigiis, facies amatorum carnalium in spe-  
     culo representatae. 22  
 Demonis astus, in sexu fragiliori primūm temptationibus  
     explorando & impugnando. 44  
 Danielis visio & ecstasis, anima desideranti applicata.  
     172  
 Decem virginum parabola cœlesti latitiae applicatur.  
     153. & seqq.  
 Decipi quis sciens & videns velit. 24  
 Deitas & Diuinitas qui distinguantur. 106  
 Demosthenes sibi in mulierculæ laude complacuit. 63  
 DESIDERII videndi Dei inflammatio. 1.69.89.90.  
     97.99.162.164. & seq. Vide quoque Præambulum.  
 Deus in luce inaccessibili & in caligine habitat. 169.  
     171. & seq.  
 Domus ab immundo spiritu liberata, mundata, & orna-  
     ta, sed tamen vacua, dolendus euentus. 93  
 Due tabule Moysis, cum duobus Testamentis, gemino  
     speculo comparantur. 115. & seq.

E

- Ecclesia Catholica S. Scripturam inuiolatam tenet. 129  
 Eclipsis, speculi ope, inoffensè conspicitur. 29  
 Elephanti, sanguine mori & vna conspecto incensi, imi-  
     tandorum exemplorum dant symbolum. 140  
     Esther,

INDEX RERVM.

- Esther coram Assuero confernata, anima amantis, deli-*  
*quum passa, typum prabet.* 98  
*Eucastice, picturæ genus, quod inurendo conficitur.* 32  
*Exempla Sanctorum imitanda.* 137  
*Exemplare speculum.* 127  
*Exemplorum efficacitas.* 138. & seqq.  
*Exemplum Christi & Mariae perfectissimum.* 134.  
 & seqq.  
*Exili⁹ & peregrinationis istius miseria.* 41. 66. 70. 75. 99.  
 Vide etiam in Præambulo.

F

- Facierum comtarum & luxuriosarum cruciatus.* 10.  
*Facies mentis, piâ speculatione fit pulchrior.* 27. 56. 88.  
 & in Præambulo.  
*Facies Dei in corde Christiani fulgere debet.* 131. 161.  
 & seq.  
*Fallacia specula varij generis.* 14. & seqq.  
*Fallere fallive malintne aliqui, dubium.* 24  
*Fâstus Roboam inconsultus, consilio iuuenum nixus.* 61  
*Fâstus & vilitatis propria antithesis.* 45. 48  
*Felicitas hominis duplex, speculativa & practica.* 71  
*Festuca in trabem conuersio, & econtrario.* 81  
*Fili⁹ prodigi conuersi parabola, celi latitiae comparata.*  
 152

- Flamma excrescens infusa lymphâ deprimitur, & su-*  
*perbus humiliatur.* 78  
*Formæ studium, neglectum anima parit.* 17. & seq.  
*S. Franciscus ouicula exemplum imitatus.* 140  
*Fratris filij prodigi vecordia & indignitas fugienda.* 177  
*Fredericus Princeps, cocles, se ad speculum animabat.*  
 140

G

- Gaudium Domini in celis, incomprehensibile.* 175  
*Gloria Domini implebat domum Domini.* 173. & seq.  
*Gloria inanis, etiam ex defectu captata.* 50. & seqq.  
 Glorie

INDEX RERVM.

- Glorie vana stultitia*: Vide *Vanitas*.  
*Gratia lumen, intellectum videndo Deo adaptat*. 55.69.  
 70.99. & seqq.  
*Gustus diuine praesentiae diversimodus, hic in Sanctorum palato, unde*. 160.

H

- Herodes superbiens, à Deo percussus*. 64  
*Holofernes, oculorum suorum laqueo captus*. 38.58  
*Hominis inter omnia creatarum in laudādo Deo socratio*. 114  
*Hominis miseria innumeræ*. 73. & seqq.  
*Homo ad imaginem Dei formatus, speculum eius est*. 131.  
 & seqq.  
*Humanæ structura nobilitas & vilitas*. 73  
*Humiliatio superborum se efferentium*. 47.51.72.76  
*Humilitas in multis quidem libris docetur, sed non datur*. 134. & seq.  
*Humilitas vera, vilitas propria*. 72. & seq. 77  
*Humilitatis sublimitas & celsitudo*. 77  
*Humilitatis necessitas*. 83.133

I

- Iacobus anachoreta, lascivas deformitate puniuit*. 95  
*I E S V S, speculum & exemplar perfectionis*. 132  
*I E S V S, sonat hominem omnimodis absolutum*. 132  
*Ignis, speculo excitatur*. 28.30  
*Imitationis efficacia*. 138. & seq.  
*Incendiariorum astutiam imitatur diabolus*. 37.44  
*Incendium vanæ gloriae, speciosis paradisi consumptis, scintillas ambitionis in omnem humani generis slobalem late iactauit*. 44  
*Ingratitudo summoperè fugienda*. 92. & seq.  
*Intellectus nostri illuminatio*. 55.56.69.70.99. & seq.  
*Intrare in gaudium Domini, cui rei comparetur*. 176.  
 & seq.  
*Inuidia, basilisci instar*. 34  
 Ira

INDEX RERUM.

- > *Ira quomodo speculi ope deprehendi & corrigi queat, & ita de aliis vitiis.* 5. & seq.
- Iracundia ex oculis emicat.* 5. 34
- Iris, seu arcus caelestis, imperfecta solis imago.* 3
- Judith constantia, in propria laudis encomiis audiendis.*
- Innonis & Isidis pompa, speculis adornata.* 65

L

- Labor & dolor, ac miseria vita humana.* 73. & seqq.
- Labri aenei ex speculis confecti mysterium.* 87
- Lamina thuribulorum altari affixa, quid memorent.* 88
- Lauandum cor à malitia.* 85. 90
- Laudis aliena studiosa captatio.* 62. 65. & seq.
- Laudandus Deus in omnibus.* 113
- Leprosi mundati & grati exemplum imitandum.* 89. 93
- Leprosi mundatio imitanda.* 89. & seq. 91
- LEX LVX, speculum sacre Scripturae.* 120
- Liber, ut magister optimus, Christus; dans quod docet.*
- 134. & seq.
- Libertas fucata & adulatoria.* 62
- Libri, SPECVLI titulo insigniti.* 116. & seq.
- Lilia agri, & volucres cali, nos docent.* 109
- Lucifer sibi complacens, Iapsus est.* 43
- Luciferi lapsi metamorphosis.* 47
- Luminare maius & minus, I E S V S & M A R I A.* 136
- Luminis mentis, desiderium.* 55. 69. 70
- Luna stultique conformitas.* 16. & seq.

M

- Machabaeorum deuotio, in loco sancto mundando.*
- 84. 85
- Magistro stulto vtuntur homines sui iudicij.* 51
- Mala sponte nascantur, & discimus: bona è contrario.*
- 80

Manum

INDEX RERUM.

- Manum in sinum conscientia mitte, & leprosam extra-  
hes.* 80
- M A R I A virgo, virtutum exemplar singulare.* 137
- Maria Magdalena, & Maria Moysis collatio.* 92
- Marmorea Hecate tanti splendoris, ut spectantium ocu-  
los laderet.* 29
- S. Martinus in nudo Christum operiens ouis exemplo.* 140
- Meliorum doctiorumque consideratio, quam utilis.* 138
- Memento homo, quia puluis es, & in puluerem renerte-  
ris: meritò expendendum mortali.* 76
- Mendax & fallax speculum, varij generis.* 14. & seqq.
- Misericordiae imploratio.* 97
- Monstrosa quorumdam speculorum effigies.* 21
- Mulieres in lasciuia pœnam, deformes effectæ.* 95
- Mulier tactu viscus, visu basiliscus.* 35
- Mulieris impudicæ obtutus, & demonis halitus, prunas  
in corde viri, coniunctis operis, ardere faciunt.* 37
- Mulierum profunio, nihil in omnibus noxiis nocentius;  
& hoc tamen nutritur fœtus, gestatus in utero.* 74
- Mundandum quod intus & deorsis est.* 94
- Mundandum cor, & vngendum.* 85. & seq.
- Mundus, fallacium speculorum fallaciſſimum.* 19. & seq.
- Mundus vult falli & fallere.* 24
- Mundus, à Sanctis, ut è celo despicientibus, parui fit.  
130. & seq.*
- Mundus bullaris in conchâ, typus inanis gloriae.* 20

N

- Naamani mundandi iudicium proprium emitandum.*  
86
- Naboth iniuste interemptus à Iezabel.* 59
- Nabuchodonosor pueros immaculatos quarebat, Deus  
autem mundos facit.* 89. 91
- Naturæ prudentia, in parte hominis speciosiore propa-  
lam exponenda.* 43
- Noëmi*

- N**oëmi modesta humilitas, & laudis fuga. 64  
**N**otitia sui, Deum aliquando videre volenti, cum pri-  
  mis necessaria. In Praeambulo.  
**N**uptiarum regalium parabola, cœlestibus epulis appli-  
  cata. 155

## O

- O**culi mulierum, specula vulturantia. 34. & seq.  
**O**culi alieni, speculum laudis & adulatio[n]is. 55. 58.  
  & seq.  
**O**culus, naturæ speculum: &, speculum, artis oculus. 85  
**O**perum Dei quam utilis consideratio. 101. 104. 107.  
  & seq.  
**O**perum Dei neglectus meritò puniendus. 112  
**O**tho Imperator, speculo vtebatur in bello. 42  
**O**nicula exemplum, ex duabus tunicis alteram dantis  
  non habenti, iuxta Euangelium. 140  
**O**nis perditæ & inuentæ parabola, cœlestium gaudio ap-  
  plicata. 152

## P

- P**arabolarum sublimitas & efficacia. 151. & seqq.  
**P**arasitorum nocentia. 59. & seq.  
**P**auonis speculatio utilis. 76  
**P**eccati miseria. 81. 84. & seq.  
**P**eccati carnalis, obscenitas. 80  
**P**edum lotio supereft, ceterum lotis. 93. & seq.  
**P**eregrinationis huius miseria. Vide Exilium.  
**P**erficiendum in lege Domini, ad rectè speculandum.  
  122. & seq.  
**P**hilanthria pernicies. 46  
**P**lato inebbat discipulos ebrios se in speculo contemplari.  
  6. 171  
**P**latonis sententia, de Veritatis cognitione, & beatitu-  
  dine. 171  
**P**rovidentia Dei, magno solatio miseris. 112  
**P**uella

INDEX RERUM.

- Puella venenis nutrita, serpentis naturam induerat. 36  
 Puerilitas vanè gloriantum. 45. & seq.  
 Pulcher sponsus Christus, sponsam pulchram, & castus  
     castam desiderat. 2. 169  
 Pulchritudinis fallax species. 24  
 Purganda & sordes mentis, ad speculū: quomodo. 88. & seq.  
 Pythagoras suis ad solem speculo uti mandabat. 6

Q

- Quare in speculo concavo, facies speculantis inuersa  
     appareat. 21  
 Quare in speculo facies introrsum videatur abscedere,  
     quando quis ab illo recedit; &, quando accedit, accede-  
     re: minui quoque in recessu, in accessu augeri. 130  
 Quòd sit, sed non quid sit Deus, umquam in hac vitâ  
     cognosci potuit. 105  
 Quomodo fiat, ut opera speculi, fomes accédatur. 28. 30  
 Quo pacto vultum animi in speculo liceat contemplari.  
     4. & seqq.

R

- Risū digna, sibi complacentium vanitas. 45. & seq.  
 Roboami inspiens consiliū, ab adulatoribus acceptū. 61  
 Rosa quidem sine spinis non crescit, sine illis tamen pru-  
     denter decerpitur: ita charitas foras mittit timore. 156

S

- Sacerdotes non contemnendi. 95  
 Sacerdotū Ecclesie, diuina absoluendi potestas. 91. & seq.  
 Saltantium pro sponsā certatio. 51  
 Sancti sideribus comparati. 143  
 Sancti, specula virtutum. 137. 143. & seqq.  
 Sapientium ethnicorum illustratio à Deo. 103. 106  
 Sapientium mundi fructitia, & merita pœna. 108.  
 S. Sara virginis de tentatore triumphus. 50  
 Saul rex, humili & enectus, & sublimis deiectus. 53  
 Scipionis filiabus dos à Senatu Romano attributa. 8

N

S. Scri-

INDEX RERUM.

- S. Scriptura speculum perillustre.* 118. 120. & seqq.  
*S. Scriptura opulentia, fœunditas, virtus.* 121  
*S. Scriptura inestimabile pretium, & thesaurus.* 121. 127  
*S. Scriptura per hereticos deprauatio.* 128  
*S. Scriptura in sola Ecclesiâ Catholicâ candor & illibata integritas,* 129  
*Seductores Cain & Iudam imitantur.* 24  
*Semiramis heroicus actus, ignavos redarguens.* 42  
*Senes impuri in Susannam innoxiam exardescentes.* 37  
*Senes & anus non appetunt specula.* 15  
*Sepulchra dealbata, intus factentia.* 81  
*Signaculum super cor & super brachium Christus.* 161  
*Simiarum instar, aliqui animam suam proprio amore conficiunt & suffocant.* 46  
*Socrates discipulos suos speculum intueri inbebat.* 6  
*Sol inoffensis oculis speculo cernitur.* 28. & seq.  
*Speculum ad videndum Deum, est anima rationalis.*  
 In Præambulo.  
*Speculo quomodo mentis affectus prodi queant & corrigi.* 4. & seq.  
*Speculum mentis humana, facies.* 5  
*Speculorum inuentio primum fortuita, & primus usus.* 7  
*Speculorum abusus & luxus.* 7. & seqq.  
*Speculatores caci, muti, dormientes, qui.* 13  
*Specularius lapis, typus ocolorum spiritualium.* 56  
*Speculorum abusum etiā in viris antiqui carpebant.* 52  
*Specula & labrum, examen conscientia & Confessio.*  
 87. & seq.  
*Speculi boni conditiones quatuor, s. Scriptura attributa.* 118  
*Speculis officiunt varia.* 128. & seq.  
*Specula concava & conuexa, in effectu contraria.* 28  
*Speculo vicina, magna apparent; remota vero parua: estimationique & contemtui rerum terrenarum comparatur.* 130. & seq.  
*Speculorum istorum utilitas, ut formetur in nobis Christus.* 133. 159. 161  
 Spon-

INDEX RERVM.

- Sponsus & sponsor noster, Christus. 97  
 S. Stephani facies, instar angelis apparuit, a fiduâ celestium speculatione. 56. & seq.  
 S. Stephanus vidit calos apertos. 162.  
 Stultus, ut luna. 16.  
 Superbi nec sponte suâ resipiscunt, nec moniti agnoscunt errorem. 44. 46. 48. & seq.  
 Superbia & fastus intolerabilis tumor. 45. 72.  
 Superborum sibi ad blandientium vanitas. 53.  
 Susanna castissima. 37  
 Susanna oleum & smigmata, mystica. 85. & seq.

T

- Templi vocabulum, unde ortum. 57  
 Templum Salomonis plenum gloria Domini; gaudium Domini. 173. & seq.  
 Tentatio complacentia in primis parentibus. 43. & seq.  
 Terra mobilis, homo: ut talpa emolumenatum. 79. & seq.  
 Testamentum utrumque, geminum speculum. 115  
 Testamenti utriusque Sanctorum, collatio exemplaris. 144  
 Thesauro Ezechiae Babylonii ostensio, S. Scriptura comparata. 119. & seq.  
 S. Thomas Aquinas in Regine vulnus, B. MARIAE pulchritudinem contemplans; nos docet, ex terrenis speculari caelestia. 111  
 Tigris, rapto catulo, obiecto per viam orbe speculari, à raptore decipitur: quid ad mores iâ faciat. 22. & seq.  
 Trabis & festuca sinistra conuersio. 81

V

- Vanitas se ad speculum oblectantium. 17. & seq.  
 Vanitas complacentia, ex puerorum colludentium more collecta. 45. & seq.  
 Vanitas sibi soli quoque gloriantis. 41 49  
 Vanitas, instar equarum quarumdam, ex vento Fauonio concipientium. 53  
 Vanitas laudis emendata. 45. & seq.  
 Videndi

INDEX RERVM.

- Videndi Dei DESIDERIVM. 55. & in Præambulo.*
- Vide DESIDERIVM.
- Vilia varia, quibus homo confertur. 75*
- Vilitatis propriæ speculum & agnitus. 71. & seqq.*
- Virtutum omnium exempla in Sanctis recēsita. 133. 144*
- Visionis diuinæ varietas. 71. & seq. 100. & seq.*  
146. & seqq. 150. & seq. 159. & seqq.
- Vitia animi, ad speculum uti corrigi possint. 4. 10.*  
& seq.
- Vredo, vrtica, vſtulatio. 32*
- Vſtulans speculum; proprium, & metaphoricum. 30. 34.*  
& seqq.

*X*

- Xerxes insignem platanum armillis & catenis aureis ad-*  
*ornauit. 79*

*Z*

- Zacchæe, festinans descendere humiliare, IESVM vi-*  
*dere desiderans. 162. & seq.*
- Zacchæum statura pusillitas & turba à conspectu IESV*  
*impediebat. Vide initium Præambuli.*
- Zelus honoris diuini in vultu Onie, velvet in speculo*  
*quodam emicabat. 38*

ERRATA.

|           |                |          |      |             |
|-----------|----------------|----------|------|-------------|
| Pag. 3.   | lin. 3. à fine | adiutor  | lege | auditor     |
| Pag. 9.   | lin. 6.        | optatim  |      | opratum     |
| Pag. 67.  | lin. 3. à fine | iniustus |      | iustus      |
| Pag. 84.  | lin. 13.       | frater   |      | fratres     |
| Pag. 126. | lin. 18.       | opponitu |      | opponitur   |
| Pag. 134. | lin. 2.        | humilis  |      | humilitatis |

# APPROBATIO.

**H**Æc Specula R. Patris Ioannis Dauid Societatis IESV Presbyteri nihil habent contrarium nostræ Religioni Catholicæ: sed plurimum adiumenti adferunt iis qui Deo in perpetuum perfaci optauerint. Digna igitur iudico ut in publicum diuulgentur. II. Nouembris, M. DC. IX.

*Egbertus Spitholdius S.T. L. Canonicus  
& Plebanus Antuerpiensis.*

## SVMMA PRIVILEGII.

**A**LBERTI ET ISABELLÆ CLARÆ EUGENIÆ, Archiducum Austriæ, Ducum Burgundiæ, Brabantiaæ, &c. Serenissimorum Belgicæ Principum Priuilegio cautum est; ne quis *Duodecim Specula Deum aliquando videre desideranti concinnata*, Auctore P. Ioanne Dauid Soc. IESV Sacerdote, præter voluntatem Ioannis Moreti, Typographi Antuerpiensis, intra octennium ullo modo imprimat, aut alibi impressa, in has inferioris Germaniæ ditiones importet, venaliâ habeat. Qui secùs faxit, confisctione librorum, & aliâ graui poenâ mulctabitur: vti latius patet in litteris datis Bruxellæ XVI. Ianuarij, M. DC. X.


Signat.

*N. Lambaerts*

**A N T V E R P I A E,**  
**E X O F F I C I N A P L A N T I N I A N A,**  
**A P V D I O A N N E M M O R E T V M.**

**M. D C. X.**









aar

